



IMAGO
VITÆ
MONASTICAE,

AUTHORE

R.P. JOANNICIO BASILOVITS,

Ordinis Sancti BASILII Magni,

Proto-Hegumeno, & Venerabilis Monasterii in

Monte Csernek, prope Oppidum Munkáts, ad San-

ctum Nicolaum Hegumeno concinnata.



CASSOVIAE,

EX TYPOGRAPHIA ELLINGERIANA 1802.

APPROBATIO.

Cum de gratiosa Excellentissimi Domini Ordinarii mei dispositione ad interven-
tas preces Reverendi Patris Joannicii Bazilovits, Ordinis S. Basilii Magni
Proto-Hegumeni, & Venerabilis Monasteriis in monte Csernek, prope
Oppidum Munkáts ad S. Nicolaum Hegumeni opus ejusdem, cui Titu-
lus: *Imago vitæ Monasticæ* revisioni meæ commissum exstitisset; illud
solicite legi & scrutatus sum, & quia nihil in illo Dogmatibus, Moribus
Christianis, ac Fidelitati erga regnantes altissimas Potestates contrarii ad
reperissem: idcirco illud Typis procudi posse censeo. Datum in Residen-
tia Episcopali Ungvariensi, Die sexta Aprilis, Anno Domini Millesimo
Octingentesimo secundo.

Ad gratiosum Excellentissimi Domini,
Præsulis & Prælati Michael Sefavniczky,
Cath. Eccl. Munkatsiensis Lector & Canonicus,
SS. Theologiæ Doctor.

I N D E X

Eorum, quæ hoc libro continentur.

Series Rerum Partis Primæ.

CAPUT I. Descriptio Originis Monachorum, quam S. Chrysostomus ducit a S. Joanne Baptista § I.	— 1
Sanctus vero Hieronymus eandem refert plane ad Eliam, & Eliæum Prophetas. § II.	—
Horum æmulatores nostri Monachi § III. & IV.	— 2
Apud Ethnicos quoque typus quidam erat vitæ Monasticæ § V.	— 3
CAPUT II. Juxta S. Basilium status hominum duplex virginitatis & Conjugii § I.	—
Juxta Eusebium ab ipsis Apostolis traditus § II. & III.	— 4
Idem Eusebius mores Apostolorum in exemplum adducit § IV.	— 5
Proinde vitæ Monasticæ authores Apostolos asserit Cassianus § IV. & Cœnobitas ab Apostolis descendisse § V.	— 6
CAPUT III. Vita Monastica olim Philosophica dicebatur § I. & II. & sequent.	— 7
CAPUT IV. Hæc vox, Monachus, tardius innotuit, ejus originem deducit S. Augustinus § I. II. III.	— 12
Vita Monastica in contemplativam dividitur, & activam § IV. V.	— 13
CAPUT V. Vitam Cœnobiticam ac activam præstare Anachoreticæ & solitariæ S. Basilus ostendit § II. III. IV.	— 14
Vitæ Cœnobiticæ descriptio § V. VI.	— 16
CAPUT VI. Vita Cœnobitica industria S. Antonii in Eremo per Ægyptum in immensum creverat, horum Monachorum prima fuit Confederatio, ut exponitur § I. II.	— 18
Genuina vitæ Cœnobiticæ Imago terminatur § III.	— 20
CAPUT VII. Primi Monachi secreta loca inhabitaverant, Cœnobitæ etiam populi tumultum declinantes § I. II. III.	—
Cur autem posthac loca publica inhabitare cæperint relicta solitudine? Causæ exponuntur; idque factum erat primo S. Basilio auctore § IV. V. VI.	— 22
Monastica habitacula varia nomina habent.	—

Coenobia, Monasteria, Mandræ, Lauræ &c. compellari solent, quorum rationes, & differentię assignantur § VII. & seq.	24
CAPUT. VIII. In ædificatione Monasteriorum splendor omnis vi- tandus, limesque paupertatis servandus. Vide exempla an- tiquorum — — — — —	25

Series Rerum Partis Secundæ.

CAPUT I. Juxta Salvatoris effatum ad vitam Monasticam aditus cuius patet cujusvis ætatis, status, & conditionis ille sit § I. II. III. — — — — —	27
De receptione puerorum comperta est: Et quidem pupillos sponte, oblatos vero a parentibus recipiendos esse coram te- stibus S. Basilii statuit, non tamen senioribus incorporan- dos illico — — — — —	—
Communitè SS. Patres liberiores cum pueris conversationem vetant vide causam § IV. V. — — — — —	29
Qualiter recipiendi conjuges § V. — — — — —	—
CAPUT II. Cum Monastica vita non sit leve jugum, ideo qui- dam Patres censuerunt, valde juvenes non esse suscipiendos, & hac de re Canones quidam statuunt, indicant § I. II. — — — — —	30
Nemo attamen ad professionem ante certum probationis tempus admittebatur: unum annum statuit Tridentinum Concilium § III. — — — — —	31
Amplexuri statum olim Monasticum mirabili modo probabantur § IV. V. VI. — — — — —	—
Quomodo fuit per S. Antonium simplex Paulus probatus, vide § VII. — — — — —	34
Ingressurus in Monasterium probet prius se ipsum per rigorem vitæ, ne postmodum cum detrimento animæ suæ revertatur ad sæculum monente S. Basilio &c. § VIII. — — — — —	—
Constantes in suo proposito reperti Magistro tradebantur in se- parata habitatione instituendi § IX. — — — — —	35
CAPUT III. Novitio Magister necessarius, virtutibus ibidem ex- positis ornatus § I. — — — — —	36
Prima doctrina, quæ tradenda juxta S. Hieronymum? § II. — — — — —	—
Præprimis doceatur vincere proprias voluntates § III. — — — — —	37
Exemplum obedientiæ speciale exhibet Climacus § IV. — — — — —	—
Magna cura adhibebatur Religiosæ paupertatis § V. — — — — —	38
Cogitationes ipsas jubebantur revelare novitii § VI. — — — — —	39

Celans cogitationes suas inimicum exhilarat § VII.	—	39
Præter legere, scribere, psalere, discere, etiam manibus laborare jubebantur novitii, erant nihilominus in arrepto proposito constantes § VIII. IX.	—	40
CAPUT IV. Ante professionem bona relinquenda omnia, ita fecit principio omnis Ecclesia Sanctorum § I. II.	—	41
Accipere aliquid pro Monasteriis a Novitiis non est consultum, vide causas § III.	—	42
Imo pro ingressu quidpiam acceptare Simonia est § IV.	—	43
CAPUT V. Professionis ritus describuntur § I.	—	—
Ritus illi non sunt novum inventum	—	44
Esseni, a quibus Ægyptii Monachi descendunt, professionem inter terribilia juramenta facere debebant § III.	—	45
Forma consecrativa Monachorum § IV.	—	46
De Eadem § V.	—	47
CAPUT VI. Tria vota in se status Monasticus complectitur, nempe obedientiam, paupertatem, & castitatem, causa assignatur. § I.	—	48
Hac via Apostoli, hac veteres Monachi constanter incesse- runt § II.	—	—
CAPUT VII. Obedientia virtus prima in Monacho facilisque via ad perfectionem § I. & II.	—	49
Proinde voluntates propriæ cessare debent superioris voluntati subjiciendæ § III.	—	51
Perfecta obedientia in quo consistit? expositio	—	—
Neque imperfectio superioris attendenda. Obedientia enim ei præstita, Deo exhibetur § IV. V. VI.	—	52
Exemplum Climaci § VII.	—	53
Proprietates obedientiæ § VII. VIII. IX.	—	—
Terminus obedientiæ usque ad mortem § XI.	—	55
CAPUT VIII. Peccatum inobedientiæ, ejusque remedia exponuntur § I. II. III.	—	56
Continuatio & exemplum § VI. V.	—	57
CAPUT IX. Paupertatis expositio cum exemplis § I. II.	—	58
Monachus nihil proprii habere potest: Proinde meum, Tuum dici nequit § III. IV.	—	60
Exemplum S. Basilii de sinecetitio Senatore ibidem § IV.	—	61
Monachus nihil potest dare alteri etiam valde egenti § V.	—	62
CAPUT X. Vitium proprietatis multis modis palliare solent transgressores, illudque est subtile malum § I. II.	—	63

Quidpiam in proprium commodum vertere est Sacrilegium juxta S. Pachomium, & proprietarius Judæ comparatur § III.	64
Pænæ in proprietarios latæ gravissimæ	—
Terribile exemplum refert S. Hieronymus § IV. V. & sequent.	—
A Deo proprietarios graviter castigari S. Gregorius exemplo probat § VI.	66
Simile refert Boverius § VII.	—
Te suppellectili Monachi § VIII.	67
CAPUT XI. Eunuchiam, quæ est propter Regnum Cœlorum, non omnes capiunt: ardua enim supramodum est maxime juven- tuti § I. II.	
Castitatem primo omnium Christus docuit, multis laudem præ- coniis a sanctis Patribus celebratam § III.	69
Hac virtute Angelis assimilatur Monachus, quam proinde soli- cite custodire oportet § IV.	—
Remedia adversus hostes castitatis statuuntur § V. VI.	70
Conversatio cum scæminis etiam consanguineis cavenda § VII. VIII.	72
Aditus scæminarum ad Monasterium excludi debet § IX.	73
Pænæ in fornicarios Monachos: § X. XI.	—


Series Rerum Partis Tertiæ.

CAPUT I. De Oratione, quæ est sublime bonum, ideoque expe- tendum; verum bene orare, hoc opus, hic labor est § I. II.		76
Ad perfectius orandum Regula aurea a SS. Patribus proponi- tur § III.	—	79
Modi orandi, & cum fervore orandum § IV. V.	—	80
Certa per diem orandi statuta tempora § VI.	—	82
De vigiliis Monachorum § VIII.	—	84
Dæmon studet preces nostras Deo odiosas reddere, & S. Ma- cario ejus fraudes detectæ § IX.	—	86
Ante finem orationis non discedendum § X.	—	—
Oratio dissolutorum displicet Deo, quemadmodum olim Sacri- ficia Judæorum § XI.	—	87
De Cantu § X.	—	—
CAPUT II. De sumptione Eucharistiæ & de modo sumendi § I.		—
II. III.	—	89
CAPUT III. De cibis Monachorum, qui alimento siccissimo ute- bantur § I. II.		91

Panem non libris, sed unciis ponderabant	—	—	91
Quærimoniæ quorundam § IV.	—	—	93
Uti sunt nonnulli Monachi etiam Lacticiniis: sed abstinebant ab animatis, etiam a piscibus § VI. VII. VIII.	—	—	94
Sanctus Basilius invehitur in esum carniurn. Ibidem. Vinum Monachis in usu non erat § IX.	—	—	98
 CAPUT IV. De habitu Monastico; vestimentum, & calceamentum commune oportet esse § I.			
Monachi veste candida utebantur olim: cur ergo nigram assumerunt? assignantur causæ § II.	—	—	99
Monachorum exemplo ductus etiam Clerus sæcularis assumpsit vestitum nigrum § III.	—	—	101
Sanctus Basilius in vestitu præscribit vilitatem servandam § IV.	—	—	102
Cultum vestium abundantiorē semper damnabant SS. Patres, munditiem tamen in iis servandam innuunt § V. VI.	—	—	103
Descriptio habitus Monastici in specie § VII.	—	—	104
Diversitas in habitu apud antiquos quoque fuit § VIII.	—	—	107
Vestis Cilicinæ usus § IX.	—	—	—
In veste & cibo superiores communitatem nullatenus excedere debent § X. XI.	—	—	108
 CAPUT V. De Tonsura Monastica; ejus mos antiquus § I.			
Comam nutrire vetat Apostolus, Barbam vero radere, cum sit symbolum virilitatis, antiquo probrosum fuit § III.	—	—	110
Inter Clericos, & Monachos in partibus Occidentalibus quoad Barbas diversa consuetudo fuit	—	—	113
Nomina sub tonsura Monastica mutari solent § V.	—	—	114
Professio Monastica comparatur Baptismo § VI. VII.	—	—	115
 CAPUT VI. Monasteria Scolæ sunt patientiæ § I. II. III.			
SS. Patres vexationes Monachorum comparant tormentis Martyrum, & Monachismum æquiparant Martyrio § V. VI.	—	—	118
Laudes SS. Patrum de iisdem § VII.	—	—	121
Lamentationes S. Sophronii ex Monacho facti Patriarchæ § VIII.	—	—	123
Quid egit Michael Oxita Patriarcha § IX.	—	—	124
Multi Reges facti Monachi § X.	—	—	125
Quo in honore Constantinus M. habuerat Monachos	—	—	126
In honore magno habiti semper sunt in Ecclesia Monachi § XI.	—	—	127
Non deerant tamen contemptores Monachorum § XII.	—	—	—

Series Rerum Partis Quartæ.

CAPUT I. S. Basilii Magni describitur natale solum, patria, genus, & literarum studia	—	—	—	130
CAPUT II. S. Basilium vere fuisse Monachum, luculenter demonstratur	—	—	—	134
CAPUT III. Vitæ Cœnobiticæ in Ponto & Cappadocia S. Basilii Author fuit	—	—	—	142
CAPUT IV. Studet Ecclesiæ utilitatibus, ædificat Cœnobia, Psalmis, & Hymnis, ac orationibus vacare docet, ac ordinatur in Presbyterum	—	—	—	145
Disidium inter Eusebium Episcopum Cæsariensem, & sanctum Basilium interventum, ejusque causa exponitur, secessusque in Pontum &c.	—	—	—	147
CAPUT V. Reconciliantur iidem	—	—	—	148
Regulas fusiores ante Presbyteratum, breviores autem Presbyter composuit S. Basiliius	—	—	—	—
Epistola 22. alias 411. de perfectione vitæ Monasticæ ante conscriptas regulas exarata	—	—	—	150
Sanctus Basiliius factus Episcopus ejusque gesta	—	—	—	157
CAPUT VI. Monachorum zelus describitur	—	—	—	159
S. Basilii Magni de Jejunio Homilia I.	—	—	—	166





I M A G O

VITAE MONASTICAE

P A R S I.

C A P U T I.

§ I.

Princeps vitæ Monasticæ Joannes Baptista fuit. Hæc
 sancti Chrysoſtomi ſententia eſt: ſicut ſacerdotum ait,
 principes ſunt ſacerdotes Apoſtoli, ſic Monachorum prin-
 cept Joannes Baptiſta eſt. Hinc confiderate Monachi di-
 gnitatem veſtram, idem ait, Joannes veſtri princeps eſt Homil. 1.
in Marcum
 dogmatis, ipſe Monachus ſtatim ut natus in eremo vivit,
 in eremo nutritur.

§. II. Verum juxta ſanctum Hieronymum, Joannem Hom. de
S. Joanne
Baptiſta.
 longe præceſſerunt Elias, & Eliſæus cum filiis Prophetarum:
 filios Prophetarum ait, Monachos veteris teſtamenti

A

fuiſſe

Epist. 4. fuisse legi. Item: noster princeps Elias, noster Elisæus,
 4 Reg. 6. nostri duces Filii Prophetarum, qui habitabant in agris,
 & solitudinibus, & faciebant sibi tabernacula prope fluenta
 Epist. 13. Jordanis. His accedunt, de quibus, ait sanctus Apostolus
 S. Hiero- Paulus. Circuierunt in Melotis, & Pellibus caprinis,
 nymi.
 1. ad He- egentes, angustiati, afflicti, quibus dignus non erat mun-
 bræos 11.
 v. 17. dus: in solitudinibus errantes, in montibus, & speluncis,
 & in cavernis terræ.

§ III. Horum exemplo nostri Monachi commoti quie-
 tem solitudinis appetentes, gaudia propriæ salutis, ac fidei
 divino munere sunt consecuti, cæterisque mox exempla
 sublimioris vitæ, sacratiorisque præbuerunt, ex quibus
 In vita S. Pachom. præcipue fuit sanctus Antonius qui magni Eliæ, atque
 Cap. 1. Elisæi nec non & sancti Joannis Baptistæ æmulator exi-
 stens, secreta interioris eremi studiô sectatus est singulari,
 vitamque cœlestium in terris gessit, amore virtutis.

§ IV. Hi prisce quasi Monachi nobis formam aliquam
 Ibid. in exhibuerunt, obedientiæ paupertatis, asperitatis in victu, &
 vita S. Pa- vestitu ac etiam in labore manuali: Filii namque Prophe-
 chom. tarum erant sub Magisterio, & manuductione Eliæ, atque Eli-
 sæi tamquam Prælatorum. Colebant quoque paupertatem,
 quare Cassianus Giezi discipulum Elisæi transgressorem pau-
 pertatis inter proprietarios cum Juda, Anania, & Sapphira
 Libro 7. locaverat. Et videamus sancti Prophetæ tenuitatem Mona-
 Instit. sticam: Cœnaculum parvum, lectulum, mensam, sellam,
 candelabrum. Quid congruentius Evangelicæ paupertati?
 4 Reg. Denique ne forent ociosi, cedebant ligna, & sibi construe-
 4. v. 10. bant tabernacula. Hunc ritum, seu disciplinam Monasti-
 cam,

cam, teste sancto Chrysostomo nostri Monachi ab iis tam- 4Reg. 6:
quam a prototypo acceperunt: In uno castitatis voto supe- v. 4.
ramus eos: nam præter Joannem Baptistam, Jeremiam, Hom. 69.
Eliam, cum Daniele vix alter quispiam virginitatem co- in Math.
luit.

§ V. Apud ipsos infideles etiam ac Ethnicos typus
quidam erat vitæ Monasticæ: Sacerdotes Ægyptii, ait san-
ctus Hieronymus, postpositis omnibus mundi negotiis, curis- Lib. 2.
que soli cultui divino vacaverunt: cognatos ac liberos nun- contra Jo-
vin.
quam viferunt, a suscepto officio mulieribus nullo tempore
se miscuerunt, carnibus ac vino semper abstinerunt: panem
raro comederunt; oleum tantum in oleribus noverunt, &
ipsum etiam rarum; volatilia, ova cum lacte vitaverunt &c.
Narrat præterea apud alios quoque populos fuisse, qui
uxoribus, vinò, carnibus, volucris, piscibus, pomis,
coetisque cibis abstinerunt, & præter farinam, & olera
in cibum nihil acceperunt. Quæ omnia si nos Monachi
perageremus, quid non in altera vita sperare possemus?
vere gentilitas in Judicio consurget contra nos, & conde-
mnabit nostram ignaviam.

C A P U T II.

Status Hominum duplex.

§ I.

Benignus Deus salutis nostræ providens, vitam hominum
divisit in duplex vitæ genus, conjugium dico, & Vir-
ginitatem, ait sanctus Basilius sermone Ascætico de renun-

tiatione sæculi, seu de abdicatione rerum. Priorem proinde dicit consistere in educatione prolis, posteriorem vero in continentia, & virginitate.

Lib. 1.
de demon-
stratione
Evang.
Cap. 8.

§ II. De hoc duplici statu ita scribit Eusebius. Apostoli inquit ad Magistri sui mentem auribus multorum doctrinam suam accomodarunt, & illis quidem, quos videbant animo paratiores, & sublimiores sublimiora tradiderunt, aliis contra, quorum affectus adhuc passionibus erant obnoxii, præceperunt humiliora, partim per literas, partim oretenus, ut jam tum Ecclesia duplici via, vitæque distincta fuerit, quarum una excelsa sublimiorque communi vitæ ratione, non nuptias, non sobolem, non possessiones, non opes requirens, aut curans, tota se supra humana, vulgariaque extendit, cultui admirabili, cœlesti amore, stimulante Deo consecrata, cujus sectatores tamquam mortali vita perfuncti corpore herente quidem in terra, sed anima per cogitationes translata ad cœlum, quasi quidam Dii reliquorum vitam ab alto contemplantur, consecrati scilicet omnium Domino pro omnibus hominibus, non per boum mactationes, non cruorum libationes, sed veris dogmatibus genuinæ pietatis, purgataque mentis affectione, denique verbis, & factis a virtute procedentibus. His ergo placantes Deum sacrum suum Mysterium tam pro se, quam pro aliis absolvunt, & offerunt.

§ III. Altera autem remissior, & humanior est, concedens sobrius nuptias, & liberorum procreationem, curamque familiæ, ac docens, quæ agenda sunt jussu militantibus, admittitque possessiones agrorum, mercaturam, & alia,

alia, quæ cum pietate pro vitæ usu conjuncta sunt. His sue tempora pro exercenda pietate statuta sunt; his dies assignati ad doctrinam, & perceptionem verbi divini. Atque hic alter religionis nostræ status aptam præbens omnibus utilitatem, qua nullus non particeps fieri possit, redemptionis humanæ, Evangelicæque doctrinæ, sive Barbarus, sive Græcus.

§ IV. Idem Eusebius, mores, ait, inspicimus discipulorum Jesu, inde enim qui libet prudens judicabit dignos esse, qui recipiantur: viros scilicet idiotas, pii, Philosophicique Magisterii ardore — — — succensos amplexatos vitam duram, & molestam jejuniis, & abstinencia vini, & carniū, plurimisque aliis corporis humiliationibus, votis, & orationibus divinis, præcipue vero temperantia, & castitate corporis, pariter atque animæ. Quis enim non demiretur in ipsis, quod intuitu summæ Philosophiæ conjugibus lege concessis renuntiaverint, naturales voluptates calcaverint, ad filios, ac nepotes non respexerint? scilicet immortales, non mortales filios desideraverunt. Quis non obstupefcat mentem ipsorum a pecuniarum amore alienissimam? Hujus sane mentis indicium est, quod Magistrum inducentem abrenuntiationem auri, & argenti, decernentemque substantiam ultra unam tunicam nullo modo augendam, non solum non fugitarint, verum etiam exosculati sint. Denique quod alius nec ad aures quidem admitteret, hi facto executi sunt, teste Claudio illo, cui Petrus nec aurum, nec argentum dare potuit, quia non habebat.

Lib.3. de
demonstr.
Evang.
Cap. 7.

Lib. 1.
Instit. Cap.
4.

Et hi sunt principes, hæc principia vitæ religiosæ.

Hinc Cassianus, Petrum, inquit, & Paulum Authores Monasticæ vitæ esse novimus. Idem docent, & Episcopi Concilii Meldenfis Anno D. 845. celebrati: Horum institutio, inquiunt, a Deo inspirata ab Apostolis fundata, & a sanctis Patribus exulta dicitur.

§ V. Cœnobitas descendisse ab Apostolis, quorum districtam vitam, ac regulam sancto Marco traditam Cassianus enarrat his verbis, cum in primordiis, inquit, fidei pauci quidem, sed probatissimi Monachorum nomine censerentur, qui sicut a Beato Evangelista Marco, qui primus Alexandrinæ Urbi Pontifex præfuit, normam suscipere vivendi, non solum illa magnifica retinebant, quæ primitus Ecclesiam vel credentium turbas in actibus Apostolorum legimus celebrasse: multitudinis scilicet credente. Verum his multos sublimiora cumulaverant. Etenim secedentes in secretiora suburbiorum loca, agebant vitam tanto abstinentiæ rigore districtam, ut etiam his, qui erant religionis externæ, stupori esset, tam ardua conversationis eorum professio. Eo enim fervore scripturarum divinarum lectionibus, orationique, & operi manuum diebus, ac noctibus incubabant, ut nec escarum quidem appetitus vel memoria, nisi altero, tertiove die corporis interpellaret inedia, cibumque ac potum non tam desideratum, quam necessarium sumerent; & ne tum quidem ante solis occasum, ut tempus lucis cum spiritualium meditationum studiis, curam vero corporis cum nocte sociarent.

CAPUT III.

§ I.

Monastica vita olim dicebatur Philosophia, ita Philo-
de vita contemplativa: versantes, ait, sacra volumina
dant operam Philosophiæ, quam per manus a majoribus
acceperunt, a quibus majoribus? utique ab Apostolis, quo-
rum vita fuit, vera Philosophia Eusebius refert de sancto
Jacobo Apostolo: vinum, & siceram non bibit, de nullo Euseb. 2.
Hist. Cap. 23.
vivente comedit, novaculam super caput non admisit, qui
eodem Eusebio teste, a Judæis erat odio habitus: sed cur?
quod usque ad culmen Philosophicæ vitæ, ac divinæ pie-
tatis ascenderit. Defunctis autem Apostolis, ipsorum di-
scipuli non pauci vehementiori Philosophiæ amore succensi
salutarem Dei iussione prius implentes egenis distribuerunt
substantiam facto remonstrantes, quod implere consilium
Christi: vade vende omnia, principium vitæ vere Phi-
losophicæ sit.

§ II. Vitam Monasticam sub nomine Philosophiæ clare
describit Sozomenus. Ii, ait, qui Monasticum vitæ genus
excolebant præ omnibus Ecclesiam Illustrare, Religionem-
que Christianam piis suis vivendi institutis magnopere di-
latare visi sunt. Talis siquidem Philosophia a Deo nobis
concessa res sane perquam utilis est. Nihil illi curæ scien-
tiarum varietas; ut inanes negligit dialectorum strophas,
& argutias utpote melioribus occupata, a quibus per has
facile impediretur, vel certe nihil juvaretur. Itaque sola
naturali, & minime curiosa prudentiâ contenta docet vitia
vel

vel omnino tollere, vel saltem minuere, cum autem recipit, qui bona amplectitur; inertem contra, & pravum, tametsi malum fugiat, si bonum non faciat, averfatur, omnem gloriam hominum despicit mentis passionibus fortissime resistit, necessitates corporales infracte contemnit, sic, ut infirmitates nec etiam curet. Quippe divinæ mentis virtutem adepta ad omnium rerum Conditorem interdiu, noctuque contendit, Eum colit, ac veneratur, nec unquam cessat, Eundem precibus, & obsecratione placare, cunctis eventibus exterioribus altior, nec ullis perturbationibus, aut necessitatibus hujus vitæ a proposito recedit. Injuriis nec dimittitur, nec ad altionem erigitur; non morbi, non inopia necessariorum eam dejiciunt, quin in his sibi placet, summumque studium ponit, ut in vita se exerceat, in omni mansuetudine, ac tollerantia, quo immortalī Deo quantum possibile est, mortali homini, quam proxime accedat, præfenti insuper vita tamquam per transitum utens, neque angitur desiderio rerum acquirendarum, neque eas ultra necessitatem procurat, sed vitam simplicem, tenuemque comendans aspirat, & anhelat indefinenter ad futuram felicitatem, ac beatitudinem. Itaque dum incunctanter ad pietatem extenditur, fit, ut excreetur omnem turpitudinis notam, ut nec ad obscœna quidem verba prorumpat, utpote proposito suo contraria.

Porro necessitates naturæ, in æretum contrahens, cogensque corpus paucis esse contentum, temperantia libidinem, justitia vincit injustitiam, veritate mendacium, rectoque ordine, & stabili dispositione medium in cunctis tangit.

git. Inconcordia quoque, & communione erga proximum adeo pie se gerit, ut omnibus provideat, tam amicis, quam peregrinis. Indigentibus omnia facit communia, singulis exhibet necessaria, nec hilaritate creat molestiam, nec tristitia confundit misericordiam. Paucis: hoc est omne ejus studium, ut ad curam veri boni se extendat, sapienter dictis, & prudenter excogitatis alios instruat, & tamquam medicamentis auditorum animos sanet, verba faciens debito cum honore, ac verecundia, exclusa omni adulatione, ira, & contentione. Nam cum rationalis tota sit, fit, ut omnem motum irrationabilem abscindat, passionesque sive in corpore, sive in animo reprimat. Initium hujus optimæ Philosophiæ quorundam opinione ab Helia Propheta, & Joanne Baptista fuit. Hinc perspicuum est vitam Monasticam quondam fuisse Philosophiam dictam, quam si quis fuisset amplexatus, Philosophus dicebatur.

§ III. De sancto Pamphilo: ita scribit Eusebius: Vir, inquit, qui per totam suam vitam omni erat ornatus virtute, qui suis contemptis, & abrenuntiatis, cuncta pauperibus distribuerat, mundanis spebus abjectis conversatione, & ascesi Philosophus. Et sanctus Gregorius Nazianzenus ait: „Apud Christianos esse multa millia Philosophorum, utriusque sexus per universum pene mundum, non modo de obscuro, sed etiam de illustri genere hominum olim in substantia, natalibus ac dignitatibus sæculi, qui præbent longe majora virtutum exempla, quam unquam Philosophi Ethnici ediderunt.”

Lib. 8.
Hist. Cap.
21.

S. Greg.
Naz. Orat.

5.

§ IV. Qui se tradebant studio sapientiæ, hi olim dicebantur Philosophi, sapientia autem consistit in recte factis potius, quam in bene dispositis, & ornatis verbis. Hinc ex Barbaris bonis exemplis & operibus alios ad virtutem magis trahebant, quam Græci verbositati dediti. Idcirco Calanus Philosophus ad Alexandrum: Ignis, inquit, corporibus vivis maximos dolores exitat, non sine perniciæ; hunc tamen nos despiciamus, dum vivi comburimur. Nullus Rex, nullus Princeps potest efficere, ut quidquam agamus præter animi sententiam. Non sumus Græcis Philosophis similes, qui diu meditados sermones recitant, in celebritatum conventibus: sed res a verbis apud nos non discrepant. Brevi momento, & beatitatem, & libertatem adipiscimur.

§ V. Bonis viris gloriosum est multa agere, pauca loqui, ita condam dixit Imperator Aurelius ad novem Philosophos. In austeritate vitæ, in opum contemptu, in confectandis virtutibus veteres excellebant. Laertius scri-

Lib. 2. bit de virtutibus Philosophicis, olim nulli Philosopho docere Philosophiam licuisse, si vel unicum in peculio habuisset argentum; unde Silenus Philosophus, a Mida captus cum lytrum ab ipso peteretur, respondit: „ Argentum, vel aurum a Philosopho petere, quo se redimeret, aut scurilem jocum esse, aut tyrannicam violentiam.”

§ VI. Cibis vilissimis vescabantur, & solius aquæ usu pro siti extinguenda, contenti hi Philosophi; ex hoc tenui victu pallida facies nascebatur, & corpus siccum. Insignia laudati ducis sunt cicatrices, & Philosophi dilig-

gentis nota est asperitas, ait M. Aurelius Imperator Epistol. ad Epeſip. nepotem.

§ VII. Ex Epistola Anachorſidis ad Cræſum ipſorum regulam, & profefſionem noſſe juvat; ſi neſcis, inquit, Cræſe, diſcas, oportet aſveſcere nos in Scholis Græciæ non imperare, ſed parere, non loqui, ſed tacere; non reſiſtere, ſed obedire; non cupere multa, ſed exiguum boni conſulere, non ulciſci offenſas, ſed ignoſci injurias, non rapere alienum, ſed dare prorium: non affectare gloriam, ſed ſectari virtutem. Denique diſcere nos odiſſe, quæ cæteri amant, divitias ſcilicet, & amare quod cæteri odere nempe paupertatem.

§ VIII. Addit ad hanc rem nonnulla M. Aurelius Epistola ad Pollionem Athenis, inquit: Philoſophi in tanta vivebant egeſtate, ut nudi dormirent humi, ac ne frigidam quidem ad ſacietatem biberent, nullus eorum domum habebat propriam: pecuniam non ſecus ac peſtem averſabantur. Pacis inter diſcordes conciliandæ ſtudioſi, & reipublicæ amantiſſimi erant; nunquam verbum loquebantur otioſum, inſtar erat ſacrilegii inter ipſos dicere mendacium. Denique lex inter illos erat ſanctiſſima, ut Philoſophus otioſus relegaretur, vitioſus occideretur.

§ IX. Hoc inſtitutum in primitiva Eccleſia per omnia ſectati ſunt Monachi, imo etiam in multis transcenderunt. Ea de cauſa, & ipſi appellati ſunt Philoſophi, quos ſanctus Gregorius Theologus appellat inveſtes, & pene ex-carnes, atque exſanguēs, ac per hoc Deo propinguos, quibus nihil in mundo, ſed cuncta ſupra mundum, qui-

Orat. 3.
Item Ora-
tione 12.

Idem
S. Gregor.
Orat. 4.

bus psalmodia angelica, noctes statariæ, vigiliæ, jejunia, preces, lachrymæ, callosa genua; Et idcirco Julianus Apostata deridet Monachos, quod longis jejniis consumpti, ac vix jam semianimes sint, quod frustra vigiliis se discrucient, quod stationibus totarum noctium insaniant. Sed quid ad nos derisor hic? Monachis interim merito tributum est nomen Philosophi: nam eadem facies, idem habitus corporis, idem virtutis studium, idem contemptus opum, vitæ, & mortis, idem institutum, & regula morum, eandem contulit appellationem. Unica duntaxat fides, & cultus verus Dei veri discrimen facit, quo factum, ut cum Monachi maxime florent, ipsi superstitionis justa mercede delerentur. Invidentes enim Monachorum profectibus cum in locum valentis Imperatoris magicis artibus ad Imperium conarentur evehere Theodorum Gentilem hominem deprehenſi in facto per totum Imperium Lib. 6. jussu Valentis interempti sunt Zozomeno referente. Unde Hist. Cap. sanctus Augustinus ait, suo tempore Philosophos Ethnicos 35. non amplius fuisse. Manserunt igitur apud Monachos Philosophi Christiani, quamvis leges non nihil defecerint.

C A P U T IV.

§ I.

Hæc vox „Monachus” tardius, nempe sæculo tertio, primum ubique innotuit, vitæ tamen Monasticæ institutum jam antea fuit. In Oriente citius propagatum est, Romæ

Romæ vero usque ad sancti Athanasii tempora ignorabatur, ut ait sanctus Hieronymus.

S. Hieron.
Epist. 16.

§ II. Originem vocis hujus sanctus Augustinus exponens Psalmum 132. ita deducit: „Ecce quam bonum, „ & quam jucundum habitare fratres in unum.” Iste dulcis sonus, inquit, Monasteria peperit; ad hunc sonum excitati sunt fratres, qui habitare in unum concupiverunt. Iste versus fuit tuba ipsorum. Ex voce hujus Psalmi appellati sunt Monachi, nequis de isto nomine insultet Catholicis. Vox enim insultantium erat: Quid sibi vult nomen Monachorum? Ostendite (dicebant Donatistæ) ubi scriptum est nomen Monachorum? Quos sanctus Pater redarguens ex illo Psalmo rei, vocisque demonstrans originem. In unum, inquit, dicitur, quod Græcis Monos est, unde Monachi nomen derivatum est, non simpliciter ab uno solo, quod proprie Monos; qui ergo sic vivunt in unum, ut unum hominem faciant, ut sit illis vere, sicut scriptum est, una anima, & unum cor, multa corpora, sed non multa corda, recte dicitur Monos id est unus solus.

§ III. Cassianus de hoc nomine loquens, ait: Monachos a singulari, & solitaria vita nominatos.

Cassian.
Collat. 18.
Cap. 5.

§ IV. Vita Monastica a sui exordio, in activam, & contemplativam divisa fuit, qui in communitate sub regimine Prælati operam navabant evellendis vitiis, domandis affectibus inordinatis, implantandis virtutibus, dicebantur agere vitam activam: qui vero in his exercitati ad perfectionis gradum pervenisse censebantur, hi sæpe relictis Cœ-

nobiis secedebant in solitudinem divinis vacaturi contemplationibus, dicebantur esse in vita contemplativa, sicque inter Monachos emerfit discrimen, ut illi a vita communi activa vocarentur Cœnobitæ: hi a secessu vitæque solitaria & contemplativa Anachoretæ seu Eremitæ.

§ V. Verum tamen non est necesse, ut fine vitæ contemplativæ ducendæ secedat quis e Monasterio in solitudinem: habent enim & Monasteria suas cellas, in quibus contemplationibus vacare potest, modo quis velit; & major perfectio est, inter negotia mentem ad Deum elevatam conservare posse.

C A P U T V.

§ I.

Laudant quidem sancti Patres vitam Anachoreticam propter altitudinem perfectionis; ast longe melius est homini Religioso in sancta Societate cum Fratribus, quam segregatum cum bestiis vivere. Væ! soli, quia cum ceciderit, non habet sublevantem se, & si quispiam prævaluerit contra duo unum resistent ei, funiculus triplex difficile rumpitur.

Eccles.
Cap. 4.
v. 10.

Eccles. 12.

§ II. Sanctus Basilii Magni disertis verbis, ac multis rationibus probat vitam Cœnobiticam præstare Anachoreticæ, & solitariæ. Septima enim regula fusiori ait: „ Vitam, quæ simul cum pluribus agitur ad multa utilior, rem esse scio.” Ac primum quidem, quod nemo nostrum

strum

firmum sit, qui sibi ipsi sufficiat ad sublevandas corporis necessitates, sed in comparandis rebus necessariis alter alterius opera indigeamus. Quemadmodum enim pes aliam quidem optinet facultatem, alia vero caret, neque sine reliquorum membrum auxilio suam ipsius vim reperit idoneam, ac perseveranter sibi ipsi sufficientem; ita quoque in solitaria vita, & quod adest nobis, inutile redditur, & quod deest, comparari non potest. Si quidem opifex Deus nos alterum alterius ope egere decrevit, sicut scriptum est, ut sic inter nos jungamur. Eccl. 13. v. 20. Sed præterea diligendi Christi ratio, & modus unum quemque, quod proprium sibi fuerit, spectare non sinit, Charitas enim, inquit, non quærit, quæ sua sunt: vita autem solitaria scopum unicum habet, ut suis Cor. Cap. 13. v. 5. quisque utilitatibus inserviat, hoc autem aperte adversatur charitatis legi, quam implevit Apostolus, qui non sua, sed multorum commoda quærebat, ut salvi fierent, — ad hæc, præcepta plura a pluribus simul congregatis facile perficiuntur, ab uno non item: quando quidem dum unum sit, impeditur alterum, exempli causa: infirmi visitatio facit, ut hospes non excipiat, neque nutritur, qui esurit, neque amicitur, qui nudus est. Quis igitur inertem, & infructuosam vitam ei, quæ fructuosa sit, & Domini præcepto consentanea, velit antepone? &c.

§ III. Item Constitutione Monastica Cap. 18. „ Quid „ comparandum est huic vitæ Instituto? quid beatius? „ quid hac conjunctione, atque unitate perfectius? quid „ jucundius morum, & animorum conspiratione? Homines ex diversis nationibus, ac regionibus profecti, tam

„ tam perfecte, & sincere in unum coaluere, ut animus
 „ unus cernatur in multis corporibus; multa vero cor-
 „ pora mentis unius organa esse comperiantur — — —
 „ tales nos ab initio Deus esse voluit — — Hi Servato-
 „ ris, Institutorumque vitæ ejus, quam in carne degit im-
 „ mitatores sunt sinceri; Hi Angelorum emulantur vitam,
 „ illorum exemplo societatem diligenter tuentes.

§ IV. Certe multa sanctis Patribus semper displicere in Anachoretis, quæ in communi vita non reperi-
 bantur: Anachoretis, inquit, sanctus Ephraim omnia licent,
 sed non omnia expediunt; Cœnobitis autem a legitima,
 & Apostolica regula paupertatis, & obedientiæ declinare
 nefas est, adhortatione I. Anachoretæ solliciti erant in cra-
 stinum, unde & pecunias habebant, Cœnobitæ nequaquam.
 Anachoretæ infinitis sæpe premebantur angustiis, tentatio-
 nibus, infirmitatibus, absque solatio, sic, ut sæpe men-
 tem perdiderint, secus Cœnobitæ.

§ V. Vitam hanc Cœnobiticam; Constitutione Mona-
 „ stica Capite 18. ita exponit sanctus Basilii: „ Perfe-
 „ ctissimam, inquit, vitæ societatem appello ego eam,
 „ qua exclusa est omnis possessio propria, fugataque est
 „ animorum dissensio, ea, qua perturbatio omnis, conten-
 „ tioque, & dissidia absunt: in qua vero omnia sunt com-
 „ munia, animæ, sententiæ, corpora, & quæcunque alia,
 „ quibus corpora nutriuntur, ac curantur, communis Deus,
 „ communis pietatis negotiatio, salus communis, commu-
 „ nia certamina, communes labores, Coronæ communes,
 „ ubi multi unus, & unus non solus, sed in pluribus. — —

„ Qui infirmus est corpore, multos habet una secum ex
 „ affectu infirmos: qui animo ægrotat, ac concidit, ei
 „ præsto sunt multi, a quibus curetur, pariterque eriga-
 „ tur. Hi æquali jure inter se alii aliorum, & servi sunt,
 „ & Domini, & libertate invicta servitutem sibi invi-
 „ cem exhibent integerrimam: quam vim non peperit for-
 „ tuiti alicujus casus necessitas, quæ non parvam suis
 „ captivis affert tristitiam, sed eam cum gaudio produxit
 „ liberum animi arbitrium, charitate liberos homines alios
 „ aliis subjiciente, ac voluntate libertatem servante. Tales
 „ nos ab initio Deus esse voluit, & eadem de causa con-
 „ didit. Hi peccato primi parentis Adæ occultato anti-
 „ quum revocant bonum, divisio enim, dissensioque, &
 „ bellum non exstaret inter homines, nisi peccatum natu-
 „ ram divisisset. Hi Servatoris Institutorumque vitæ ejus,
 „ quam in carne degit, imitatores sunt sinceri. Quem-
 „ admodum enim ille coacto discipulorum cœtu omnia
 „ communia & se ipsum communem præbuit Apostolis, ita
 „ hi quoque Duci obedientes, si modo probæ vitæ regulam
 „ observent, Apostolorum, ac Domini ipsius vivendi genus
 „ accurate imitantur. Hi Angelorum æmulantur vitam,
 „ illorum exemplo societatem diligenter tuentes. Nulla
 „ est lis inter Angelos, nulla contentio, nulla controversia,
 „ sed quisque, quæ omnium sunt, possidet, & tamen
 „ omnes integra bona apud se ipsos recondunt.”

§ VI. Contemplatio summi boni, & virtutum mani-
 festissima comprehensio Angelorum est thesaurus, ad quæ
 respicere licet omnibus, uno quoque horum notitiam ac

possessionem adipiscente, tales existunt, qui vere sunt ascetæ, qui nequaquam vindicant sibi terrestria, sed disceptant de cœlestibus, eademque singuli individuïs quibusdam partitionibus apud se quisque integra recondunt. Virtutis enim possessio est, & rectefactorum divitiæ, & laudanda avaritia, & lachrymarum expers rapina, & insatiabilis aviditas coronam consecuta, & reus efficitur, quisquis vim non facit. Rapiunt omnes & nemo afficitur injuria, ob idque pax has divitias dispensat. Hi promissi regni bona præripiunt, qui per eximiam suam vivendi rationem, ac societatem plane imitantur vitam Cœlestem, ac statum. Hi sunt perfecti inopes, nihil proprium, sed omnia communia inter se habentes.

CAPUT VI.

§ I.

Cessantibus persecutionibus Ecclesiæ vita communis seu Cœnobica industria sancti Antonii, qui Anno Domini 273. factus Monachus per Ægypti Provinciam in eremo in immensum creverat. Monachorum illorum teste sancto

S. Hier. Hieronymo prima confœderatio fuit obedire Majoribus, & Epist. 22. quidquid jusserint, facere. Divisi erant per decurias, atque centurias, ita ut novem hominibus decimus præesset, & rursus decem præpositos centesimus haberet. Manebant separati, sed junctis cellulis, usque ad horam nonam, ut institutum erat, nemo pergebat ad alium exceptis his

Deca-

Decanis, quos diximus, ut, si cogitationibus forte quis fluctuaret, alius consolaretur alloquiis, post horam nonam in commune concurrebatur. Psalmi resonabant, scripturæ recitabantur ex more. Et completis orationibus, cunctisque residentibus, medius, quem Patrem vocabant, incipiebat disputare, quo loquente tantum silentium fiebat, ut nemo alium respicere, nemo auderet excreare. Dicentis laus in fletu erat audientium. Tacite volvebantur per ora lachrymæ, & ne insingultus quidem erumpebat dolor. Cum vero de regno Christi, & de futura beatitudine, & de gratia cœpisset annuntiare futura, vidisses cunctos moderato suspirio, & oculis ad cœlum levatis intra se dicere: quis dabit mihi pennas sicut columbæ, & volabo ut requiescam? Post hæc Concilium solvebatur, & unaquæque decuria cum suo Parente pergebat ad mensas, quibus per singulas hebdomadas vicissim ministrabant. Nullus in cibo strepitus, nemo comedens loquebatur. Vivebatur pane, leguminibus, & oleribus, quæ sale solo condiebantur.

§ II. De hinc confurgebant pariter, & hymno dicto ad præsepia redibant. Ibi usque ad vesperam cum suis unus quisque loquebatur, & dicebat: Vidistis illum, & illum? quanta in ipso sit gratia? quantum silentium, quam moderatus incessus? Si infirmum vidissent, consolabantur: si in Dei amore ferventem cohortabantur ad studium. Et quia nocte extra orationes publicas in suo cubili unus quisque vigilabat, circuibant cellulas singulorum, & aure apposita, quid facerent diligenter explorabant, quem tardiores reprehendissent, non increpabant, sed dissimulato,

quod nossent, eum sæpius visitabant, & prius incipientes provocabant magis orare quam cogeant. Opus diei statutum, quod Decano redditum ferrebatur œconomo, qui & ipse per singulos menses Patri omnium cum tremore reddebat rationem, a quo etiam cibi cum facti fuissent, prægustabantur, & quia non licebat dicere cuiquam: tunicam & sagum, textaque juncis strata non habeo, ille ita universo moderabatur, ut nemo quid postularet, nemo non haberet. Si quis vero cepisset ægrotare, transferebatur ad exedram latiore, & tanto senum ministerio confovebatur, ut ne delicias Urbium, nec Matris quævisset affectum. Dominicis diebus orationi tantum, & lectionibus vacabant, quod quidem, & omni tempore, completis opusculis, faciebant, quotidie aliquid de scripturis disceptabatur. Jejunium totius anni æquale erat, excepta Quadragesima, in qua sola concedebatur ditricius vivere: a Paschate ad Pentecostem cœnæ mutabantur in prandia, quo & Ecclesiasticæ traditioni satis fieret, & ventrem cibo non onerarent duplicato.

§ III. Et hæc est genuina imago vitæ Monasticæ Cœnobiticæ, qua quid æstimabilius? quid pretiosius? vere si homo dederit omnem domus suæ substantiam pro ea aquirenda quasi nihil despiciet.

C A P U T VII.

§ I.

Primis temporibus non solum Eremitæ, sed etiam Cœnobitæ sua diversoria habebant in eremis, agris, hortis

tis vallibus, ac montibus. Primique Monachi secreta loca amaverunt, atque omnem populi tumultum averfati sunt. „ Villas, & domos devita, ut laqueos fatanæ: ait sanctus Basilius, epistola ad Chilonem. Et non te delectent „ turbæ, non villæ, aut oppida, sed Eremus. Sanctus „ Antonius a turbis usque adeo abhorruit, ut relictæ exte- „ riori solitudine ad quam ob ejus virtutes populus undique confluebat, secesserit in interiorem. Sanctus Athanasius in vita sancti Antonii: hoc usus exemplo: sicuti in vit. S. Anton. 53. „ pisces ab aqua extracti mox in arenti terra moriuntur, „ sic & Monachos cum secularibus se retardantes humanis „ confabulationibus confestim resolvî. Ob id ergo, inquit, „ convenit, ut quemadmodum pisces ad mare, ita nos ad „ montem interioris Eremitæ festinemus, ne tardantibus nobis aliqua propositi succedat oblivio.”

§ II. Sanctus Basilius quietis gratia, & contemplationis scripturarum commodissimum locum sibi in ponto elegerat, a tumultibus Urbanis se motum, causam indicans, quod vita urbana multorum malorum causa sit. Reliqui, inquit, „ urbis commorationes, ut innumerabilium malorum causas, „ abscissi in Pontum vitæ institutum quærens; plurimum „ affert adjumentum solitudo, quæ vitiosos animi nostri motus consopit, ac rationi otium dat eos ex animo penitus „ excindendi.

S. Athan.
in vit. S.
Anton. 53.

Epist. 1.

Epist. 19.
Nro 1.

Epist. 1.
Nro 2.

§ III. Habitatio etiam vicis vicina sæpe perfectis quoque nocuit Monachis ex frequentiori hominum conversatione occasionem tentationis præbens diabolo. Suavis proinde Eremus lugentibus, & solitudo. Exclamat sanctus

Gregorius Nisens : Homil. in Baptismum Christi; Monachorum est proprium lugere; quid itaque amabit magis quam solitudinem? & quidem eam, quæ juxta sanctum Basilium nec viatorem admittit, per quem exercitationis

Epist. 1. ejus studium interrumpi queat. Primum semper principium Monachorum fuit latere. Arsenio cœlitus dictum est: circa fin.

Paræn. 14. Fuge, tace, quiesce. Neque nobis in vicis, ac Castellis conversari expedit. Fratres! ait sanctus Ephraim: „ Si „ autem te ad oppidum, aut Castellum traxerit necessitas, „ ne cum sceminis colloquaris: Nam sicuti quis hamum „ deglutit, ita tua abripietur anima. Qui vitas Patrum „ legerit, facile deprehendet, quam multi boni Monachi „ hoc hamo sint inescati, & capti. Nota sunt scandala „ mundi, qui tangit picem, inquinabitur ab ea. Mane Eccles. 13. „ igitur ait Ephraim in solitudine: ne & tu ad mundum „ conversus, ea, quæ retro sunt, respicias, neque in Civitatibus, & Castellis, vicisque converferis; neque cum „ mundanis demoreris, ne vias eorum addiscas, recedatque „ anima tua a Deo tuo, vero animarum nostrarum sponso, „ non enim & Angelus esse potest, & homo; sanctus „ Ephraim de Monacho, & turture.”

§ IV. Quid ergo causæ fuit? quod Cœnobitæ relicta solitudine, & Eremita tandem in Urbes, & Vicos commigraverint, locaque publica inhabitare cœperint? Certum est eos temere id haud fecisse. Et quidem cum primis salus animarum, ac Ecclesiæ necessitas poscebat, eorum succursum, ac opem in afflictissimo oppressione statu constitutæ, Arius, Eunomius, Macedonius, aliique Hæresiarchæ

præcipuam huic rei occasionem dederunt, quibus nisi Monachi occurrissent, quam misere dilaniata fuisset Ecclesia!

§ V. Primus sanctus Basilius Cœnobia in Urbibus excogitavit, ritum illum antiquum Monachorum, atque agrestem ad ordinem quemdam formulamque religioni propiorem reduxit. Ait sanctus Gregorius Nazianzenus: in oratione de sancto Basilio. Hic proinde ex Eremito in Urbes Monachos tamquam coadjutores secum attraxerat, & utrumque vitæ genus, id est: vitam activam, seu Cœnobicam, & vitam contemplativam, seu Anachoreticam conjungere conatus est. Quamobrem Monachorum Cœnobia haud procul ab iis, qui in hominum societate, vivunt, ædificare jussit.

§ VI. Exemplum sancti Basilii alii secuti Præsules, maxime qui de Monachismo assumpti ad Ecclesias regendas, Urbes Cœnobiis paulatim repleverunt incredibili Ecclesiæ commodo. Non sola necessitas Ecclesiæ Monasteria fundavit in Urbibus, verum aliæ insuper causæ: crudelitas Barbarorum coegit Monachos ex Eremitis ad Urbes confugere, qui ingentem sæpe eorum stragem per Orientem ediderunt. Sanctus Basilius etiam propter atrocitatem hyemis per Urbes, & vicos Galatiæ & Cappadotiæ aliarumque finitimarum Provinciarum eosdem disposuit. Victus quoque necessitas, ac devotio fidelium causam dedit, in vicis & Urbibus Cœnobia ædificandi, item defectus solitudinum & Eremorum in nonnulli Provinciis.

§ VII. Observandum : Græci Monasticis habitaculis varia Nomina dederunt: Primo vocant Cœnœbium, nomen hoc ab ipso etymo communis vitæ desumptum propter vitam communem, quam ducebant. Cœnobitæ, ait Cas-

Calsian. Col. 18. Cap. 5. sianus: „ Cœllæ ac diverforia ipsorum Cœnobia appellata „ sunt. Secundo, dicunt, & Monasteria a Monachorum „ inhabitatione, Monachus, & Monasterium a Græco „ vocabulo Monos originem habet. Cœnobium, & Monas- „ terium inter se differunt; Cœnobium enim est, ubi co- „ habitantium plurium degit unita communio. Monaste- „ rium vero nominari potest etiam unius Monachi Cœlla, „ aut duorum. Tertio sanctus Basilius in Asceticis, Cœno- „ bia vocat Mandras, quod ovile significat; differentia „ tamen inter Mandram, & Cœnobium est, quia Mandra „ sicut Ovile, est Monasterium circumseptum. Hinc quia „ paulatim Cœnobia varias ob causas circumsepi sole- „ bant, Abbates communiter Archimandritæ nominati sunt. „ Quarto: Lauræ etiam Cœnobia dicuntur. Inter Monaste- „ rium, & Lauram discrimen est, quia in Monasteriis vi- „ vebant, sub uno tecto, & Pastore, qui vero Lauras in- „ colebant, reguntur quidem ab uno Abbate, sed in sejun- „ ctis tectis tamquam in tabernaculis. Ita sancti Sabbæ „ Laura Cœllas habebat 150. quæ pulchro ordine in soli- „ tudine juxta torrentem constructæ erant; verum usus „ Laurarum in Urbibus non habet locum.

S. Basil.
in Ascet.
Cap. 33.

CAPUT VIII.

De Aedificatione Monasteriorum.

§ I.

In constructione Monasteriorum vitandus est omnis splendor, & limes paupertatis servandus. Antiqua Monasteria testantur, quam nihil solliciti fuerint, majores nostri desplendore habitationum suarum. Si aëris injuriæ excluderentur, id porro satis erat. Patres nostri studuerunt potius dilatare corda, quam habitacula, memores antiqui testamenti prædecessores suos habitasse in speluncis & cavernis terræ. Hinc multi ex Monachis in solis petris, & cavernis habitarunt, & tam arcte se incluserunt, ut neque radius solis ad ipsos unquam penetraverit. Talis fuit sanctus Macarius Alexandrinus in diversis Eremitarum partibus tres cellulas absque fenestris habens, unam tam angustam, ut pedes non valeret extendere, & tamen in his tenetris sedens solitus fuerat jejunium quadragesimale absolvere. Quot sancti cum adhuc in vivis essent inter mortuos habitaverunt in sepulchris. Proinde quam longe abfuit omnis Magnificentia ab habitaculis antiquorum Monachorum? Si quid superflui habebant, distribuebant in egenos, non vero impendebant in ædificia, vel non necessaria, vel contra Monasticam Professionem ambitiosa. Recte igitur aliquando suis Monachis quidam Prælatus dicebat: simul, atque Monachus ædificatorio operi se se

ultra immiscet, dæmonis Imperium subit, a quo ita mente
excecatur, ut nequidem ipsos paupertatis excessus animad-
vertat. Ita Zacharias Bovertius in Animal. Cupucino-
rum de Anno 1549.



I M A G O

V I T A E M O N A S T I C A E

P A R S II.

C A P U T I.

De Novitatu.

§ I.

Ad vitam Monasticam cuivis aditus patet: licitum enim est; ait sexta Synodus generalis. Licitum est, ^{Synod.} Christiano, in quocunque delicto comprehendatur, ^{gen. Can.} Asceticam arripere vitam, depositisque mundi temptationibus, ^{42.} Monasterium ingredi, & juxta formam Monasticam tonderi; Salvator enim dicit, eum qui venit ad me non ejiciam foras, Monasteria proinde pœnitentibus peccatoribus ita patere debent, ut confessionalia cujusvis generis, & conditionis hominibus fidelibus, quopiam impedimento non ligatis, sint illi nobiles vel ignobiles, sive senes, sive juvenes. Sanctus Ephraim sæpius docens, ait, recipiendos esse ^{Fol. 288.} senes. Et sanctus Antonius suscepit Paulum simplicem ^{316. 770.} sexagenarium; sicut & sanctus Pachomius Macarium Virum provectæ ætatis.

§ II. De pueris comperta res est, duo senes suos fi-

Pellag. lios vix ablactatos secum detulerunt, ut Pellagius refert.
 Libro 5. Item sanctus Pachomius ait, in suo Monasterio fuisse par-
 Nro. 21, 22. vûlos tantæ simplicitatis, ut nec dextram, nec sinistram

Vita S. noverint discernere. Sanctus Benedictus quoque jubet re-
 Pachomi cipi pueros. Et multi secundum sanctum Ephraim rece-
 Cap. 33. pti sunt. Quippe bonum est Viro si portaverit jugum ab
 In reg. Adolescentia sua. Quin sanctus Chrysostomus docet magis
 Cap. 59. & 70.

Adhort. 3. idoneos esse ad Monasticen in ætate minori pueros rudes,
 Thren. 3. quam si prius literati forent, quia plantæ impuberes,
 S. Chry. nullo negotio, quo placet diriguntur.
 Lib. 3. ad ver. vitup.
 vitæ Mo-
 nasticæ.

§ III. Denique sanctus Basilius pueros ad vitam Mo-
 nasticam recipiendos esse constituit pupillos quidem no-
 stra sponte, oblatos vero a parentibus coram testibus per
 Magistros Novitiorum instituendos. Interim ad sensum
 regulæ 15. fusioris, non statim senioribus fratribus sunt
 incorporandi, neque cum illis conversari debent, nisi
 tempore laborum, ne senium ipsis fiat despectabile, in
 divinis tamen officiis, & orationibus simul sint: Nam &
 pueris ex fervore perfectorum ad compunctionem non
 leve auxilium accedit. Habeant alias ædes, diætam,
 somnum. Disciplinam seorsim excrescant, sub viro pro-
 vectæ ætatis, & multæ experientæ, & qui testimonium
 lenitatis habeat, ut paternâ misericordiâ delinquentes cor-
 ripiat, ac certis modis castiget: in doctrina instruat, in
 historiis & proverbiiis divinæ scripturæ, non in fabulis
 aut nugis — — — & cum ad id ætatis venerint, qua
 mortaliter peccare possunt, ad professionem Virginitatis
 admit-

admittantur. — — — Si qui vero professionem emittere nolunt, coram testibus emittantur — — — edita professione fraternitati incorporentur, cum illis communem dietam, & victum habituri.

§ IV. Communiter sancti Patres liberiores cum pueris conversationem prohibent ob vitium, quod Græci Pæderasiam nominant, etiam Monachis infestum. Multi eo ceciderunt, Horrendum dictu, quid frater quidam cum certo Adolescentulo fecerit sub oculis sancti Macarii referente Joanne Subdiacono. Non immerito igitur hortatur Monachum sanctus Ephraim, ut se custodiat, si contingat loqui cum formosis Adolescentulis. Sanctus Doctrotheus jubet amicitiam, & colloquia Adolescentulorum fugere, ut amicitiam Diaboli.

Joann.
Subdiac.
Lib. 4. Nro
34. de vit.
spirituali.

Doctrina
20.

§ V. Sanctus vero Basilius de renuntiatione sæculi, fuge, ait, conversationem juvenum, & aufuge ab ipsis, veluti a flamma: multos enim per ipsos incensos hostis æterno igni tradidit, & in horrendum quinque Civitatum barathrum spiritualis dilectionis specie ipsos immerfit, & eos, qui in pelago ab omni vento, ac tempestate servati sunt, intra portum submerfit. Procul ab ipsis sede. In reclamatione ad somnum indumenta tua ne sint vicina ipsius. Cum tecum loquitur, deorsum nutans, responde ipsi, ne forte per intuitum in faciem concupiscentiæ semen ab hoste suscipias, & manipulos corruptionis, aut interritus colligas, ubi non est, qui videt opera vestra, nullo loco, aut prætextu inveniaris cum illo; nihil enim magis necessarium est animæ pro qua, Christus mortuus est.

§ VI. Conjuges ad Religionem suscipiendi non sunt consummato Matrimonio, nisi de mutuo libero consensu, & nisi uterque simul ingrediatur religionem, aut alteruter in sæculo manere volens, emmittat votum servandæ perpetuæ continentiæ in ætate jam senili constitutus. Servi absque Dominorum suorum consensu ad Monasticam vitam recipi nequeunt.

C A P U T II.

De susceptione Novitiorum.

§ I.

Monasterium ingredi non est leve negotium, Bellum militum breve, ait sanctus Ephraim sermone ad pietatem exercendam: sed Monachi pugna quousque migrat ad Dominum, durat. Bellum hoc tam diuturnum, ut eo melius cognosci valeat, neque excusationis locum haberet ignorantia, quidam Patres censuerunt valde juvenes non esse suscipiendos.

Canone
40.

§ II. In Canonibus ad sextam Synodum generalem dicitur. Quoniam Deo adhærere per secessum e vitæ strepitu bonum est, oportet nos eos, qui vitam Monasticam amplecti cupiunt, non sine delectu præter tempus admittere, sed servare a Patribus ad hoc datum tempus, nempe ut professionem religiosæ vitæ admittamus illam, quæ sit facta scienter, ac cum judicio post rationis com-
pie-

plementum. Itaque jugum subiturus Monasticum minor decenni non esto, ita tamen, ut & sic in arbitrio Antistitis situm sit, an non sit conducibilis terminum hunc ad Monasticen prorogare. Etsi enim magnus Basilius in suis sacris Canonibus eam, quæ se sua sponte Deo offert, & Virginitatem complectitur, si septimum, decimum annum compleverit, in virginum Ordinem referendam esse statuit, verum tamen nos secuti exemplum de viduis, & diaconissis in prædictum tempus eos, qui Monasticen non saturationabiliter apprehenderunt, conclusimus.

In Oxonienti Concilio A. D. 1222. celebr. in Anglia statutum est, ut extra evidentem necessitatem Monachus non reciperetur minor decem, & octo annis ubi plenum rerum agendarum iudicium est, id ipsum prius statuit Gregorius Magnus Anno sui Pontificatus secundo.

§ III. Verum quacunque ætate quis ad Religionem accesserit nullus, tamen unquam ad Professionem admittebatur, quin prius fuisset certo modo ac tempore probatus. Tempus apud plures in arbitrio erat, Paulus simplex intra paucos dies absolvit Novitiatum suum „Palladius vita Pauli Leont.” Danieli Stylitæ duodenni puero non nisi regula perlecta est. In Concilio Triburiensi An. 895. celebrato. Præscribitur annus, & dies, & Concilium quoque Tridentinum annum decrevit unum, & observatur. Sanctus Pachomius ante triennium neminem admisit ad Professionem Monasticam.

§ IV. Ante initium Novitiatus debebant olim mirabilem subire probationem, vitam Monasticam amplexuri.

Vit. S.
Gregorii
Tom. II.
p. 2. Con-
cil.

Metaph.
vita
Daniel. in
Concil.
Trib. A.D.
895. celeb.
Cap. 24.

Sesse. 25.
Cap. 15. re-
form.

Tabenneositæ nullum recipiebant ad Monasterium, qui non prius decem dies, aut plures pro foribus excubans omnium pedibus advolutus ingressum petiisset, ut sic humilitas, patientia, & constantia futuri militis Christi exploraretur.

Cassian. Lib. 4. Inst. Cap. 3. Quem ritum, e syri observabant, ut beatus Ephraim scribit sermone ad pietatem exercendam. Frater, inquit, si ad certamen ingrederis sobrium ac vigilantem te præbe. Ergo quicumque cupit esse Monachus ad fortiter sustinendum se promptum exhibeat, ne ingressus dicat, ignorasse se, quod ista sibi eventura essent. Ecce præscivisti ista frater, ut & tu cogitationem tuam componas, sciens quod in hoc manifestabitur tua probatio. Intellige, quod dicitur Frater, ne hodie proforibus consistens interrogatusque dicas, omnia susero, cras autem in verbis, & operibus detrectes. Angeli enim Dei adsunt, audiuntque de labiis tuis procedentia. Hunc ipsum morem pro Monasterio expectandi sanctus Benedictus transtulit in Occidentem. Per Regul. Cap. 58. quatuor, inquit, aut quinque dies foris maneat pulsans, & injurias patienter toleret. Postea sit per paucos dies in cella hospitum, inde ducatur ad cellam Novitiorum, ubi comedat, dormiatque &c. Detur ei Magister. Post duos menses legatur ei regula, & iterum post sex menses, & denuo post quatuor, sicque anno absoluto suscipiatur.

§ V. Ubi non fuit consuetudo pro foribus standi, Cassian. Lib. 4. Inst. Cap. 29. aliter postulantium probatur propositum, novimus, ait Cassianus, quemdam fratrem secundum sæculi hujus ordinem summæ familiæ, nam Patre Comite, & ditissimo oriundus erat, qui relictis Parentibus cum ad Monasterium per-

volasset, ad comprobendam ejus humilitatem statim ei a Seniore præceptum est, ut decem sportas grandes, quam necesse non erat tunc vendere, cervicibus suis impositas, distrahendas per plateas circumferret, adjecta conditione, quo diutius in hoc officio ipse detineretur, ut si forte unus eas emere pariter voluisset, non cederet, sed singillatim eas quærentibus venderet. Quod ille tota devotione complevit, & omni verecundia pro Christi desiderio calcata sportas humeris suis imponens, & per plateas portans, statuto pretio distraxit, & pecuniam ad Monasterium reportavit, probata ergo ejus humilitate susceptus est.

§ VI. Cum quidam frater suscipi se rogaret in congregationem referente ^{Sulpi.} ^{1. Dialog.} ^{Cap. 12.} sulphitio. Abbas multa cœpit ei proponere; graves esse illius disciplinæ labores, sua vero dura imperia, quæ nullius facile posset implere patientia, aliud potius Monasterium, ubi facilioribus legibus viveretur expeteret: & non tentaret aggredi, quod non posset adimplere. Ille vero his terroribus nihil permoveri, sed magis omnem obedientiam ita polliceri cœpit, ut si eum Abbas in ignem ire præciperet, non recusaret intrare. Quam illius professionem, ubi Abbas accepit, non cunctatus probare, jubet eum in clibanum, qui coquendis panis parabatur intrare. At ille non distulit parere præcepto; sed statim medias flammæ nihil cunctatus ingressus est. Quæ mox tam audaci fide victæ, veluti illis quondam Hæbreis pueris, cesserunt, & confestim fugit incendium. A ter virgam aridam per triennium jussus est

rigare donec tandem virga hæc effloruit. Alter peccata grandia sua publicæ iussus enarravit.

§ VII. Quantum tentata est, a sancto Antonio patientia, & obedientia Pauli simplicis? Sexagenarius senex ad illum Magnum venerat, ut Monachus fieret, per tri-duum impransus, & incoenatus expectavit sententiam, & responsum. Antonius tandem hoc stabili proposito expugnatus, poteris, inquit, esse salvus, si habeas obedientiam, Pallad. & quod a me audieris, facies. Faciam, ait, Senecio, Vit. Pauli quæcunque jusseris. Falemque vitæ asperæ agendæ ra- RuffinLib. tionem suscepit illis diebus Antonius, qualem quando a. vit. P.P. erat in principio juventutis; cujus imitatore in cunctis habuit suum simplicem Tyronnem. Post hæc visa ejus mente adversis nihil moveri, cœpit tentare eum circa obedientiam præcipiens ei multa contraria: Jubet haurire ex puteo aquam, & in terram toto die effundere; contextas sportellas resolvere, & retexere, vestimentum difluere, & refuere, & iterum dissolvere: Urnam melis frangere, & mel effundere, effusumque Concha colligere, ne sordes simul colligerentur, quod erat difficillimum. Quid multa? in pluribus hujusmodi senex, senem probaverat, ut in nullo prorsus eorum, quæ etiam contra rationem videbantur, disceret contradicere. Sed quo fructu? ob simplicem hanc obedientiam accepit Paulus potestatem a Deo in dæmones, quanta non est data Antonio.

§ VIII. Priusquam ingrediatur quis in Monasterium, probet se ipsum per rigorem vitæ, ne inopinatis semet immittens certaminibus, deinde impotens existat ad resi-

fiendum ingruentibus experimentis, redeatque ad vitam
 sæcularem cum animæ condemnatione, multis scandalum
 præbens, monet sanctus Basilius. In ingressu proinde, & pro- S. Basil.
Ser. de
abdi. rer.
 fessione Philosophiæ cogita quid tibi proposueris, ait san-
 ctus Gregorius Nazianzenus. Ditescere, læto animo esse? in S. Grego-
rius Na-
zianzenus.
Epist. 201.
 hac vita florere? & quiete frui? aut ex adverso, adversitati-
 bus premi? affligi? vexari? omnibus contemptum esse?
 sufferre spe futurorum cuncta? Hæc, non illa expectaba-
 mus, non ignoro? non ergo solvemus pactum? Ingressu-
 rus itaque Monasterium quivis cum Abbate Nestero ha-
 beat intentionem: quando intravi, inquit, initio in con-
 gregationem, dixi animo meo, Tu & Asinus unum estote,
 sicut enim Asinus vapulat, & non loquitur, injuriam pa-
 titur, & non respondet, sic & tu: quemadmodum enim
 Psalmo legitur: ut jumentum factus sum apud te, & ego Psal. 72.
Pellag.
Libro 15.
Nro 30.
 semper tecum.

§ IX. Post sufficientem probam, qui in suo propo-
 sito constantes inventi erant, olim Magistro tradebantur,
 ut eos per certum tempus in rebus Monasticis instrueret,
 quod fiebat in separata habitatione, ut professi cum No-
 vitis non commiscerentur. Hactenus, inquit, sanctus
 Ephraim in exteriori versatus es tholo, nunc vero in inte-
 riorem tholum, ac domum introisti. Pachomiani novitii
 integrum triennium extra addita in cælla novitiorum per-
 severare debeant, sub duris laboribus, & exercitiis, ac tum
 primum introducebantur in domum professam. Quippe
 multæ rationes suadent, ut novitii separatim instruantur,
 & habitent.

CAPUT III.

De singulari Novitiorum instructione.

§ I.

Novitio ante omnia Magister est necessarius, nihil est enim miserabilius, nihil expugnabilius his, qui nullos Duces, nullos Authores habent ad vitam Dei, sancti Dorothei sententia est; Ex doctrina vero sancti Basili. Magistrum hunc oportet esse virum virtutibus ornatum, cujus universæ totius ipsius vitæ actiones, testimonio sint charitatem in eo erga Deum inesse, divinarum litterarum peritum, virum integrum, tranquillum, ab avaritia ab horrentem, osorem negotiorum mundanorum, quietum, Dei, pauperumque amatorem, non iracundum, immemorem injuriarum, ædificationi proximorum aptum, vana gloria non elatum, tumentis superbia non inflatum, adulationis inimicum, constantem; quippe bonorum Magistrorum bona doctrina est, quemadmodum prorsus malorum mala.

§ II. Prima Doctrina Novitio, ut docet sanctus Hieron. Tradi debet: facere, quod non vis: comedere, quod juberis: vestiri, quod acceperis, operis tui pensum perficias: subjiciaris, cui non vis. Lassus ad stratum venias, ambulansque dormites, & necdum expleto somno surgere compellaris. Dicis Psalmum in ordine tuo, in quo non dulcedo vocis, sed mentis affectus quæritur,

fervias fratribus; hospitum laves pedes; passus injuriam
taeas, Monasterii Præpositum timeas ut Dominum, dili-
gas ut Parentem, credas tibi salutare, quidquid ille præ-
ceperit, nec de majorum sententia judices.

§ III. Pleraque hæc innituntur fundamento obedientiæ,
quæ præcipua semper, & prima virtus est habita apud Re-
ligiosos, neque aliter suscipiebatur quis adveniens ad Mo-
nasterium, quam qui tentatus prius fuerit, & probatus nul-
lu n unquam recusaturus etiam si arduum, & difficile.,
intolerabileque Abbatis Imperium. Senioris, ait Cassia-
nus: Hæc erit sollicitudo, & eruditio principalis perquam
junior introductus ascendere consequenter, etiam culmina
perfectionis summa prævaleat, ut doceat eum primitus
suas vincere voluntates; quem studiose in his, ac diligen-
ter exercens hæc illi semper imperare de industria pro-
curabit, quæ senserit animo ejus esse contraria.

Cassian.
Lib 4. Inst.
Cap. 8.

§ IV. Quomodo Magistri per obedientiam probare
novitios, & quomodo novitii Magistris obsequi debeant,
utilissimum nobis Joannes Climacus hujus rei exemplum
exhibet. Isidorus vir, quidam apud Alexandriam prima-
rius relicto sæculo venerat ad Monasterium recipi postu-
lans. Aspectus ipse indicabat virum esse asperum, intra-
ctabilem, superbum, ac sæculi dignitate tumentem. Hæc
vitia Abbas correcturus, ait ad ipsum: si revera tollere
jugum Christi decrevisi, præomnibus impero, ut te labo-
ribus obedientiæ exerceas, cui ille respondit: sicut fabro
ferrum subjectum est, sic & ego sanctissime me ipsum
obedientiæ expono. Quo ille audito responso: Volo, inquit,

Joann.
Climacus
Gradu 4.

frater, ut ingredientium, & egredientium provolutus genibus, dicas: Ora pro me Pater, quoniam peccator sum, sic autem ille obedivit, sicut Angelus Domino. Itaque cum septem annis illic peregisset, atque ad profundissimam humilitatem, compunctionemque pervenisset, voluit Pater post tantam viri tolerantiam hunc fratribus connumerare. Arduus iste, ac per septennium productus Novitiatus fuit; sed commensuratus subjecto: omnes condam circa obedientiam exercebantur, sed aliter simplices, ac modesti, aliter superbi, & contumaces. Novit discretus modos frangendi proprias voluntates suorum. Olim in obedientia adeo accurati erant, ut juvenes nec ad requisita naturæ pro arbitrio irent. Dato signo certatim excubilibus prorumpabant ita expedite, ut is, qui opus scriptoris exercebat, quam repertus fuisset inchoasse litteram, finire non auderet; omnia enim obedientiæ posthabenda censebant.

§ V. Nec minor cura adhibebatur religiosæ paupertatis: summa namque diligentia, perquirebatur, ne novitio Christi militi de pristinis facultatibus inhæreret, vel unius nummi cogitatio. Sciebant enim sub Monasterii disciplina diuturnum esse non posse, sed, ne humilitatis quidem, aut obedientiæ apprehensurum esse virtutem, nec illa Cœnobii paupertate, ac districtione contentum fore eum, in cujus conscientia pecuniæ quantulumcunque latitaverit. Cassianus ait: Hinc ne ipsum quidem, quo operi erant, indumentum habere permittebantur, sed investiarium reponebatur post acceptum habitum Monasticum.

Cassian.
Cap. 3.

§ VI. Jubeantur etiam Noviti suas cogitationes Moderatoribus revelare. Humilitatis, ait Cassianus, hæc erat prima probatio, si universa non solum, quæ agenda sunt, sed etiam, quæ cogitantur, seniorum reserventur examini, ut nihil quis suo judicio credens, illorum per omnia definitionibus aquiescat, & quid bonum, vel malum debeat judicare, eorum traditione cognoscat; quæ instructio non solum per veram discretionis viam juvenem recto tramite docebit incedere; verum etiam cunctis fraudibus, & inimici insidiis servabit illæsum: nullatenus etenim decipi poterit quisque, si non suo sed Majorum vivit exemplo, nec valebit ignorance ejus callidus hostis illudere, qui universas cogitationes in corde nascentes perniciose verecundia nescit obtegere, sed eas maturo examine seniorum vel reprobat, vel admittit.

§ VII. In nullo sic gaudet inimicus, quomodo in illo, qui non vult suas cogitationes manifestare, nec sic extædiat aliquid Dæmonem, quomodo si revelentur stimulationes ejus, maxime fornicationis. (Communiter loquuntur Patres: Ruffinus vita P.P.) Bene proinde sanctus Antonius, si fieri potest, inquit, etiam quo passus ambulavit Monachus, vel quot callices aquæ in cælla bibit, senioribus declaret, ne in ipsis deviet. Sanctus Benedictus jubet cogitationes malas actutum Patri spiritali patefacere. — Novit enim prudens legislator cogitationes malignas, illico, ut patefactæ fuerunt marcescere; attendendum insuper in Novitiis est juxta informationem sancti Basilii, utrum defectus rotunde fateantur, & non ita

Ruffin.
Lib. 2. Nro

177.

Pellag.

Lib. 5. 12.

13. lib. vit.

P.P. Cap.

11.

Ruff. S.

Num. 176.

Regula.

Cap 4.

S. Basil.

Reg. fusio.

ri 10.

facile

facile ad quodvis objectum erubescant, maxime si de vida splendida venissent, tales instruantur diligenter, ut fudeant despicere strata molliora, vestimenta, & calceamenta nobiliora, varietatem ciborum, mensam delicatiorum aliaque his similia. Omnia hæc, inquit, si vel habenas, vel procures malum ferent eventum, & nisi velociter insidias Diaboli agnoscas, brevi te ad sæculum retraherent: Novitius hoc in corde suo ponat, se omnium hominum esse despicabiliorem, & scæleratiorem, profugum, item, atque hospitem: ac peregrinum, & tantum ex misericordia susceptum a Fratribus suis senioribus.

S. Basil.
De abdi.
rer.

Studeat omnium esse in cunctis ultimus, ac omnium servus, (De abdicatione rerum).

§ VIII. Scribere, psalere, ac etiam discere eam partem scripturæ, quæ esset necessaria ad perficiendam pietatem Novitii tenentur. Regula brevior S. Basilii 95.

§ IX. Ad labores etiam durissimos olim stringebantur Novitii; (sanctus Chrysostomus) & tamen, inquit, Chrysostomus, ita constantes erant in arrepto proposito, ut maluissent contra ferrum, ignem; bestias, & alia quæcunque persistere, quam ad priorem vitam, divitias, mundique delicias remeare.

S. Chryf.
Lib. 2. ad-
vers. vitup.
vitæ Mon.
Cap. 3.

CAPUT IV.

De Obligatione Novitii respectu bonorum suorum.

§ I.

Dimittenda omnia bona temporalia Novitio ante professionem esse, clare docet scriptura sacra: Si vis, ait, perfectus esse, vade, vende omnia, quæ habes, & da pauperibus, & veni sequere me. Quod & factum est ab Apostolis, quorum omnium nomine sanctus Petrus dixit. Ecce nos reliquimus omnia. Id etiam factum est ab omnibus spiritualibus testante sancto Augustino, id fecit juvenis ille, qui renuntians mundo cum pateretur infidias a Dæmone propter suas divitias, etiam vestibus abjectis nudus cucurrit ad Monasterium. Serapion cum præter Evangelii codicem nihil reservasset, & hoc quoque vendito precium distribuit esurientibus dignam memoratu promens sententiam: etiam librum, inquit, vendidi, qui mihi jugiter obtrudebat, vende, quæ possides, & da pauperibus. Sæculo proinde renunciaturis cuncta ad novissimum quadrantem remittenda sunt: Hinc gravissime peccat, qui sibi quidpiam cum Anania reservat, atque occultat. Et ideo quicumque renuntiant sæculo, & volunt adhuc habere pecunias a dæmonibus lacerantur, ait sanctus Antonius. Hinc amplius placuit Patribus vita Cœnobitica quam Anachoretica, aut ea, quam quidam in suis ædibus ducebant. Quia sine peculio hi esse vix poterant, maxime cum laborare manibus nollent, aut nequirent.

Math. 19.

August.
enar. Psal.
43.Ruff. 12.
Vit. P. P.
Nro 67.S. Anton.
Ruff. Lib. 2.
vit. P. P.
Nro 68.

§ II. Evangelium vult, ut qui perfectus esse desiderat, omnia relinquat, ita fecit sanctus Augustinus, Paulinus, & principio omnis Ecclesia Sanctorum, qui facultatibus venditis pretium deponebant ad pedes Apostolorum, ut pro arbitrio dividerent pauperibus. Nonnullos legere est, id propriis manibus executos fuisse, ut a sancto Paulino docemur Epistola ad Alenthium: „ Erant tamen, qui non „ ab initio conversionis suæ, sed successive distribuerant sua „ bona. Quam plurimi de suis Patrimoniis Cœnobيا exstruxerunt, vel alia loca pia. Multi se simul, ac sua Monasteriis a se erectis consecrarunt. Non pauci se suaque tradiderunt alienis Monasteriis. Alii semet ipsos uni, sua Monasteria alteri obtulerunt. Aliqui etiam suis cognatis præsertim pauperibus idque ante professionem, ut jam prius dictum est.”

§ III. Accipere quidpiam pro Monasteriis ab ingredientibus Novitiis, multis de causis haud esse consultum censuerunt sancti Patres. Hoc in negotio præcæteris audiendus sanctus Basilius: Si mea, inquit, sententia exquiratur, existimo offendicula a multis magis remotum iri, & ad fidei ædificationem fore utilius, si ejusmodi repudiantur munera. Nam si accipiantur primum quidem contingit probris plerumque affici communitatem, deinde ex ea re illud incommodum nascitur, quod propinguo etiam eorum, qui quidpiam attulerunt, elationis detur occasio. Ad hæc confunditur is, qui nihil secum attulit, & ejusmodi pleraque. Quare operæ precium est, hujusmodi

tum est: ne ante professionem excepto victu, & vestitu Novitii, vel novitiæ illius temporis, quo in probatione est, quocunque prætextu, a Parentibus, vel propinguis, aut curatoribus ejus Monasterio aliquid ex bonis ejusdem tribuatur, ne hac occasione discedere nequeat, quod totam vel majorem partem substantiæ suæ Monasterium possideat, nec facile si discesserit, id recuperare possit, quin potius præcepit sancta Synodus sub Anathematis poena dantibus, & recipientibus ne hoc ullo modo fiat, & ut abeuntibus ante professionem restituantur, quæ suæ sunt.

Sess. 25.
De regul.
Cap. 16.

§ IV. Acceptare, aut dare aliquid pro ingressu ad vitam Monasticam Simonia est, & nisi simoniaca labes in re sæpe observata fuisset, tot avocatoria mandata non existerent; nullus pro munere accipiatur in Monasterium, inquit, Concilium Aquisgranense A. D. 817. Londoniense II. ait; exactiones certe pecuniarum pro recipiendis Monachis non exigantur. A. D. 1127.

C A P U T V.

De Monasticæ Professionis ritibus.

§ I.

Patres Veteres tam Græci quam Latini passim loquuntur de Professione Monastica. Sanctus Basilus ad virginem lapsam, ait: Memento Professionis tuæ, quam

Deo professæ es, testes & homines, & Angelos habes. Sanctus Ephraim in professione, Angeli Dei adsunt, ait, audiuntque de labiis tuis procedentia verba, vota, & iuramenta: sermone ad pietatem exercendam. Idem: Id noveris, frater, quod Angeli in hoc momento voces tuas, & pacta tua, abrenuntiationemque tuam describant, & in cœlis usque ad adhorribilem illum iudicii diem conservent. Non ergo pertimescis? non exhorresceris? in die iudicii proferent Angeli tuum Chirographum, & verba oris tui coram formidabili tribunali. Tunc auditurus es, ex ore tuo te ju-

Serm. de
compunct.
Reg. fusior.
15.

dicio. Sanctus Basilii vult, ut Novitius ante professionem faciat exercitia spiritualia postulans Dei auxilium ad debite deliberandum de illo negotio, de quo deinceps regredi nefas. Hæc Professio fieri debet manifeste, ex

S. Basil.
Epist. 2. ad
Amphi.

præscripto sancti Basilii; ut transgressor puniri possit. Sanctus Ambrosius eadem voce: Iy professio; utens, ait, Sororem suam virginitatis professionem fecisse, ad quam

S. Ambr.
Libro 3.
Virg.

plures homines accurisse scribit, quam ad Christum ad Eremum, quando quatuor millia hominum aderant exceptis parvulis, & sœminis. Professio itaque Monastica non est, ut putant aliqui novum commentum.

Con. Late
Part. 27.
Cap. 5.

§ II. Hæc professio facienda est, Præposito. In appendice enim Concilii Lateranensis, sub Alexandro tertio dicitur majori, priori professionem omnes Laici in manu ejus, promittantque se caste obedientes, & in paupertate victuros. Hinc Major prior benedicit novum Christi militem, id est certas preces præscriptasque solemnes Cæremonias peragit super eum.

§ III. Sunt, qui dicunt, benedictionem illam, ac cæremónias in professione peragi solitas, nec esse antiquas, neque necessarias. Sanctus enim Paulus Eremita, ajunt, Monachus fuit, nec tamen ab ullo benedictionem accepit, sicut nec sanctus Antonius, nec alii plures per Ægyptum. Verum est. Nulla exterior cæremónia stricte loquendo constituit Monachum, sed mundi contemptus, & plena Dei dilectio, quod olim nullæ benedictiones, & cæremoniæ ad ineundum Monachismum adhibitæ sint, id non est credibile, Ægyptii Monachi ab Essenis descendunt, qui absoluto Novitiatu, professionem inter terribilia juramenta palam facere debebant. Peracto itaque Novitiatu ait Porphirius: Priusquam novus Dei cultor ad communem mensam admittatur, per professionem debet se Porphir.
Lib. 4. de
Absti. constringere juramentis terribilibus: Essenus se sequentem Regulam servaturum. Et primo se Deum culturum, erga homines fore justum; nulli de industria Nociturum, nec alterius jussu: odio habiturum iniquos: patienter cum justis injuriam portaturum: fidem cunctis servaturum, maxime superioribus: neque enim absque voluntate Dei, quemquam ad Imperium pervenire. Quodsi vero contingat, ut ipse præsit aliis, tunc nullo modo se abusurum potentia ad injurias aliorum, non veste, non cultu ullo subjectos superaturum. Insuper puras se manus a furto, putam mentem ab iniquo servaturum, nihil celaturum socios, nihil revelaturum extraneis, & si mors impendeat subeunda. Jurant quoque dogmata sua se posteris, ut acceperunt, tradituros; latrocinia fugituros, institutique

fui libros cum nominibus Angelorum pari diligentia conservaturos. Et hæc sunt Essenorum juramenta, quæ, si quis transgrediatur, ejectus a consortio male perire debebat; & enim illigatus juramenti instituti escis aliorum uti nequibat.

§ IV. Ab his ergo Essenis Ægyptiaci descenderunt Monachi. Illis ipsius temporibus Monachismus affluebat in Græciam, & Monachi solemniter consecrabantur, uti ait sanctus Dionysius Areopagita, propter sacram conversationem, & Institutum Monachorum concessit eis sacra legislatio consumativam gratiam, & quadam eos dignata est consecratio ab invocatione; non tamen Hierarchica, seu Sacramentali, qua inaugurantur Clerici.

S. Dionys.
Cap. 6. de
Ecclef.
Hierarch.

Forma hujus consecratiivæ institutionis fuit ista: Sacerdos stabat in conspectu altaris divini Monasticam benedictionem psalens: consumandus autem retro ipsum, quo facto Sacerdos primo interrogat eum, utrum abrenunciet omnibus mundi vanitatibus, & a Deo separantibus, non modo conversationibus, verum etiam phantasias. Deinde perfectissimam ei vitam narrat, testimonium ei perhibens, quia oportet eum perfectius vivere, quam cæteri fideles Laici, qui inter Clerum, & Chathemenos medii in Ecclesia stant. Hæc omnia promittente Monacho, cruciformi similitudine signans eum Sacerdos, tondet, trinamque divinæ beatitudinis invocans substantiam, & vestem omnem exuens alteram induit, & cum aliis Sacerdotibus, quicunque adsunt salutans eum, socium perficit divinorum Mysteriorum sanctissimæ Euch-

charistiæ communione. Hic mos post sanctum Dionysium in Ecclesia mansit constanter, manebitque, quamvis in nonnullis variatus.

§ V. Sozomenus, de viro, & scemina, sub Constantio Imperatore, loquens, ait eos Virginitatem Deo promississe ex norma Ecclesiastica. Apud Græcos Professio dicitur homologia, sed cur? ab actu publico. Nam homogitas eos dicimus in Ecclesia, qui fidei confessionem palam coram tyrannis ediderunt. Metaphrastes ait Stephanum Abbatem solitas fuisse preces super Joannicum „in vita Joannicii” sacrasque recitasse Orationes, eumque induisse vestem Monasticam. Sanctus Benedictus hanc professionis pro suis præscribit formulam: Suscipiatur, inquit, in Oratorium promittens stabilitatem, conversionem morum, & obedientiam coram omnibus subscriptura, vel saltem sub signo certo, si alius pro ipso scribat, dicat ter: Suscipe me Domine secundum eloquium &c.

Sanctus Pachomius nullum ad professionem admittit, nisi sub collecta eum fratribus præsentasset. Sanctus Antonius sanctum Paulum simplicem sub hac forma Monachum effecit: In nomine Domini Monachus factus es: Itaque semper interveniebat aliqua benedictio, & solemnitas, qualiscunque tandem fuerit. Nam omnino necessarium est, ut religiosus in professione se Deo consecret. Hinc oramus ter, suscipe me Domine &c. Donum nos obtulimus Deo, inquit, ad suos sanctus Ephraim.

Sozomen.
lib. 3. Inst.
Cap. 13.

S. Bened.
Reg. Cap.
56.

Reg. S.
Pachomi.
Nro 26.

Pallad.
Vit. S.
Pauli.

S. Ephra.
adhort. 1.
serm. ad
pietatem.

CAPUT VI.

De tribus votis Monasticis.

§ I.

Tria vota in se status Monasticus complectitur: Obedientiam, Paupertatem, & Castitatem. Sine his tribus votis status religiosus nullus est. Monachismus enim ad absolutissimam vitæ perfectionem hominem ducere debet, quam consequi non est possibile, nisi prius removeantur obstacula, quæ sunt: Spinæ divitiarum; carnis illecebræ, fallacia, amor, & infirmitas propriæ voluntatis, quæ nihil nisi imperfectum sapiunt. Contraria igitur contrariis curanda sunt, & opponenda est opibus paupertas voluntaria, carnalibus desideriis castitas, & propriæ voluntati sui abnegatio per sanctam obedientiam, sic itur ad Cælum. Hac via primum ibant Apostoli, qui relictis omnibus, obedientiæ Christi se submiserunt, sic namque dicitur: Si quis venit ad me, & non odit Patrem suum, & Matrem, & uxorem &c. non potest esse meus discipulus; Math. v. & alibi ecce nos reliquimus omnia, & secuti sumus Te.

19. 27.

§ II. Hac demum via omnes incesse-
runt veteres Monachi, quorum erat obedire majoribus, colere castimoniam, atque in communi vitam ducere in paupertate. Præcæteris surrexit sanctus Pachomius magnus communis vitæ Dux, ac multorum Monasteriorum, & Monachorum Pater, cujus monita una cum vita satis annuntiant, discipulos ejus præ-
atta-

attacta tria vota diligenter servasse. Idem fecisse Antonii, Tom. 4.
 & Hilarionis discipulos, ipsorum vitæ demonstrant. San. Bibl. P.P.
 ctus Athanasius in regulis, quas pro monialibus composuit: Væ, inquit, Virgini, quæ nulli regulæ subest; est enim velut navis carens gubernatore. Beata Virgo, quæ sub obedientiæ regula est; Docet has, ut sint pudicæ, & castæ in moribus, pauperes in vestibus, obediētes suis moribus. Sanctus Basilius de abdicatione rerum ait:
 „Aures habe ad obediendum patulas, manusque prom-
 „tas ad exequenda mandata. Et alibi: Obedientiam,
 „ait, esse caput vitæ Monasticæ. Idem in Asceticis Constit.
 „dicit: Pauper! tibi vivatur vita, liber sis, & solutus Cap. 19.
 „omni cura sæculari, non te stimulet sceminæ cupiditas,
 „non cura liberorum; hæc enim impossibile est con-
 „sistere, cum hac nostra militia.

C A P U T VII.

D e O b e d i e n t i a .

§ I.

Prima omnium, ac maxima in Monacho virtus est
 Obedientia: Hæc est communis Patrum sententia. Obe- S. August.
 dientia, inquit, sanctus Augustinus, Mater quodammodo Libro 14.
 est, omniumque custos virtutum. Idem ait: „Obedientia Civ. Cap.
 „maxima est virtus, &, ut sic dixerim, omnium origo, 12. Lib. 1.
 „materque virtutum. Dicit Cassianus: Obedientia inter contra ad-
ver. leg.
Cap. 14.
Cassian.
L. 4. Instit.
C. 30.

S. Grego- „ cæteras virtutes primatum tenet; quia juxta sanctum
rius Libro „ Gregorium sola illa est, quæ cæteras menti inferit,
ult. Moral. „ insertasque custodit. Bene ergo Episcopus ille ad
Cap. 12.

Vita S. „ sanctum Abraham solitarium: Ecce, inquit, totum
Ambrosii „ mundum reliquisti, & quæ in eo sunt, & vitam cruci-
Cap. 4. „ fixam amplexus es, attamen, cum hæc universa com-
Pellag. „ plexeris, agnosce te obedientiam, quæ cunctis virtutibus
Libro 14. „ eminet, non habere. Cujusdam senioris sententiam au-
fin. „ ream de obedientia descripsit Pelagius: Obedientia,
„ ait, salus est omnium fidelium: Obedientia Genitrix est
„ omnium virtutum: Obedientia Regni Cœlorum inven-
„ trix est. Obedientia Cœlos aperiens, & homines de
„ terra elevans est. Obedientia cohabitatrix Angelorum
„ est. Obedientia sanctorum omnium cibus est: Ex hac
„ enim ablactati sunt, & per hanc ad perfectionem vene-
„ runt. Et quidem per compedium.

§ II. Sanctus Dorotheus de discipulo suo Dositheo
memorat, quod in una se obedientia, & abrenuntiatione
voluntatis potissimum exercuerit, & consumatus in brevi
Doctri- a seniore visus sit inter catervas Sanctorum, bene igitur
na 4. „ sanctus Antonius: Si quis, inquit, cupit ad perfectionem
„ velociter pervenire, non sibi ipsi fiat Magister, nec pro-
„ priis voluntatibus obediat, etiam si rectum esse videatur,
„ quod velit, sed secundum mandatum Salvatoris ante
„ omnia abneget, se ipsum, & renuntiet propriis volunta-
„ tibus: quia & Salvator ipse dixit: Ego veni, non ut
Raffin. „ faciam voluntatem meam, sed ejus, qui misit me. Velox,
Libro 1. „ ac facile iter ad perfectionem est obedientia dormiendo
vita P. P. „
Cap. 31.

confectum. Qui totum se tradit in obedientiam Patrum semper in pace, & sine cura vivit, ut contingit beato Dositheo. Quid plura? obedientia reddit hominem immortalem, quemadmodum Acacius solus de se interrogatus, de sepulchro respondit: & fieri ne potest, Pater, ut moriatur homo deditus obedientiæ? „ Sine consilio nihil facias.” Durus est hic sermo, gravisque hæc disciplina multis videtur, ut homo ita semper pendeat de ore alterius, cæterum tamen Deum timentibus dulcis, ac segura invenitur, si ex integro, & non ex parte conferretur, tunc enim conscientia segura, ac tuta sit alterius directione ducta.

Doroth.
doctrin. 4.

Climac. 9.
Cap. 4.

Eccles. 32
v. 24.

§ III. Eapropter electo uno in superiorem cessare debent de cætero omnes singulares voluntates, ait sanctus Basilius, voluntatique ejus, qui reliquis præest, parere tenentur, juxta verbum Apostoli: Omnis anima potestatibus sublimioribus subdita sit. Et qui resistunt, judicium sibi aquirunt. Ad vitæ autem perfectionem tam accuratam, Doctor hic sanctus requirit obedientiam, ut nec licet refragari voluntati superiorum. Et quid dico? refragari. Perfectus enim obediens absque nutu majorum nec movet se, similis instrumento mechanico. Furtum est, ac sacrilegium, si quid inscio Magistro fiat, etsi bonum videatur, ait sanctus Basilius „ de abdicatione „ mundi, rerumque. Id quod & sanctus Benedictus confirmat, dicens: Tribuendum est præsumptioni, vanæque „ gloriæ, non mercedi, si Monachus absque Abbatis præscitu, quid boni faciat.” Quicumque interrogaverit sem-

S. Basil.
Serm. 2.
Instit. Monastica.
Rom. 13.

Regul.
Cap. 49.

per, nunquam errabit, quia si alterius erraverit respon-
sio, fides credentis, & labor obedientis nunquam erra-
bunt, neque mercede interrogantis carebunt: Nam si per
se aliquid discusserit, qui debuit interrogare, in hoc ipso
arguitur errasse, quod judicare præsumpsit, qui debuit
judicari. Etsi rectum fuerit, parvum illi reputabitur,

Beatus
Columban.
1. parte
Reg. C. 14.

dum per hoc a recto declinavit: quia nihil audet per
se judicare, cujus officium est tantum obedire.

§ IV. Perfecta ergo, & vera obedientia juxta do-

S. Basil.
Instit. Mo-
nast. serm.
2.

ctrinam sancti Basilii. In hoc apparet, quando quis ad
superioris nutum non modo fugiat inhonesta, verum
etiam laudabilia omittat: tametsi enim temperantia, &
corporis mortificatio sit utilis, si tamen eam exercent
quis ex proprio arbitrio, tanti non erit, quanti est obe-
dientiæ merces. In obedientia itaque cæcos non esse
oportet.

§ V. Reperiuntur nonnulli ex subordinatis, qui dum

Joann.
21.

quidpiam a superiore præcipitur, intendunt oculos non
in præceptum, sed in præcipientem, hominem sæpe im-
perfectum, & dicunt: Hic autem quid? sed audiant,
quid sequitur: quid ad te: tu me sequere. Alii sub-
murmurant, quasi superiores alligant ouera gravia aliis,
quæ ipsi nec digito velint, attingere, quibus idem Domi-
nus respondit: Super Cathedram Moysis sederunt scribes,
& Pharisei, omnia ergo, quæcunque dixerint vobis, ser-

Mathei
23.

vate, & facite; secundum opera vero illorum nolite fa-
cere. Alii vero causas præceptorum examinant, nec fa-
cile parent, nisi pateant iustæ. At vera obedientia nec

præpositorum intentionem, nec præcepta discernit: quia qui omne vitæ suæ iudicium majori subdidit, in hoc solo gaudet, si, quod sibi præcipitur, operatur; nescit enim judicare, quisquis perfecte didicerit obedire, ait sanctus Gregorius.

S. Greg.
in Cap. 4.
Libro 1.
Reg. 1. 2.

§. VI. Verus obediens non respicit vitia præcipientis, non personam, non causas, sed solum, ut satisfaciatur Deo, qui per ministros suos loquitur, cui etiam principaliter obedimus: Obedientia, inquit sanctus Benedictus, (in regula) quæ majoribus præbetur, Deo exhibetur, qui solus obedientem coronat, siue ergo Deus, siue homo vicarius Dei mandatum quodcunque tradiderit, pari obsequendum est cura. Quid enim interest, utrum per se, an per suos Ministros, siue homines, siue Angelos hominibus notum reddat suum placitum Deus? unum & idem est; hinc de Monachis Orientalibus Cassianus ait: Universa præcepta, quæ eis ab Abbate fuerint imperata complere festinant tanquam, si ex Deo sint cœlitus edita.

Cassian.
Lib. 4. Inst.
Cap. 10.

§ VII. Refert Climacus, de quodam Laurentio Senecione Monacho: Cum, inquit, ad mensam confedissemus, summus ille Magister (Abbatem intelligit); inclinat suum sanctum os ad aurem meam. Vis, ait, tibi ostendam in profunda canicie divinam prudentiam? & me id exorante advocat ex proxima mensa quemdam Laurentium nomine, qui quadraginta, & octo annos in Monasterio degerat, qui cum venisset atque Abbati genibus flexis adstaret, ab illo quidem benedicitur, verum surgenti penitus nihil dixit: sicque ante mensam sine

Climac.
grad. 4.

cibo stare permittit, erat autem tunc prandii initium. Itaque ultra horum immobilis stetit adeo, ut ipse quoque erubescerem, neque enim in ipsius faciem præverecundia intueri potui. Erat hic canus totus, octogesimumque jam agebat annum, mansit autem sine responso ullo usque ad finem refectionis, a qua cum surgeremus, mittitur a sancto illo, ut diceret Psalmi 39. initium, qui est: „Expectans expectavi Dominum, & intendit mihi, & exaudivit preces meas &c.” Hic senex postmodum rogatus a me, quid interea cogitasset? Christi, inquit, imaginem pastori imposui: neque enim ab illo hoc præceptum exisse, sed a Deo existimavi. Quare non coram mensa hominum, sed coram altari divino adstare me putans orabam, nullamque penitus malignam cogitationem adversus pastorem admittebam.

Hæc est obedientia cæca, per quam sine disquisitione parendum est, ut ait sanctus Basilii. Qua etiam secure nos credere debemus in Domino iis, qui curam nostri susceperunt, etiam si quædam, ut Climacus docet, imperent, quæ contraria videantur.

§ VIII. Obedientia debet esse prompta, esse sine mora, non trepide, non tarde, non tepide, ait sanctus Benedictus. Verus obediens mandatum non procrastinat, sed parat aures auditui, linguam voci, manus operi, pedes itineri, & sic se totum intrasse colligit, ut mandatum peragat imperantis. Marcus Monachus ad vocem Abbatis imperfectam literam reliquit, tam promptus ad obedientiam fuit; Cellarius quidam vocatus a suo su-

periore relicto dolio apperto cucurrit. Alter relicto libro apperto cito ad Chorum perexit. Hoc promptum obsequium utriusque approbaverat Deus, dolium enim non effluxit appertum, neque liber a pluvia madefactus rebus cæteris madentibus. Sancti Simeonis spiritum, & inusitatum vivendi modum Episcopi explorarunt per promptitudinem obedientiæ: si parum cunctatus fuisset, de columna, & proposito eum deturbassent: Nunc vero quia iussus descendere, alacriter obedire voluit, approbata est ejus intentio iussusque perseverare.

Euarg.
Lib.1. Inf.
Ecclef. C.

§ IX. Præter hæc omnia obedientia debet esse fortis, & constans: Oportet imprimis, ait sanctus Basilius, ut is, qui se ad vitæ hujus rationem contulit, stabili, firma, immobilique voluntatis constantia sit, judicioque tali, ut a malignis spiritibus, neque concuti, neque loco pelli possit. Deinde animi firmitate tanta, ut ad mortem usque constantiam Martyrum exhibeat, tum divinis præceptis retinendis, tum obedientia erga Magistros suos conservanda, hoc enim totius vitæ, & Instituti est caput.

Const.
Cap. 19.

§ X. Apud antiquos Monachos non erat quid novi ad exemplum Christi usque ad mortem obedire, quod præstandum probat sanctus Basilius ab exemplo Apostolorum, qui prompte ad pericula, forum, tribunalia, contumelias, lapidationes, ignominias, cruces, & ad varias mortes, inclinata cervice obedientiæ tanta alacritate processerunt, ut etiam gauderent, ista pro Christo pati.

Regul.
brev. 103.

§. XI. Terminus obedientiæ est, usque ad mortem. Nihil proinde recusandum est, obedientibus veris Christi

116. 119.
303.
Constit.

disci- Cap.19.23.

Math. 10.
v. 38.

discipulis, quamvis durum & arduum sit, sed cum fervore & lætitia arripiendum. Quod si talis non fuerit obedientia, non erit acceptabilis Deo, qui ait: Et qui non accipit crucem suam, & sequitur me, non est me dignus. Et propter hanc perfectissimam obedientiam multi usque ad periculum vitæ decertarunt. Quidam jussus ab Abbate, iniecit se ad ardentem clibanum, alter ad Crocodilos accessit. Tertius adducere jussus leenam intrepide perexit. Alii impossibilia aggressi rigarunt arida virgulta. Sic Patres probarunt olim suos discipulos, ut etiam extrema tentarent.

C A P U T VIII.

De peccato Inobedientiæ.

§ I.

S. Basil.
Reg. brev.
119.

Esse inobedientem, ait sanctus Basilius, multorum magnorum malorum radix est. Resistere enim, idem ait: Et detractare superioris jussa infirmæ fidei est, ambiguae spei, superbiæ, & morum insolentiæ signum. Neque enim quis inobediens est, qui non prius despexerit præcipientem, aut qui in fide, & spe non vacillet, quantumvis gravia sint, quæ jubentur. Qui credit Dei promissis, spemque firmam in eis reponit, etiam si præcepta ardua sint, & difficilia, nunquam in ipsis observandis torpedit, cum sciat non esse condignas passionibus hujus

tem-

temporis ad futurum, quæ revelabitur, gloriam. Et cui persuasum est eum, qui sese humilitat, exaltatum iri, majorem alacritatem quam, quæ a præcipiente expectatum, ostendit, quippe, qui illud non ignorat, quod momentanea afflictionis levitas, mire supra modum æternum pondus pariat. Ita sanctus Basilius dicit.

S. Basil.
Reg. fusio-
ri 28. pro-
pe finem.

§ II. Erga immorigerum, & inobedientem hoc modo procedendum est, juxta doctrinam sancti Basilii in priori regula contentam. Primum tamquam membro infirmo compatiendum, & lenibus adhortationibus procedendum, tandem 2-dum in contumacia persistentem acrius coram toto fratrum cœtu coarguere oportebit. 3-dum: Sæpius admonitum non tamen emendatum, ut membrum corruptum, & penitus inutile medicorum exemplo a communi corpore refecare est necesse, ne cæteros corrumpere ultro pergat.

§ III. Sanctus Pachomius ita castigat inobedientes: Si quis, inquit, lectionem, vel aliud obedientiæ prætulit, in Synaxi prostratus in terra ad finem manebit, quoad eum Abbas jusserit surgere.

§ IV. Sunt nonnulli, qui mandata exequuntur quidem, sed tamen submurmurant. At verus obediens, ait S. Ephra. Sermon. de
sanctus Ephraim, Patrem non despicit, nihil carpit, obed.
non murmurat; sunt etiam, qui inobedientiam suam excusationibus variis palliant, sed Deus non irridetur. Simplex obedientia ne minimam quidem admittit excusationem. Ideo Columbanus quinquaginta percussionebus castigari jussit eum, qui excusationem protulit cum simpli-

S. Columbanus p. 2. Reg. v. 8. S. Basil. Sermon. de renunt. sæculi.

citare, & non statim veniam petiit: mea culpa pœnitet me (S. Columbanus). Ipsa etiam bona opera Monachi ex propria voluntate facta disciplinent Deo. Quidquid enim sine ipso superiore efficitur, furtum est, & Sacrilegium, quod mortem infert, non utilitatem: tametsi tibi videtur esse bonum, ait sanctus Basilus.

CAPUT IX.

De paupertate Monastica.

§ I.

Paupertatem Monasticam sanctus Basilus vocat nutricem veræ Philosophiæ, suamque contubernalem, & cohabitricem dicit esse paupertatem hanc scribens ex Monastica solitudine ad Olympium; (Epistola juxta ordinem antiquum 169. juxta novum 4-ta) hanc paupertatem Abbas Hyperichius dixit esse Monachi Thesaurum.

Pellag. Lib. 6. 11. 12. Ipse Christus primam Beatitudinem pauperibus assignavit. Beati, inquit, pauperes spiritu, quoniam ipsorum est re-

Math. 5. gnum cœlorum. Et hanc sanctam paupertatem tamquam infallibile ad perfectionem medium Apostoli exosculati sunt, ut Eusebius loquitur, hancque omnes veri Monachi coluerunt, sic, ut Cassianus dicat, multa millia Monachorum sunt, qui post abrenuntiationem sæculi nec denarium habent, nec habere voluerunt, etsi in abundantia oblati fuerint. Quidam Monachus cum centum numismata ei

Cassian. Col. 5. Cap. 8.

porigerentur a sancto Joanne Eleemosinario dignum memoria verbum ad Patriarcham locutus est, dicens: Ego hoc non postulo Domine: Monachus enim si fidem habet, horum non indiget; si autem horum eget, fidem non habet. Junarius quidam Monachus cuidam nobili Rurisio multas sibi pecunias offerenti dixit, non est justum; ut qui sua propter Deum sponte reliquit; ditescat alienis. Denique sanctus Apostolus Thadaeus dum ei Abagarus Rex Edessenus multum signati, rudisque auri titulo gratitudinis obtulit, dixerat: Si nostra reliquimus aliena quomodo accipiemus.

Leont.
Vit. sanct.
Joan.
Eleemos.
Bernard.
Episcopo
London.
in vita.

§ II. Vir quidam admodum dives, referente Pella- gio: Venerat in Scithi deferens secum plurimum auri, ut Monachis indigentibus per Præsbyterum distribuere- tur, quo recusante jussus ponere omne aurum ipse dives ad fores Ecclesiæ, unde quisque Monachus acciperet, quantum vellet. Mirum fuit, cum omnes Ecclesiam ingrederentur, & audirent preconem; nullus tamen ex omnibus fuit, qui vel obulum acciperet, imo expositam pecuniam multi nec respexerant quidem. Tantus contemptus erat pecuniarum apud veteres veros Monachos, & immittatores Christi. Simile quid de sancto Amato narrat Surius: cui cum loci Episcopus in sustentationem non raro præberet pecuniam, eam vir bonus semper rejecit, quam demum Episcopus clam altari, in quo Eremita hic sacrificare solebat, impositam reliquit, hanc ille mane inventam illico in profundam vallem abjecit.

Euseb.
Lib.1.Hist.
Cap. ult.
& libro 2.
Cap. 1.
Pellag.
Lib.6.Nro
19.

§ III. Monachus nihil proprii habere potest, nihilque possidere. Oportet autem Ascetam, ab omni privata rerum terrenarum possessione liberum esse, ait sanctus

S. Basil.
Constit.
Monast. 34.

Basilius. Et enim nisi hoc faciat, primum quidem exactam, ac sinceram societatem privata possessione corrumpit, deinde vero ostendit se esse valde incrudulum, ut qui diffidat Deo, quasi eos, qui in nomine ipsius fuerint congregati, nutriturus non sit, neque audierit Davi-

S. David.
Psalm. 36.
v. 25.

dem Prophetam dicentem: Junior fui, & enim senui, & non vidi justum derelictum, nec semen ejus querens panem. Si enim ubi duo, aut tres in nomine Christi congregati sunt, ibi in medio ipsorum est, multo magis ibi erit, ubi longe major, ac frequentior extiterit hominum coetus. Aut igitur nihil deerit necessariorum, si modo affuerit nobis Christus, cum Israelitis in deserto nihil defuerit utilium, aut etiam quidpiam defuerit, adprobandos nos, præstabilius est nos indigere & esse cum Christo, quam citra illius societatem omnes mundi divitias possidere. Proinde perspicuum est, qui talis est, eum de ressecanda, ac morti tradenda anima sua cogitare, paucisque obolis salutem suam vendere, & alterum Judam effici, ut qui a furto exorietur: furtum est enim privata professio, & definit in prodicionem, eum, & ipse veritatis doctrinam prodat, perinde, ut ille Dominum prodidit. Quando enim vitæ nostræ institutum est, neque separari ab illo coetu, cui fuimus adjuncti, neque ullum rem privatam comparare, neque omnino quidpiam moliri, quod clandestinum sit, aut ejusmodi, quod

ad fratrum perniciem malo exemplo sit iis, qui salvi fieri cupiunt, tum si quis timore Dei, statutisque sancti Spiritus contemptis, primum quidem subreptionem (subreptio enim est qualitercunque, & undecunque comparata privata possessio). Deinde vero defectionem etiam ac secessum cogitaverit, quomodo is non prodidit veritatis doctrinam, quomodo non factus est alter Judas, cum quantum in se fuit, veritatem prodiderit. Cavendum est igitur omni modo, ne quidquam privatim possideamus, præter ea, quæ simul in communi suppeditantur omnibus.

§ IV. Nihil dicatur igitur meum, nihil tuum, nihil proprium; sed sint nobis omnia communia. Meum, & tuum dici vetat scriptura sacra, ait sanctus Basilius. <sup>S. Basil. Reg. fusio-
ri 32.</sup> Erat enim, inquit, omnium credentium cor unum, & anima una; nec quisquam eorum, quæ possidebat aliquid suum esse dicebat. Quamobrem cum Monachus <sup>Etes. 4.
32.</sup> omnem proprietatem abnegare debet, nec nummum, tamquam proprium retinere poterit. Ingeniose sanctus Basilius Syncletico ex Romano Senatore Monacho effecto dixit: Et Senatorem Syncleticum pedidisti, & Monachum non fecisti. Ex pristinis enim paucula sibi refer- <sup>Cassian. 2. 7. Istit.
Cap. 19.</sup> vaverat. Cassianus paupertatis acerrimus vindex nec obolum concedit Monacho eo, quod impossibile sit victum in exigua stipe non majoris desiderii incendio conflagrari. Id ipsum sanctus quoque Ephraim suos Syros discipulos docuit. Hinc si quis olim rem levissimi precii perdidisset, vel destruxisset, tamquam votifragus gravis-

sime puniebatur. Cuidam fratri culinam administranti interlavandum tria grana lentium deciderant, & ab Abbate tamquam interverfor, & sacri peculii neglector ab oratione suspensus est: Nec aliter remissionem consequi potuit, nisi peracta publica pœnitentia; vasa, & supellectilia Monasterii tamquam sacro sancta tractabant, utpote non solum dispensatori, sed etiam Deo, pro iis rationem reddituri. Imo omnem etiam substantiam Monasterii habendam esse, ut altaris vasa sacra decernit sanctus Benedictus.

§ V. Monachus nihil potest dare alteri etiam valde egenti, juxta decretum sancti Basilii: Non calceum, non vestitum, etiam attritum, nec quidem panem esurienti: dare, ait, aut accipere etiam secundum mandatum, non est cujuslibet, sed ejus, cui delatum est munus dispensandi, proinde sive vetus, sive novum fuerit vestimentum, vel calceus, hic habita ratione temporis, ejusque, & dabit, & accipiet. Item, cum Dominus pronuntiaverit: Non esse bonum sumere panem filiorum, & projicere ca-

S. Basil.
Reg. brev.
87.
Math. 15.
26. 27.

nibus. Et tamen illud etiam approbaverit: Nam, & Castellum edunt de mensa Dominorum suorum, cui munus dispensandi fuit assignatum, is examine præmisso illud impleat, quisquis autem id facit præter hujus sententiam, increpatur valuti disciplinæ corruptor, donec suum locum servare didicerit, cum Apostolus dicat: Unusquisque in quo vocatus est, Fratres, in hoc permaneat.

1. Cor. 7.
24. Regul.
brev. 100.

§ VI. Denique Monachus voto paupertatis ligatus, nec exiguum rem tamquam suam etiam in sola voluntate

ha-

habere potest; quid enim proderit, ait Cassianus, pecuniam non habere, si voluntas in nobis erit possidendi? Ad nutum omnia quoque relinquere debet, nihil potest alienare, nihil accipere, nihil expendere, nihil abscondere. In libris præterea, vestibus, vasis, suppellectili eam servabit mundiciam, curam, ac diligentiam, ac si sacri altaris paramenta sint. In omni demum re cunctam abscindet, superfluitatem: Id si fecerit, vivet.

CAPUT X.

De Vitio Proprietatis.

§ I.

Vitium proprietatis variis excusationibus palliare solent transgressores paupertatis Monachi: Non dantur, inquiunt, sufficientia. Si contigerit corporis infirmitas, quis dabit necessaria? Cura superiorum erga ægrotantes valde parva, redditus Monasterii exigui; si proprium aliquid non fuerit, quò cura corpori valeat adhiberi, moriendum est; ipsum etiam vestimentum non sufficit, quod præbetur, nisi procuravero mihi, unde aliud aquiram? Hi proprietatis prætextus jam Cassiani temporibus a transgressoribus proferebantur.

Cassian.
Lib. 7. Inst.
Cap. 7.

§ II. Proprietas subtile malum adeo, ut, ii, qui in omnia vitia Dominium tenuerunt, huic tamen vitio obviare

S. Greg. viare satis haud potuerint, teste Gregorio Niseno. Ori-
 Homil. 8. tur illud ex torpidæ mentis ignavia, dicente Cassiano:
 in Ecclesia. & ex amore in Deum tepido. Sanctus Basilius addit etiam
 Cassian. Lib. 7. Inst. diffidentiam erga Deum, quasi in nomine suo congrega-
 Cap. 1. tos non velit enutrire. S. Benedictus appellat nequissimum
 Confit. vitium: in veteri testamento a Giezi, in novo a Juda
 Monast. Cap. ult. proditore, & Anania sumpsit initium. Quorum pœna
 S. Bened. Regula proditore, & Anania sumpsit initium. Quorum pœna
 Cap. 33. Duces Monachorum perterriti id omni conatu nisi sunt
 expellere pœnis in reos gravissimis constitutis.

§ III. Sanctus Pachomius statuit Sacrilegium eum
 Pachom. committere, qui aliquid in propriam vertit quietem, ta-
 Regul. lemque perire, unde sæpius præcipit, ne quis ad cæl-
 lam aliquid deferat, ibique abscondat; sanctus Augusti-
 nus furti condemnat, qui aliquid cellaverit. Sanctus Ba-
 S. Basil. filius Judæ proprietarium comparat, „ alias præcipit, ut
 Confit. 34. „ possidens aliquid, vel intra, vel extra Monasterium,
 „ cæterorum privetur consortio ” pœna 13. auferens, vel
 occultans, permutans, dans, aut accipiens aliquid, careat
 Pœna 25, benedictione, & a cæteris separetur.
 & 49.

§ IV. Strictius jus Ecclesiasticum adversus proprie-
 tarios decrevit; Prohibemus, inquit, districte in virtute
 obedientiæ sub obtestatione Divini judicii, ne quis Mona-
 chorum proprium aliquomodo possideat, sed si quis aliquid
 habet proprii, totum in continenti resignet, si vero post hoc
 proprietatem aliquam fuerit deprehensus habere, regulari
 monitione prævia de Monasterio expellatur, nec recipia-
 tur ulterius, nisi pœniteat secundum Monasticam discipli-
 nam. Quodsi proprietas apud quemquam inventa fuerit

in morte, ipsa cum eo in signum perditionis extra Monasterium in sterquilinio subterretur, secundum quod beatus Gregorius narrat in dialogo se fecisse. Unde si quidquam alicui fuerit specialiter destinatum, non præsumat illud accipere; sed Abbati vel Priori, vel Cellario assignetur (C. cum ad Monast. de statu Monach).

§ V. Dura admodum Juris Canonici contra proprietarios lata censura hæc. Ast non mirum, si quidem malorum omnium radix sit cupiditas. Hic Canon, atque Censura antiquitus etiam observata est. Quid Nitriæ gestum sit, inquit sanctus Hieronymus. Quidam ex fratribus par-
Timoth. 6. v. 10.
S. Hieron. Epist. 22. referemus.
 tior magis, quam avarior, & nesciens triginta argenteis Dominum venditum, centum solidos, quos lina texendo acquisiverat moriens dereliquit; Initum est inter Monachos consilium (quinque vero millia in eodem loco habitabant) quid facto opus esset? alii pauperibus distribuendos esse dicebant, alii dandos Ecclesiæ, nonnulli Parentibus remittendos. Macarius vero, Pambo, & Isidorus, & cæteri, quos Patres vocant, sancto in iis loquente spiritu decreverunt infodiendos esse cum eo dicentes: Pecunia tua tecum sit in perditionem. Lamentabilis erat sepultura hæc, ut ingens cunctos per totam Ægyptum timor invaserit. Cum alio quoque similiter factum est propter tres nummos post mortem penes ipsum repertos. Denique Concilium in Anglia A. D. 1075. celebratum decrevit: pro proprietariis, inquit, in morte nisi egerint pœnitentiam, non signa pullentur, nec salutaris hostia immoletur, nec in cœmeterio sepeliatur.

In vita
S. Leofridi
Cap. 23.

§ VI. Quam graviter Deus proprietarios castiget, ex S. Gregorius sancto Gregorio discere possumus: Quadam die, ait, ex riuſ Lib. 9. Epist. 38. Monasterio sancti Andreae transmissi sunt duo fratres pro quibusdam rebus coemendis, perexerunt utrique, & de precio, quod acceperunt, unus nesciente altero furtum fecit. Qui mox ut ad Monasterium sunt reversi, atque ad oratorii limen venerunt, arreptus a Dæmone is, qui furtum fecerat, cecidit, & vexari cepit. Dimissus autem a Dæmone concurrentibus Monachis requisitus est, num forsitan de eo, quod acceperat, furtum fecisset? Negavit, iterum vexatus est. Octo itaque vicibus negavit, octo vicibus vexatus est. Post octavam vero negationem confessus est, quantos nummos furto abstulerat. Et agens poenitentiam peccatum recognovit; ulterius vero ad eum Dæmonium non accessit.

§ VII. Quidam prior referente Zacharia Boverio, (in anal. A. D. 1569.) multum pecuniæ ex manuali suo labore corraſerat, qui postea ita fætore cœpit, ut præsentiæ ejus nemo tollerare potuerit, sejunctum ergo cum fratres aliquando inviserent, viderunt capite de lecto miserabiliter pendere, atque a Monstruosa fele ad collum graviter lacerari, ac suffocari, cum fratres in ab actione felis se multum fatigassent, ægrotus non cum fele, inquit, sed cum Dæmone vobis res est! hoc suplicium mihi vitæ turpitudine, concupiscentia, violata paupertas, ac sprete regulæ observantia peperit; discite vos meo exemplo meliora. Quibus dictis inter horrendum stridorem a fele præfocatus emisit animam.

§ VIII. Quali suppellectili instrui debeat cella Monachi, ostendit nobis Sunamitis: faciamus, inquit, ei cæmulum parvum, & ponamus ei in eo lectulum, & mensam, & sellam, & candelabrum (4. Regum 4.) sufficiunt hæc pauperi Christi ad necessitatem. Cassianus suppellectilem Monachi recensens nominat sportellam, sacculos; codices, mattam, & psiathium, quod simul pro sella, & lecto erat. Sanctus Ephraim prohibet quævis ornamenta cellarum: Cassian. Lib. 4. Col. ne inutiles, inquit, exornemus parietes, ac muros, cum lat. Cap. cella ornatior patientiam non præbeat. Quæ ad neces- 21. sitatem sunt, queramus, superflua enim, & distractiones pariunt, & sunt perniciofa (in sententiis) superfluitas servis Dei nihil aliud est, quam satan, & virulenta vipera, dixit quidam verus Asceta.

C A P U T X I.

D e C a s t i t a t e

§ I.

Eunuchiam, quæ propter regnum Cœlorum est, non omnes capiunt: qui eam possederit, in terra honorabitur; & in coelis ab Excelso coronabitur, inquit, unus ex sanctis Patribus, sed pauci per hanc viam recte ingrediuntur, quia supra modum ardua maxime juventuti. Sanctus Chrysostomus ait: „ Audivimus hoc nostro sæculo „ nonnullos ferro totum corpus obligantes, & sacco vestien-

„ tes, & ad vertices montium currentes, & in continuis
 „ vigiliis, ac inedia summa viventes, omnem disciplinæ
 „ severitatem ostendentes, & omnibus mulieribus ingres-
 „ sum in domunculam, & tugurium suum interdicere,
 „ atque hac ratione se ipsos castigantes, agre tamen con-
 „ cupiscentiæ furorem comprimere. At tu dicis, quod
 „ licet videas cohabitantem fœminæ, & alligatum, & de-
 „ liciantem, non suspiceris aliquid mali. O admirande!
 „ non eorum, qui cum hominibus, sed qui inter lapi-
 „ des vivunt, hic affectus est, contra eos, qui subintran-
 „ tes habent (Cap. 5.)

§ II. Climachus narrat fuisse Juvenem, qui propter
 virtutum merita prius Onagris imperabat, cœlestique pane
 nutriebatur, sed hunc tandem (heu dolor!) lapsum in
 peccatum molliciei, unde non solum pristinam gratiam
 amisit, verum etiam cum post lapsum occultum suum de-
 lictum amarissime defleret, nihilominus audire debuit,

Climac. Grad. 15. sanctum Antonium de se dixisse: Magna columna ceci-
 dit! Alter ex gravissimis morbis, & senio dicebat, se
 habere corpus præmortuum, nec esse posse de se suspi-
 tionem lapsus; & tamen cecidit. Quam sæpe factum est,
 ait sanctus Basilius, ut qui triginta, aut viginti annos se
 in castitate, jejuniis, continuis precibus, in multis item
 lachrymis, & corporis macerationibus discrutiarunt, tan-
 dem colaphi sint, & in portu, sicut ajunt, naufragium fe-
 cerint miserabili prorsus spectaculo (Princip. proverb.)
 Horrendum est, quod scribit sanctus Anastasius Sinaita di-
 cens: Vidi viros centum annos natos imbeciles, & toto
 ferme

ferme corpore trementes, qui tamen non potuerunt abstinere a peccato corporali (de Pollut. quæst. 8. P. 1. Bib. P. P.)

§ III. Castitatem primo omnium Christus docuit; hæc est doctrina sancti Augustini. Eam sancti Patres ab initio Monachismi censuerunt ad perfectionem unice necessariam; nihil enim ita Deo Monachos familiares efficit, ut pulchra, & honesta, & Deo gratissima castitas, ait Marcellus Scitheota, Abbas Monasterii Monidion apud Joannem Mochum. „Hæc præstat honestatem, & perfectantiam jugiter vacandi Domino sine distractione. „lier innupta, & virgo cogitat, quæ domini sunt, ut sit „sancta corpore, & spiritu, ait sanctus Apostolus Paulus. „Porro hoc ad utilitatem vestram dico: non ut laqueum „vobis injiciam, sed ad id, quod honestum est, & quod „facultatem præbeat sine impedimento Dominum obsecrandi.” Et quam pretiosa sit coram Deo Virginitas, Christus suo exemplo clare ostendit; Ipse de Virgine Immaculata natus est, & ipse Virgo Joannem Apostolum, qui erat Virgo præcæteris dilexit, Apostolos a consortio conjugali abstinere docuit. Denique, qui ante sedem Dei, ante Thronum canunt canticum novum, qui sequuntur, agnum quocunque ierit, hi sunt, qui cum mulieribus non sunt coinquinati, Virgines enim sunt (Apocal. 14. v. 3, 4.)

S. August.
Homil. 30.

Prat.
Spir. Cap.
42.

Corint. 7.
v. 34. &
35.

§ IV. Hac virtute Monachus assimilatur Angelis, quam proinde, ut lilium inter spinas omni studio custodire debet. Triplici enim cum hæste nobis colluctandum

est, quorum nullus cessat carnem pro viribus inflammare.

Pellagius Primus, ipsa natura est: alter, cibus, & potus: Tertius, libe'. 4.
Nro 1. Dæmon, magni Antonii hæc sententia est. Tactus præ-

Grad. 15. cipue infidiis suis allicit, quo sæpe fit, ut teste Climacho, Pellagius
Lib. 4. Nro corpus inquinetur. „ Hinc quidam matris manui pallium
68. „ circumdedit, volens osculari. Quidam vero nec matrem,

„ nec sororem osculari voluit; dicenti autem Matri: Num

Vita S. „ quid ego non sum Mater tua? respondit: sed etiam foemi-
P. P. Occi- dent. lib. 7. „ na, quas Dei servi osculari non debent.” Hinc docemur,

Cap. 10. ut nec alienum, neque nostrum corpus manibus contin-
gamus absque necessitate; fugienda est omnibus modis
etiam levissima libidinis occasio, igni, ac ferro, ut qui-
dam dixit, abscindenda a mente luxuria, atque hoc fuit,
quod etiam apud Barbaros pro magno probro ducebatur
virum etiam conspici nudum.

§ V. Remedia contra hunc indomitum hostem præ-
scribit sanctus Gregorius Nansenus, timorem Dei, &
amorem, vigilias, preces, lachrymas, & dormitionem in
terra (ex hom. ad Virgin.) Quoniam vero duo ista
Dæmonia, ut loquitur Tertullianus conspirata, & conjura-
ta inter se sunt, Ebrietas, & libido (Lib. de spectac.) sic
omnium maxime crapula fugienda est, tam quam veneris
hamus. Fames quoque est medium idoneum ad com-
primendum impetum libidinis. Interim nisi mortificationes

Climac. corporales fulciantur singulari auxilio Divino, securi esse
Grad. 15. non possumus: Ego novi, inquit Climachus, ad summum
jejunantes valide fuisse quassatos carnis motibus, multum
tamen conferunt mortificationes adsuperandas carnis ten-

tationes, & ideo erant, qui se ingellidas undas immer-
serunt; alii in nives, alii cum sancto Benedicto in vepres,
alii cum sancto Martiniano in ignem intrarunt. Plerique
subsidium quænaverunt, a flagellis, ciliciis, jejuniis, vigi-
liis, lachrymis, ac precibus.

§ VI. Præcæteris ad Castimoniam facit fuga scemi-
narum, omne proinde consortium, & familiaritas cum illis
vitanda: Num quid enim, ait Sapiens, potest homo abscon-
dere ignem in sinu suo, ut vestimenta illius non ardeant?
aut ambulare super prunæ, ut non comburantur plantæ Proverb.
ejus? Sic qui ingreditur ad mulierem proximi sui, non Cap. 6.
erit mundus, qui tetigerit illam. „ Hinc Job: pepigi v. 27.
„ fœdus cum oculis meis, ut ne cogitarem quidem de
„ Virgine, nec satis est, ait sanctus Basilius, cogitatio-
„ nes de sceminis comprimere, nisi vitemus etiam con-
„ gressus maxime eos, qui tentationes excitant, & mo- Abbas
„ tus, quique rationem confundunt (Constit. Monast. 3.) Paul. apud
„ Abbas Paulus apud Cassianum, nec vestem muliebrem Cass. coll.
„ voluit aspicere. Sanctus Theodorus studita in testamento Cap. 26.
„ suo prohibuit, ne sui Monachi in Monasterio unquam
„ haberent non modo sceminam, sed nec jumentum sexus
„ sceminei, adeo a Monachis abesse voluit omnem phanta- Apud Ba-
„ siam mulieris. Delatus est quidam Monachus in Capi- non. A. D.
„ tulo, quod mulieri dextram dederit. Qui cum dixisset, 826.
„ sceminum esse sanctam, Præfident ait: Pluvia bona est, Lib. 7.
„ & bona terra; tamen ex earum commixtione fit lutum, Vit. P. P.
„ quo homo fœdatur. Occident.
Cap. 10.

§ VII. Nec Sanctitas personarum, nec Consanguinitas securum reddit Monachum a periculo lapsus. S. Macar. Homil. 27. quæst. 6. Quidam a persecutoribus multa perpeſſus, amputatus miſſus fuit in carcerem, ait ſanctus Macarius Ægyptiacus. Miniſtrabat autem ei caſtimonialis quædam, qua cum poſt contractam familiaritatem cecidit. Ruffinus narrat quemdam Monachum habitaffe in Eremito; Veniſſe autem ad Ruffin. 2. Libr. 2. vit. P.P. Nro 14. eum conſanguineam, cumqua tandem peccaverat, cum ingenti Dæmonum tripudio. Bene igitur ſanctus Dorotheus doctrina 20. ait: Melius eſt tibi lætifera eruginem comedere, quam edere cum muliere, etiamſi mater, vel ſoror tua ſit, nam eſi nec cum matre, nec cum ſorore, aut conſanguinea peccares; hæ tamen ipſæ in mentem transferent perſonas ſexus muliebris.

§ VIII. Si tantum periculum ſit, a ſanctis, & cognatis mulieribus, quantum erit ab extraneis. Pars teſtamenti ſancti Theodori ſtuditæ eſt, non ineas amicitiam cum Canonica ſeu Moniali, neque ingrediaris Monasterium ſcœminarum, nec ſolus colloquaris cum Monacha, aut ſæculari, niſi neceſſitas trahat, idque cum duabus, aut utraque perſonis adſtantibus, unius enim, ut ajunt, facilis eſt calumnia. Non apperies oſtium Monasterii ad intramittendam ſcœminam ullam ſine magna neceſſitate, non ſtatuas tibi diverſorium, in quo ſunt etiam mulieres. In Oecumenico Concilio VII. ſeu Niceno II. decernitur, ne comedant Monachi, aut Sacerdotes cum ſcœminis, quamlibet cognatis, niſi neceſſitas poſtulet, ſic tamen, ut præſentes ſint honeſti viri, ac ſcœminæ (Canon. 21.) Sanctus

Ephraim rationem assignat, cur in eadem mensa Dei servus esse non debeat cum foeminis. Nam Monachum, ait inter epulas cum foeminis versari, idem est, ac se in ignem conjicere, qui autem earum fugit consuetudinem, fugiat tamquam dama a retibus, & velut avis a laqueo. De humil. aquir. Cap. 82.
 „ Recte proinde responsum est fratri ad suos pergenti, „ quærentique, an cum iis edere liceat? cum mulieribus Joannes Subdiac. Lib. 4. Nro 19.
 „ non manduca. Denique vinum & mulieres apostatare „ faciunt Sapientes, dicit sanctus Spiritus.”

§ IX. Sanctus Basilius ingressum ad Monasterium S. Basil. foeminarum prohibet, aditus, inquit, ad Monasteria obstruatur mulieribus, sermone, qui incipit: Homo ad imaginem, & similitudinem Dei &c. Turonensis quoque Concilii secundum decretum est, ne mulier intra septa Monasterii ullatenus introire permittatur, si Abbas in hac parte, aut Præpositus negligens apparuerit, qui eam viderit, & non statim ejecerit excommunicetur (A. D. 567. Constitut. 17.) Patres si quidem nostri variis casibus docti foeminas a viris veluti pestem dimoverunt, gnari nostræ fragilitatis, & vehementiæ passionis, quæ si vel semel nacta est aditum, homo nequit ad Deum respicere, nec aliquid sapere Deo dignum, quidam Sanctorum dixit: Principiis obsta, alioquin concupiscentia, ubi conceperit, parit peccatum. Climac. Grad. 15.

§ X. Dicunt quidam nulla re ita delectari Dæmones, ut libidinis fæctore, qua de causa boni Monachi omnibus viribus involuntariæ etiam passioni, quæ dormientibus contingit, resistunt, vocantes eam socordis animi in-

dicium: libidinosos Monachos sacri Canones acriter castigant. Concilium Aurelianum I. Canon. 23. statuit: Monachus si pellici, vel uxori fuerit sociatus, tantæ præavariationis reus nunquam Ecclesiastici gradus officium forciatur. Canon. 44. Concilii generalis contra Monothelitas est: Monachus in fornicatione deprehensus subjiciatur pœnis fornicantium; satis clementer, quia Monachi fornicatio votifragium adjunctum habet. Synodus sive Augustana, sive Ratisbonensis sub sancto Bonifacio habita severius statuit. Statuimus, inquit, ut quisquis fervorum Dei, vel Ancilarum Christi in crimen fornicationis lapsus fuerit, in carcere pœnitentiam faciat in pane, & aqua: etsi ordinatus Præsbyter fecerit, duos annos in carcere permaneat, antea flagellatus: Si autem Clericus, vel Monachus in hoc peccatum inciderit, post tertiam verberationem in carcerem missus unum annum ibi pœnitentiam agat &c.

§ XI. Sanctus Basilius Monachum, ob carnis lapsum tamquam adulterum puniendum decernit. Quæ enim, ait, Virginitatem professa, a suo promisso lapsa est, peccati adulterii tempus incontinentiæ præscripto complebit. Idem & in iis, qui vitam Monasticam professi sunt, & labuntur. „ Ubi, & de adulteriis: Qui mechus est, ait,

S. Basil. „ per 15. annos Sacramentorum non erit particeps. Qua-
Epist. 3. ad
Amphilo- „ tuor substratus, per duos consistens sine communione,
chium de „ quod si sit etiam in Clerum assumptus ejiciatur a Mini-
Canon. „ sterio. Quod ad Clericos attinet, ait indefinite, Cano-
Tom. 3. „ nes exposuerunt: unam lapsis jubentes pœnam ejectio-
nov. edit.
pag. 178. „ nem

„nem a Ministerio, five in gradu fuerint, five etiam in
 „Ministerio, quod manuum impositione non datur, per-
 „maneat. Virtute Canonis hujus quanti Sacerdotes ab
 „Ara ejici deberent modo? dissimulat Ecclesia, lugetque,
 „sed vœ! vœ! Sacerdoti fornicario, præsertim Jero
 „Monacho!!



I M A G O

V I T A E M O N A S T I C A E

P A R S I I I.

C A P U T I.

D e O r a t i o n e.

§ I.

Sine intermissione orare ait Apostolus. „ Unde sanctus Basilius totam vitam Monachi dicit esse tempus orandi.

- Apostol.
1. Thæsa- „ Non tamen eo sensu accipiendum est, quod mens actua-
lone. C. 5. „ liter absque intermissione ad Deum elevari debeat, id
v. 17. „ S. Basil. „ neque Apostolus intendit, neque status hujus vitæ ad-
Serm. „ mittit. Nam & ad laborandum, & manducandum, & dor-
Ascet. 1. „ miendum egemus tempore, neque gratis panem man-
„ ducamus ab aliquo, id ait Apostolus, sed in labore, &
Apostol. „ in fatigatione nocte, & die operantes, nequem vestrum
2. Thæsa- „ gravaremus. Et sanctus Basilius distribuit tempora pro
Cap. 3. „ S. Basil. „ Oratione habenda. Tam sublime bonum, si posset im-
v. 8. „ Regul. fu- „ petrari, expetendum esset, quia multum valet deprecatio
no. 37. „ Jacobi 5. „ justi assidua. Eloquia Dei meditata, & suaviter decantata
v. 6.

„nutriunt animam, & tuentur. Corpus vero custodiunt.

„Dæmones repellunt, & summam animæ tranquillitatem ge-

„rant.” Verum bene psalere, & orare hoc opus, ne hic la-

bor est. Fratres quidam Abbatem Agathonem interrogabant.

Pater! quæ virtus in conversatione plus habet laboris?

Et dixit eis, ignoscite mihi, quia puto non esse alium

laborem talem, qualem orare Deum, dum enim voluerit

homo orare Deum, semper inimici Dæmones festinant inter-

rumpere orationem ejus ad Deum, scientes, quia ex nulla

re impediuntur, nisi per orationem: Si quidem omnem

alium laborem, quem homo in vita Monastica constitu-

tus assumerit, quamvis instanter, & tolleranter agat, habet

tamen, & possidet aliquam requiem; Oratio autem usque

ad ultimam exhalationem opus est, ut habeat laborem

magni certaminis, ait Climachus. Tam laborioso operi,

quia pauci pro virili se tradunt, hinc nihil proficiunt:

Monachi charitas ad Deum maxime, quo tempore adstat

orationi, deprehenditur: statum tuum oratio manifestat

tibi, hæc enim est Monachi speculum. Sed quis est ille,

cujus mens aliquando non distrahatur cogitationibus alie-

nis? Sanctus Hilarion oravit aliquando fixo in terram

capite, & abducta ab oratione mens nescio, quid aliud

cogitabat, ait sanctus Hieronymus, insilivit dorso ejus

Diabolus, & latera calcibus, cervicem flagello verberans,

eja, inquit, eja curre, quid dormitas? Cachinansque de-

super, si defecisset, an hordeum vellet accipere? fisci-

tabatur? Sanctus Macarius Alexandrinus per quinque dies

absque ulla distractione desideraverat Divinitatem contem-

Ephraim
Epist. ad
Joann. &
de synaxi.
Cap. 5.

Climac.
Grad. de
orat. 28.

S. Hieron.
vit. S. Hi-
lar.

plari, & ultra biduum non poterat a satana distractus, referente Paladio. Odit hic præcipue pias preces Sanctorum. Vere ars artium est interorandum mentem ita figere, ut furtim quandoque non ex spatietur. In hac incessantia solatur nos sententia Climaci. Si dum, oras, inquit, inimicus subtilissime irrepit, animique intentionem clam, ut fur avertit, bono animo esto, dum semper lubricam revocas mentem: Angelis enim solis datum est hujusmodi non patere furibus.

§ II. Ad bene orandum non nihil facit etiam compositio corporis, quanta quiete antiqui Patres Synaribus suis, seu collectis interfuerint? Cassianus ita refert. Cum ad solemnitates, quas Synaxes vocant celebraturi conveniunt, tantum a cunctis silentium præbetur, ut cum in unum tam innumerosa fratrum multitudo conveniat, præter illum, qui confurgens Psalmum decantat in medio, nullus hominum penitus adesse credatur: ac præcipue cum consumatur oratio, in qua non sputum emittitur non excreatio obstrepat, non tulsis interfonat, non oscitantia somnolenta, nulli gemitus, nulla suspiria etiam adstantes impeditura promuntur, nulla vox absque Sacerdotis precem concludentis auditur: illum vero, qui constitutus in tepore mentis, cum clamore supplicat, aut aliquid horum, quæ prædiximus e faucibus suis emittit, dupliciter peccare pronuntiant. 1-mo Quod orationis suæ reus sit, quod eam videlicet negligenter offerat Deo. 2-do Quod in disciplinato suo strepitu alterius quoque, qui intensius orare potuit, intercipit sensum. Alexandro Macædonum Rege

sacrificante Diis suis, dicunt puerulum Barbarum ignem manibus excepisse, & adusto corpore mansisse immobilem, nec dolorem prodidisse gemitu. Tanta fuit in puero disciplina reverentiæ, ut naturam vinceret. Attamen si necessitas secum fert flegma de pectore ejiciendi, id fiat, adlatus, & illico pede conculcetur, ne aliis nauseam pariat, aut strophio excipiatur.

§ III. Quomodo se quisque in toto orationis progressu habere debeat, ut eo perfectius oret: sequens aurea regula proponitur a sanctis Patribus. „ Facto signo pro Offi-
 „ cio Divino dimittas omnia, quæ erunt in manibus tuis, &
 „ primus esse in Choro semper contendas tam nocte,
 „ quam die. Exiens e cella fores sine strepitu apperi,
 „ & claude; In cantu non frangas vocem, aut foemi-
 „ neis accentibus aliis te dulciter canere ostentes, sed vo-
 „ cem tuam in fortitudine spiritus exaltans, Deum tuum
 „ laudare satagas. Non adhæreas humeris ad sedilia,
 „ sed stans viriliter genibus junctis, & pedibus, nec tibias
 „ supra genua, neque pedem super pedem reponas. Cum
 „ sederis pedem ultra simbriam non extendas, non suspi-
 „ res ibi, fileas, non legas alta voce dum tacent alii. Non
 „ gemas, aut pectus ibi percutias immoderate, quia Hy-
 „ pocritarum hic mos est. Inolina, & erige te uniformi-
 „ ter cum aliis, semper cum sedendum est, tu sis ulti-
 „ mus, & primus in surgendo. In Choro non loquaris,
 „ non rideas, non sis vagus, & curiosus, sed semper aspe-
 „ ctus tui defixi maneant ad pedes tuos, ne in ullo ob-
 „ tutum Angelorum offendas. Cum ibidem errores con-

„ tigerint, tu neminem corrigas, sed quietus persevera.
 „ Cum strepitus aut rumor acciderit, tu non eo statim oc-
 „ culos volve, sed semper in eodem statu perseveres, non
 „ sis inquietus, & strepitosus. Si nasi, aut pectoris indi-
 „ ges purgatione, tam discrete perage, ne aliis nauseam
 „ crees. In auribus, aut naribus non figas digitos, neque
 „ tibi dentes purgaveris, hoc enim valde indecorum est.
 „ Si pruritu corporis stimulatus fueris, caute manum
 „ admove. Sine urgente necessitate non recedas ab offi-
 „ cio divino, in fine defectus tuos examina." Tam vi-
 gilans morum compositio non facile distractiones mentis
 admittet.

§ IV. Modi orandi varii sunt; Apostolus docet le-

^{1. Tom. 2.}
^{v. 8.} vare puras manus in oratione. „ Ideo vero levamus ma-
 nus, quia petimus a Deo, quæ de cœlis, & cœlestia sunt,

S. August. ait sanctus Augustinus. Nudo capite solent orare viri,
 Con. 14.
 Psal. 118. quod requirit idem Apostolus, & a primis Christianis

Tertull. observatum semper fuisse, Tertullianus ait: Idque infi-
 Apol. ad-
 vers. gent. gnium reverentiæ, humilior adhuc orandi modus est fle-
 Cap. 30. ctere genua, manibus cedere pectus, & faciem humi
 adversus
 Marc. 18. volutare, collidereque frontem in terram, quos modos

S. August. agnoscit etiam sanctus Augustinus. Attamen die Do-
 Lib. de cu-
 rapro mor- minico, inquit Tertullianus, jejunium nefas ducimus,
 te Cap. 5. vel de geniculis adorare (de coron. milit.) Sanctus Au-
 Lib. 2. 9. 4.
 & simpl. & gustinus quoque a stantibus orari, & Alleluja cantari vult
 ferm. 4. de
 S. S. C. 5. die Dominica." Et Cassianus hoc quoque ait, nosse de-

S. August. bemus a vespera Sabbati, quæ lucefcit in diem Domini-
 Epist. 119.
 Cap. 15. 17. cum ad Vesperam sequentem apud Ægyptios genua non

curvari, sed nec totis quidem quinquagesimæ diebus, quibus tempus Paschale concluditur, cujus rationem deducit ex memoria Resurrectionis Domini. „Antiquitus fideles interorandum convertebant se ad orientem.” Cassian. Collat. 21. Cap. 12. Causam dat Cyrillus Hierosolimitanus, ut nempe cogitarem nos re- Tertull. Apol. ad vers. gent. Cap. 16. verti velle eo, quo abjectus est Adam, ad paradysum in plaga orientali situm, juxta sanctum Clementem, ut ad orientem versis vultibus staremus. Cantare in Ecclesia Antiphonas, Psalmos, & Hymnos Choris alternantibus, ait Socrates esse a sancto Ignatio Apostolorum discipulo, & Episcopo Antiocheno. Hic, inquit, visionem vidit Angelorum sanctam Trinitatem Hymnis alterna vice decantatis collaudantium, & formam canendi in ea visione expressam, Ecclesiæ Antiochenæ tradidit, unde illa traditio in omnibus Ecclesiis recepta est. Socr. lib. 6. Hist. Cap. 8. Quem morem persecutionum tempore interruptum per Flavianum, & Diodorum fuisse restauratum, ex Theodorecto constat. Theodor. Lib. 2. Hist. Cap. 24.

§ V. Cum Zelo, & fervore oportet orare, qui tepide orat, ejus vana est oratio, & fit sine efficacia. Petimus, & non accipimus, quia frigide, & languide petimus. Venit quidam senex in montem Sinai, cui frater occurrens cum dolore dicebat, affligimur Abba propter siccitatem: cui senex; Quare, inquit, non oratis pro pluvia Deum, & oramus, & precamur assidue Deum; respondit ille, & non pluit, sed non oratis attentius, ait Senex, vis autem scire, quia ita est? Veni, stemus pariter ad orationem, & extendens in Cœlum manus oravit, &

statim pluvia descendit. Exempla fervidæ orationis multa occurrunt. Abbas quidam, ait Pellagius, fervorem orationis fratribus demonstraturus expandit manus suas in Cœlum, & facti sunt digiti ejus velut decem lampades ignis; Senior quidam invisit alterum: Cum autem ante refectionem solitas preces simul incepissent, in spiritu ita exarserunt, ut obliti refectionis totum absolverent cantando psalterium, & duos integros Prophetas recitarent, intereaque non modo dies, sed & nox præteriit, sicque alter jejunos, ut venerat, recessit, & tunc alter recordatus est ollæ suæ, in qua lentes cocxerat.

§ VI. Tametsi quovis tempore, ac loco orare homo

Lucæ 18. poterit, imo juxta Christi consilium oportet semper orare,
v. 1. & non deficere. Attamen ab initio Ecclesiæ statuta, & observata sunt a fidelibus maxime a Monachis, & Ecclesiasticis certa precandi per diem naturalem tempora: ut noctis medium, matutinum, hora prima, tertia, sexta, nona, vespertinum, & finem diei artificialis. Octo igitur sunt designata pro oratione tempora: unum media nocte. Septem per diem artificialem sanctus Benedictus distribuit ex psalmista: Septies in diem laudem dixi tibi." Cui consentit sanctus Ephraim, dicens: Septies in die ora, sicut a filio didicisti Isai (in Cantico suo) Ubi matutinæ preces cum vigiliis nocturnis conjungebantur, ut nunc fieri solet. Septies in die laudem dixi, intelligitur dies naturalis continens 24. horas. Nocturnæ preces, quæ vigiliæ dicuntur ex psalmista originem habuerunt dicente: „Media nocte

Pfalm.
118. Cap.
164.

„ nocte surgebam ad confitendum tibi, ut innuit sanctus
 „ Benedictus. Earum meminit sanctus Cyprianus dicens: S. Bened.
 „ In nocturnis quoque tenebris orandum. Et sanctus Hie- ^{Pfalm. 118.}
 „ ronymus ad Demetriadem ait: Media nocte orandum. ^{S. Cy.}
 „ Matutinæ preces, seu laudes desumptæ sunt ex eodem ^{prian. Lib.}
 „ psalmista, ut Calsianus docet, dicens: Deus Deus meus, ^{de discip.}
 „ ad te de luce vigilo. Et in matutinis meditabor in te? ^{& habit.}
 „ Idem prævenerunt oculi mei ad te diluculo (psalmo 118. ^{Virg. S.}
 „ v. 148.) Nam & mane orandum est, ut resurrectio Domini ^{Hieronym}
 „ matutina oratione celebretur, ait sanctus Cyprianus (Lib. ^{Epist. 8. &}
 „ de discip. & habit. Virg.) ^{24.}
 „ ^{Calsian.}
 „ ^{L. 3. Instit.}
 „ ^{Cap. 3.}
 „ ^{Pfalm. 62.}

§ VII. Horæ primæ Canonicae mentionem veteres raro faciunt, quia non erat apud omnes in usu, & distinctis vigiliis a matutino numerus septenariæ orationis per diem naturalem absque prima etiam hora completur. Verum quia officio matutino completo, multi usque ad tempus horæ tertiæ dormire solebant, ferventiores statuerunt, ut fratres oriente sole, hoc est, hora prima ad orandum convenirent, ac tres psalmos cum orationibus tempori accommodatis recitarent, ut in reliquis horis consuetum est: Ita Calsianus.” Horæ tertiæ, sextæ, nonæ meminit sanctus Clemens, Tertullianus, Cyprianus, & sanctus Hieronymus cum aliis. Eas inde ortum habuisse refert Calsianus, quod hora tertia Spiritus Sanctus missus fuerit, sexta Christus crucem conscenderit, ac sancto Petro vocatio gentium demissione lintei ostensa fuerit. Nona obdormitum Christi ad inferos, & quod eadem hora Cornelio

prædicta fit vocatio gentium, & Petrus, ac Joannes in templum orandi causa ascenderint, atque hinc Cyprianus ait: Horam tertiam, sextam, & nonam jam in Ecclesia antiquitus ad preces esse distributas, quibus adjungit vesperas, dum ait, recedente sole esse orandum, quod & sanctus Ephraim facit (de beatit.) sanctus Hieronymus, & alii. Ansam dedit vesperarum sacrificium vespertinum cunctis diebus apud Hæbreos celebratum, & incruentum illud Christi Domini sacrificium cœnantibus Apostolis, ut narrat Cassianus. Superest adhuc complectorium, quod diem, & officium Divinum claudit, & complet. Fit enim dic cessante, & quidem necessario, ut sanctus Cyprianus ait: Cassianus hanc horam lucernalem appellat, unde ejus preces lucernales ab Epiphanio, & lucernaria gratiarum actio (de Spiritu sancto). Et a sancto Chrysostomo lucernarum officium nuncupatur." Denique in Oecumenico Concilio VI.

S. Basil.
de S. San.
Cap. 29. Ne genua, inquiunt Patres, a vesperis Sabbati flectantur usque ad completorium Dominicæ (Canone 9.)

§ VIII. De vigiliis Monachorum, ait sanctus Basilius: Quod aliis est tempus matutinum, id pietatis cultoribus

S. Basil.
Epist. 1. ad
S. Gregor.
prope fin. sit media nox." Cum maxime nocturna quies otiam animæ largiatur, neque oculis, neque auribus quidquam visu, aut auditu exitiosum, in cor immittentibus; sed mens sola per se cum Deo versatur, & per memoriam delictorum se ipsum corrigit, sibi quæ terminos ad declinandum malum præstituit. Noli putare o homo! ait sanctus Isaac Monachus, quod inter omnes operationes Monachorum sit alia quælibet sancta conversatio major vigiliis nocturnis,

qui-

quibus citissime perveniat, volet, & exaltetur mens in dilectione Dei (de contemptu mundi Bibl. P. P.) Sanctus Cyrillus summopere quoque laudat nocturnas synaxes propter aquirendam Divinam sapientiam, meditationes, lectionem, contemplationem sacrae scripturae, psalmodiam, orationes, & compunctionem (Catechesi 9.) Hinc sanctus Ambrosius ait: „Væ mihi! si non media nocte surexero ad confitendum tibi.” Et sanctus Ephraim ait: „Somnus si plus quam hymnus ametur Monachi mors est.” Quam longè recessimus ab antiquis vestigiis? Leo IV. præcipit, ut omnes Sacerdotes, & Præsbyteri ad horas nocturnas omni nocte surgerent (Homil. de cura Pastor) Concilium Carthaginense IV. privat stipendiis Clericum, qui excepta infirmitate de est, A. D. 398. Canon. 49. Gravisime Lubdunense II-dum Clericus, inquit, qualiscunque, ubicunque fuerit, & Ecclesia sit, & ad quotidianum psalmodiæ sacrificium matutinis, vel vespertinis horis non interfit a Clero deponatur, si contumax sit) A. D. 570. Can. 63.) Et non solum Ecclesiastici, verum etiam Laici viri, & foeminae noctu surgebant ad preces, & nocturno, matutino, & vespertino tempore ad Ecclesiam confluebant (Sanctus Ephraim homilia de festis). Et fatetur sanctus Basiliius populum a media nocte usque ad meridiem in Ecclesia suam præsentiam expectasse.” Cæsiani adhuc temporibus per totum Orientem vigiliæ, seu collectæ nocturnæ incipiebant feria sexta ad vesperam, durabantque tota nocte, atque hoc fiebat in memoriam illius noctis, qua consertiati Apostoli ob mortem Domini manebant per

S. Ambrosius lib. 2.
Cap. 3. in
Lucam.

S. Basilii
in Psalm.
114.

vigiles. Vix itaque ea nocte fratres duabus horis dormiebant, id ipsum faciebant die Dominica; hinc Monachi illis duobus diebus non jejunabant, sed prandebant propter lassitudinem vigiliarum jejunio quinque dierum in hebdomada constanter observato” Quæ sacra consuetudo a tempore Apostolorum in usu erat.

Cassian.
Lib. 3. Inft.
Cap. 89.

§ IX. Sciens Dæmon nostras collectas, ac preces Monachorum Deo esse gratissimas, omnia tentat, ut eas odiosas per nostram negligentiam ante Deum efficiat, hinc unum a Choro penitus detinet, alterum elicit, tertium serius adire facit. In Choro hunc reddit distractum, illum inertem, alium properantem, multisque in his omnibus defectibus suggerit in peccantiam.

§ X. Nonnulli sero ad orationem comparent. Pessimum hoc Religionis indicium est. Sanctus Basilus statuit, ut nisi quis alacriter accedat ad psalendum, aut corrigatur, aut expellatur, ne modicum fermentum totam massam corrumpat. „ Et neque discedas, inquit idem, ante finem orationis unquam reputans discessum, talem gravem jacturam (Serm. de abdic. rer.) nec quisquam personam Judæ proditoris de Cœna Domini ante tempus exeuntis, melius repræsentat, quam is, qui ante finem a collectis discedit. Totum hoc opus a Satana est, cujus vires nostris defectibus crescunt. Quod judicium manebit illos, qui levi etiam de causa a collectis se penitus subtrahunt. Hac de re dicam vobis aliquid admirandum, ait sanctus Dorotheus, quod a magno sene quodam illuminato audiivi, cum staret is in Ecclesia in principio psal-

S. Basil.
Reg. brev.
281.

psalmodiæ vidit quemdam egredi e sacrario candida veste indutum, qui tenebat vasculum quoddam aquæ benedictæ cum aspergillo, & intincto in vasculum aspergillo fratres omnes circumibat, obsignans quemlibet eorum, absentium autem loca nonnulla quidem obsignabat, quædam vero præteribat. Sub finem rursus vidit ipsum a sacrario egredientem, idemque similiter facientem. Quodam die ergo Senex ipsum comprehendit, seque ad ejus pedes projecit! postulans ab eo quisnam esset, & cur ista faceret? Cui ille Candidatus sic respondit: Ego sum Angelus Dei missus ad hanc congregationem, ut hujusce modi signo munirem eos, qui a principio psalmodiæ usque ad finem pro sua alacritate, & diligentia, & insigni animi proposito in Ecclesia reperiuntur, ac perseverant. Tum Senex ei; qui sit, inquit, ut quorundam etiam absentium loca signes? Cui sanctus Angelus respondit dicens: Quicumque ex fratribus diligentes quidem prompto sunt animi proposito, sed ob aliquam necessitatem, aut infirmitatem absunt cum Patrum benedictione; aut certe ex obedientiæ præcepto occupantur, propter quod non adsunt, hi etiam absentes signum suum accipiunt, quandoquidem affectu psalentibus interfint: solis autem iis, qui cum adesse possunt, propter negligentiam absunt, hujusmodi signaculum negare jussus sum, quoniam se ipsos eo indignos reddiderunt.

S.Doroth
doctr. 11.

§ XI. In Cathalogo regularium pœnitentiarum apud Pachomianos musitans, gariens, ridens, sub Psalmis, oratione, lectione debebat solvere cingulum, & inclinata cer- vice manibus ad inferiora deprexis stare ante altare, ve-
niam

niam postulare, ac promittere emendationem, sustinere-
que increpationem a præposito. Dormiens sub ratione con-
fessim jubebatur stare tamdiu, quamdiu Præsidi placuisset.
Oratio dissolutorum foetet coram Deo, de qua id dici
potest, quod olim de sacrificiis, & oblationibus Judæo-
rum per Deum dictum est: Qui immolat bovem, quasi
qui interficiat virum, qui mactat pecus, quasi excerebret
canem; qui offert oblationem, quasi qui sanguinem suil-
lum offerat: qui recordatur Thuris, quasi benedicat idolo
(Isaii Cap. 26. v. 3.) Iniqui sunt cœtus vestri, Calen-
das vestras, & solemnitates vestras odivit anima mea:
Facta sunt mihi molesta, laboravi sustinens. Et cum ex-
tenderitis manus vestras, avertam oculos meos a vobis,
& cum multiplicaveritis orationem, non exaudiam: Ma-

Idem Isai-
nus enim vestræ sanguine plenæ sunt, lavamini?
Cap. 1. v.
13. 14. 15.

§ XII. Præcipit Apostolus, ut nosmet ipsos doceamus, & commoneamus in Psalmis, Hymnis, & Canticis spiritualibus in gratiâ cantantes in cordibus nostris Deo.

Coloss. 3. Ab exordio Ecclesiæ fideles habuerunt Hymnos, & Cantica spiritualia, quæ populus in Ecclesia cum Clero can-

S. Hieron. tabat. „ Teste sancto Hieronymo.” Quod postea in Lao-
Præfac. dicenſi Concilio Cap. 15. abrogatum est, sanctione facta,
Epist. ad ut de cætero solus Clerus cum cantoribus tacente plebe
Gallat. cantaret, ne scilicet imperitia vulgi suavitas cantus dis-
Lib. 2. turbaretur. Cum autem negotium Angelicum sit, Deo
laudes cantare, hinc solliciti majores nostri, ut cantus in
Ecclesiis recte, & ordine perageretur, Scholas instituerant,
in quibus cantus studiose disceretur. Unde adhuc in Ec-

clesiis Cathedralibus durat Officium Cantoris, cujus con-
dam erat juventutem in Cantu instruere, Cantumque in Ec-
clesia regere; Cantus suavis compunctionem animæ ad-
fert: Quantum flevi, inquit sanctus Augustinus in Hymnis, S. Augult. Lib. 9.
& Canticis tuis, suave sonantis Ecclesiæ tuæ vocibus com-Confes.
motus acriter! Voces illæ influebant auribus meis, & Cap. 6.
elliquebatur veritas tua in cor meum, & ex ea estuabat
affectus pietatis, & currebant lachrymæ. Verum cum
mihi accidit, idem ait, ut me amplius cantus, quam res, Idem lib. 10. Confes.
quæ canitur, moveat, pœnaliter me peccasse confiteor, Cap. 33.
& tunc mallet non audire cantantem.

CAPUT II.

De Sumptione Eucharistiæ.

§ I.

Primi Christiani quotidie communicabant: Si quotidia-
nus est panis, inquit sanctus Ambrosius, cur post an-
num illum fumis? accipe quotidie. De Romanis sanctus S. Am- brof. lib. 5. de Sacram
Hieronymus ait: Scio Romæ hanc esse consuetudinem,
ut fideles semper, nempe omnibus diebus, Christi Corpus
accipiant, quod nec reprehendo, nec probo, unus quis
enim in suo sensu abundet. „ Monachis olim vehementer S. Hiron. Epist. 28.
„ suadebatur quotidiana Communio; qui enim se ab ea pro-
„ cul amovet, Deus quoque procul ab eo discedi.” Crescente Pallad. Cap. 52.
postea numero Monachorum sub sancto Antonio, & Pa-
thomio quotidiana fratrum Communio etiam cessavit, &

Sezomen non nisi primo, & ultimo Hebdomadis die, dicti fratres
 Lib.3.Hist. communicabant. „Id ipsum de Monachis Palestinæ, &
 Cap. 13. Calsian.3. Mesopotaniæ tradit Calsianus.” De Ponti, & Cappadotiæ

Instit. 2. scribit sanctus Basilius: Nos, inquit, quater singulis hebdomadibus communicamus Dominica die, quarta die, in Parasceve, & Sabbato; aliis item diebus, si sancti alicujus memoria recolatur. Ad Cæsariam Patriciam (de commun.)

Basilius
 Epist. 93.
 alias 289. § II. Omnes in solitudinibus Monachi, ibidem ait sanctus Basilius, ubi non est Sacerdos, communionem domi servantes suis ipsorum manibus sumunt. Alexandria autem & in Ægypto unus quisque etiam de plebe, ut plurimum habet domi communionem, quando vult per se ipse fit illius particeps. Postquam enim Sacerdos sacrificium absolvit, ac porexit, qui illud, ut totum simul accipit, is dum quotidie participiat, merito credere debet se ab eo, qui dedit, participare & accipere.” Id
 S. Basil.
 Epist. eademXCIII. potissimum temporibus persecutionum fiebat, dum publici
 ad Cæsariam. conventus, & sacra Mystéria celebrari non poterant. Hæc consuetudo etiam cessante persecutione aliquandiu fiterat superstes (Baron. A. D. 57.)

§ III. Communicantes a celebrante propriis manibus in formam crucis cancellatis accipere, orique admove-
 Ruffin.
 Lib. 1. solebant Eucharistiam, ita testantibus Ruffino”) Sancto
 Cap. 29. Ephraim contr. Negan. Resur.) ac aliis, eo cum discrimine: Mulieres nitido lintulo manus cooperientes, viri vero nudis manibus Corpus Christi a Sacerdote excipiebant (Concil. Altifiodorense Can. 33. & 101.) utrique conscientiam nitidissimam habentes. Neglectus sacræ communio-

nis a sanctis Patribus nunquam fuit probatus, & Satanas idcirco nactus potestatem in foeminam quamdam, teste Palladio, quod per quinque hebdomadas non communicaverit, quid mirum igitur, si mala nos undique premant, cum non sine dedecore respectu temporum priscorum Laicis præcipi debuerit, ne per annum saltem non minus, quam ter communicarent (Concil. Turon. 3. Cap. 50. A. D. 813. Clem. ne in agro §. sanct. lib. 3. titto.) Et Religiosis a Clemente Maximo mensrua communio.

Pallad.
Cap. 21.

CAPUT III.

De Esca Monachorum.

§. I.

Quibus cibis Monachi vesci debeant, sanctus Basilius in variis locis exponit: „Veri, inquit, Ascetæ alimento „siccissimo utuntur, & comedunt semel per totam diem. „In cibo panis explebit necessitatem, aqua sedabit sitim recte valenti: quibus accedent quæcunque ex leguminibus pulmenta corpori vires ad necessarios usus conservare possunt (Epist. 1. alias juxta novum ordinem 2.) cum panis cor hominis confirmet, quid opus est condimentis.” Itaque sanctus Antonius præter panem, & sale ad victum nihil accipiebat (in vita S. Antonii). Et sanctus Hilarion per triemum aliud nihil gustavit, quam panem aridum cum sale (vit. S. Hilar.) Sanctus Palemon hanc Diætam nec in die resurrectionis mutare voluit.”

S. Basil.
Constit.
Cap. 6.
prope fin.

Lib. de
Virg. edit.
Venet.
Tom. 3.
pac. 329.

Vit. S.
Pachom.
Cap. 8.

Scipuli jejunaturi ad cellam solummodo deferebant panem, salem, & aquam, quo victu Zacheus utebatur perpetuo."

S.Hieron. Præfat. ad Regul. S. Pachomii vit. S. Pachom. Cap. 52. Adque communis hæc primorum Monachorum refectio fuit, (Ruffin. Lib. 1. vit. P. P. Cap. 27.) Sanctus Basilii ad panem neque salem adhibuit, dicens: Ad libidinem nihil magis concitare, quam salem (de Virg.) Sufficit igitur si panis sale in coctione condiatur.

§ II. Panes autem, quibus vescabantur Monachi, duri erant, sicci, bis cocti, & idcirco prius aqua macerati. Jesum testor, inquit sanctus Hieronymus, & sanctos Angelos ejus, in ea Eremi parte, quæ juxta Syriam Saracenis jungitur, vidisse me Monachos, de quibus unus per 30. Annos clausus hordeaceo pane, & lu'ulenta aqua vi-

S.Hieron. Epist. 9. & in vit. S. Pachom. Cap. 5. xit." Et alii quam plurimi simili pane hordeaceo cineribus consperso vitam sustentabant. Nonnulli pane furfureo utebantur. Et eo corrupto, ac vermibus scatente. Denique apud Scetenfes Anachoretas nefas erat manducare panem cum sale ex jusculo aquæ etiam crudæ."

Pellag. refert lib. 4 Nro 10. Tantum abstinentiæ rigorem nauseamque deliciarum hi Ægyptii Monachi a suis, ut credi pars est, acceperere majoribus, apud quos olim etiam in conviviis a voluptatibus

Herodot. Lib. 2. cavebatur, teste Herodoto." Circumferebatur enim imago mortui hominis e ligno fabrefacti, & exhibebatur singulis cum hoc dicto: In hunc intuens pota, & oblectare, talis post mortem fies.

§ III. Inferiores ventri hostes panem non libris, sed unciiis ponderabant, sanctus Macarius Alexandrinus cujusdam Monachi unam tantum panis libram per diem

man-

manducantis volens abſtinentiam transcendere; quinque ſolum unciarum fruſtillum comedere ſolebat quovis die."

„Libra vero continet 12. uncias, qualem libram ſanctus Pallad.
Cap. 22.

Benedictus per diem ſuis Monachis præſcripſit: „Panis libra, inquit, una per diem, ſive ſemel, ſive bis comedatur." Regul.
Cap. 39.

Multi ſolis oleribus, leguminibus, fructibus, aut radicibus abſque pane vitam ducebant. Antiochus Eremita referente Georgio Præſbytero 30. annis panem non guſtavit contentus crudis oleribus cum ſale, & aceto, vinum, & oleum a 60. annis ignorabat."

Et omnis multitudo Monachorum circa Jordanis ſolis victitabat oleribus, & dactylis. „Sanctus Baſilius in cibum ſumit olerum folia, eſcam pauperimorum: Ciborum noſtrorum, In vit. S.
Theodori
Siceotæ.

inquit optimi quibus affluimus, herbarum folia ſunt cum pane aſperrimo (Epift. juxta novum ordinem 41. alias juxta veterem 208. & 209. ad Julian. Apoſtat.) Unde ſanctus Joannes Eleemoſinarius: „Quanti, inquit, deſiderant ſaturari de foliis olerum, quæ projiciuntur de coquina mea?" Theod.
Cap. 17.

Sic ſanctus Macarius per quadrageſimam cibavit ſe ſolis braſſicæ foliis crudis, quæ dumtaxat diebus Leont. in
vit. Cap.
20.

Dominicis accipiebat." Pallad.
Cap. 22.

§ IV. Verum vetus quorundam Monachorum querimonia eſt; legumina ventofa ſunt, caſeus ſtomachum gravat, lac capiti nocet, potum aquæ non ſuſtinet pectus, piſces de ſtagno, aut de lutofa aqua meæ penitus complexionem non congruunt. Sed ad hæc quid reſpondet verus Aſceta? Quale eſt hoc? Ut in totis fluviis, agris, hortisque reperiri vix poteſt, quod comedas? puta te Mo-

nachum esse, non medium; nec de complexione judicandum, sed de professione. Parce obsecro, primum quidem quieti tuæ, parce deinde labori ministrantium, parce gravamini domus, parce conscientiæ, conscientiæ dico non tuæ, sed alterius, illius videlicet, qui prope sedens, & edens, quod sibi apponitur, de tuo singulari jejunio murmurat. Ad hæc addi potest, communiter eos in mensa murmurare, qui de extrema sæculi paupertate venerunt, aut qui nec ea, de quibus conqueruntur, in sæculo habere potuerant, convivium itaque Monachi constans ex leguminibus, & oleribus melius est adipe victimarum, ait sanctus Ephraim (Paren. 1.) Hinc quidam Poeta dixit: Ordo cuculatus posset satis esse beatus. Si biberet flumen velletque adamare legumen.

§ V. In usu olei Patres erant parcissimi, ubi quidpiam legitur de oleo, de eo addi solet „modicum.” Et quomodo non modicum? si quidem cuivis Anachoretae Sextarius olei per annum suffecerit.”

Cassian. colat. 19. Cap. 6. Severissimi in corpus suum fugiebant oleum, tamquam incentivum libidinis, unde solum senes, vel infirmi illo utebantur.

§ VI. Præter fructus arborum varii generis, nonnulli etiam usi sunt lacticiiniis, lacte, caseo, & ovis. Alii ab hisce simpliciter abstinerunt cum Ethnicis Sacerdotibus, excepto casu infirmitatis; quia hæc de cibis lautioribus erant; cibus Monachorum etiam pulmenta erant juxta

S. Hieron. Lib. 2. contr. Jo. vin.

Cassian. Lib. 4. Instit. Cap. 21. Cassianum.” De his ita decernit (Reg. Cap. 39.) sanctus Benedictus: Sive semel, sive bis comedatur, dantur duo pulmentaria, ut si quis non potest comedere unum, ha-

beat

beat alterum, si poma aut nascentia legumina fuerint, ad-
datur tertium. Hæc pulmenta sine pane erant, ut tradit
sanctus Ephraim. „Deinde quidquid vile erat, conjicie-
batur ad ollam, & coquebatur. Erant autem hæ spe-
cies, olei gutta, aquæ copia, milium, aut farina, non
tamen de filigine ad ignem apposita.” Sanctissimi tamen
viri nec pulmenta accepissent unquam, nisi naturæ imbe-
cillitas Xerophagiam eos dimittere coegisset. Hæc so-
lum apud probatissimos Monachos pulmenta invexit, in
quibus tamen nihil gratum, nihil quod delicatum cerne-
batur.

S. Ephra.
Paren. 8.

Paul.
Epist. 3.
adver.

§ VII. Inter præcipua Monachorum exercitia erat
abstinere ab animatis, interque etiam pisces intelliguntur.
Laudat hoc Tertullianus.” A sancto Joanne Baptista hoc
studium cœpit, ut nonnulli putant; absit, ut carne locu-
starum se paverit, qui nec pisces comedit, quos de Jor-
dane facile habere potuisset, juxta sanctum Augustinum.
„Jacobus frater Domini similiter ab omni vivente absti-
nuit (Egesippus) sed quid hoc mirum. Id ipsum etiam fe-
cerunt Sacerdotes Isis, & quidem causa castitatis.” Pisces
etiam inter accensiva libidinis recenset sanctus Hieronymus.
Eorum abstinentia erat inter communia exercitia Mona-
chorum (idem Epist. 13.) Horum primi fuerunt Essæi, quibus
nihil cedebat in cibum, quod sanguine vivebat.
„Sanctus Epiphanius, sancto Hilarioni ad mensam suam
constituto quidpiam de avibus allatum porrigebat, cui Se-
necio reponit: Ignosce mihi Pater; quia ex quo accepi
habitum istum, non manducavi quidpiam occisum.” Hoc

Tertull.
in lib. de
cultu mu-
lierum.
Cap. 9.

S. August.
serm. 65.
tem.

Clem.
Alexandr.
Lib. 7.
Strom. S.
Hieron.
Epist. 25.

Euseb.
Lib. 2. Inf.
Cap. 17.

absti-

S. Gregor.
Nyffe. Pel-
lag. libell.
4. Nro 15.

abſtinentiæ ſtudio amplexus ſanctus Baſilius, ceſſat, in-
quit, apud nos coquorum ars, nec eorum culter ſangui-
nem attingit: Cibi apud nos optimi herbarum folia ſunt,

S. Baſil.
Epiſt. 2008
alias 41.

cum pane aſperſo, & vino aceſcente." Itaque plurimi
licet Monachi ob ſui mortificationem a piſcibus ſe con-
tinebant, non pauci attamen iis utebantur. Qui non ſunt
tantæ delicatiæ, & virtutis ad inflammandam carnis concu-
piſcentiam, ut caro bubulina. Hinc Syri piſces mandu-

Proverb.
fol. 515.

cabant, ut ex ſancto Ephraim apparet." Naucrati ſan-
cti Baſilii frater in Ponto artis piſcandi peritus ſua piſca-
tione alebat complures Monachos, ſenio, & egeſtate la-

S. Gregor.
Nyſſen.
vita S. Ma-
crinæ.

borantes ad fluvium Iridem. „Id quoque de Monachis
Ægypti ex Caſſiano conſtat Lib. 4. Inſtit. Cap. 22.

§ VIII. A carnum eſu Monachi ſemper abſtinere ſo-

lebant: Caro, & vinum propter nimium calorem, quem
excitant, Monachis non eſt in uſu, ait Theodoretus ſer-
mone de charitate. Et ſanctus Ephraim: Cave, inquit,
carnis eſu, potuque vini delecteris, ne mens tua inutilis

De vita
ſpirit. fol.
48.

reddatur ad dona ſpiritualia ſuſcipienda." Sanctus Baſi-
lius in carnes ſingulariter invehens: Quorum, inquit, cada-
vera proſtrata ſunt in deſerto? Nonne eorum, qui eſum
carnium ſagittabant, illi donec erant contenti Manna, pane
cœleſti: & aqua de petra fluente, ſuperabant Ægyptios,
per mare faciebant iter, poſtea quam recordati ſunt car-
nium ollas, & deſiderio reverſi ſunt in Ægyptum, non vi-
derunt terram repromiſſam, non metuis exemplum?" Pave-

Homil.
1. de jeſu-
nio.

runt plurimi ad exemplum iſthoc, qui quia cœleſtis ſapient-
iæ ſtudio, puritatisque, atque mortificationis ſummæ

car-

carnis usum, nisi in infirmitate, non admittebant, a discipulis Christi hoc studium profluxit, ait Eusebius Pamphili, qui cum essent pii, Philosophicique Magisterii adorare succensi, amplexati sunt vitam duram, & molestam jejuniis, & abstinentiam Vini, & Carnium. „ Sanctum Matheus, & thæum in cibum sumisse semina, olera, & acrodrya, refert sanctus Clemens Alexandrinus.” Non Monachi soli Apostolorum sectatores, sed etiam homines sæculares reperiuntur, qui ut carnem suam frenarent, ac delectationem, & gulam comprimerent, quæ carne, & vino solet rabidius, immoderatusque raptari, teste sancto Augustino, a carnibus, & vino abstinerunt, ex doctrina sancti Pauli dicentis: Bonum est fratres non manducare carnem, neque bibere vinum. „ Observandum hic Monachos non damnare carnes cum Manicheis dicentibus: Omnem carnem immudam esse.” Eos damnant, ut Hæreticos Monachi, & dicunt cum Apostolo: Omnis creatura Dei bona est, & nihil rejiciendum, quod cum gratiarum actione percipitur; sanctificatur enim per verbum Dei, & orationem (1 Timoth. Cap. 4. v. 4. & 5.) Et ideo sanctus Basilii ait: Nullum cibum esse rejiciendum, tamquam abominandum; omnia enim mundis munda sunt.” Recte igitur quidam Monachus dixerat: „ Non ex observantia superstitiosa repudio esum carniū: Omnis enim creatura Dei bona est; sed quia scriptum est, non conducunt imprudeti, atque insipienti deliciæ. Insolentia, & immodestia est Monacho vesci carnibus.” Gravis sententia hæc, verum si sacerdotes Iſidis in memoriam revocamus, qui

Euseb. demonstr. Evang. Lib. 3. Cap. 7.

S. Clemens Lib. 2. Pedag. Cap. 1.

Rom. 14. v. 21.

S. August. Lib. 16. contr. faustum Cap. 31.

S. Basil. Reg. fusior 18.

Proverb. 19.

quod divinis, ut putabant vacaverint, ab esu carnum, ovorum, & lactis, item a potu vini abstinebant, panem raro comedentes, oleumque ad sola olera adhibentes, non puto quempiam ægre ferre posse, qui se ex asse Deo vero consecravit. Inter impedimenta Monachismi computatur apud Græcos: Non posse a carnibus abstinere, & ideo Glycys ad Patriarchatum Constantinopolitanum evectus, eum de more Monasticum prius habitum expeteret, is ei concessus non est, quod ex sententia medicorum a

Niceph. carnibus abstinere propter certum morbum non posset. Sic Monachismus, & carnis comestio apud Monachos repugnantia sunt.”

Græg.
Lib.7.Hist.
Rom.

§ IX. Vinum Monachis in usu non est, ait Theodoretus (serm. de charitate). Et sanctus Hieronymus de cibis, & potu, inquit, Taceo, cum etiam languentes frigida aqua utantur, & coctum aliquid accepisse luxuria sit.

S.Hieron.
Epist. 22.

„ Monachorum item legislator sanctus Basilius in sermone de disciplina Ascetica: Quomodo Monachum ornari oporteat, ita præcepit: ante omnia oportet abstinere Monachum a congressu mulierum, & a vini potu: quoniam vinum, & mulieres appostatare faciunt sapientes: & calor ex vino proveniens accendit ignita jacula inimici, vinum enim rationem submergit, & mentem, itemque cupiditates ac voluptates inflammat, perinde atque oleum flamam accedendi.”

S. Basil.
in caput
S. Isaia.

§ X. Attamen Monachi veteres, etiam ne pro Manicheis, aliisque Hæreticis haberentur (qui vinum ex natura censebant abominabile) certis de causis id subinde

bibe-

bibebant. Causa præcipua fuit necessitas, ac infirma valetudo: Apostolus Tumotheo modico præcipit uti vino, & hoc propter dolorem stomachi, & propter ejus frequentissimas infirmitates (ait sanctus Basilius admonitio: ad filium spir. Tom. 2. pag. 87.) Causa igitur valetudinis sumendum est vinum: Verum respui non debet, si causa valetudinis sumatur." Quod si ultra necessitatis articulum bibatur, est fomes libidinis, seminarium voluptatum, juventutis pestis, probrum senectutis, Fæminarum dedecus, infantiæ nutrix, mater petulantiae, venenum animæ, mentis interitus, virtutum effugatio. „In vino ergo luxuria, in „ vino infania, in vino venenum, pestis, & mors est."

S. Basil.
Instit. Mo-
nast. serm.
1. Tom. 2.
pag. 169.
Col. 1.
Nro 4.

S. Greg.
Nicephor.
hom. 2. in
Eccles.

C A P U T IV.

De Habitu Monastico.

§ I.

Sanctus Basilius ad Actus Apostolorum alludens, inquit: Cum plures ad eundem salutis scopum intenti, communem inter se vitam amplexi fuerint, id inter ipsos ante omnia optineat necesse est, ut unum in omnibus sit cor, & voluntas una, unumque desiderium, atque ex Apostoli præcepto omne conventus agmen efficiatur unum corpus ex diversis membris coagmentatum. Hoc autem aliter fieri non potest, nisi optinuerit hæc consuetudo, ut nihil nominatim, nec peculiariter cuiquam tribuatur, neque vestimentum, neque vas, neque quidpiam aliud ex iis, quæ conducunt vitæ communi, ut singula usibus necessariis,

non autem possessoribus destinantur. Et sicut vestimentum parvum corpori majori, aut majus parvo non convenit, sed quidquid cuique accomodatum, id utile est, & commodum: Ita etiam alia omnia, lectus, stragula, calidum vestimentum, calceamentum ejus, qui his valde indiget, debent esse, non possidentis. Quemadmodum enim, qui vulneratus est, non qui sanus est, medicamento utitur: sic etiam iis, quæ ad sublevandum corpus excogitata sunt, perfruatur, non qui delicate vivit, sed is, cui levamen

S. Basil. opus est." Ea propter idem decernit, ut unum omnibus
 ferm. 2. de sit commune vestiarius, seu repositorium, quod ille Apo-
 Instit. Mo- nast. seu thecam vocat, ne quid proprium cujusvis nominetur, non
 Ascet. sub vestimentum, non calceamentum, non quidvis aliud, quod
 Init. ad necessarium corporis usum pertineat, sed usus sit penes
 Prælatum ita, ut quod cuique convenit, id ex communi-

S. Basil. bus tribuatur, juxta moderatoris præceptum. „ Detritæ
 ferm. 1. vestes vestiario illatæ ad placitum superioris dabantur
 Ascet. egentibus, quod privato nemini facere licet: dare enim,
 Tom. 2. & accipere non cujusvis est, sed ejus, qui dispensationem
 pag. 169. sibi commissam habet, proinde sive vetus, sive novum ve-
 stimentum fuerit, hic, id est superior habita ratione tem-

S. Basil. poris cujusque, & dabit, & recipit." Etiam si nudus fue-
 Reg. brev. rit, qui petit, jam semel dictum est, quod dare, aut ac-
 88. cipere non cujusvis sit, sed ejus cui talis dispensatio com-

1. Corint. missa est, observatur autem illud: unus quisque in quo
 7. v. 24. vocatus est, in hoc maneat." Quod si quis privatim
 Reg. brev. 91. pauperi aliquid largiatur, eum tamquam corruptorem —

S. Basil. — — boni ordinis vult sanctus Basilius castigari." Elec-
 Reg. brev. 100. mo-

mosinam, quæ Laicum salvat, Monachum privatum condemnat.

§ II. Principio Clerici, & Monachi cum omni populo Christiano gaudebant veste candida, congruenter scripturæ sacræ dicenti; omni tempore sint vestimenta tua candida." Ecclesiastes Cap. 9. v. 8.

Ad quem locum sanctus Hieronymus ait: Candidis vestibus ornatus incede, interna letitia de redemptione Christi populo Christiano suadere potuit amictum candidum: Nam

teste Josepho, vestitus albus letantium est. „ Unde & Angeli post resurrectionem Domini ad sepulchrum in albis confedissee leguntur, (Joan. 10.) Quæ ergo causa, quod Josephus Lib. 2. Antiq. Cap. ultimo.

Monachi habitu albo deposito, nigrum assumerint communiter adeo, ut habitus niger Monachismi Tessera quondam extiterit, id tribus potissimum de causis factum est.

1. Quia veteres Philosophi incedebant in tunicis, & palliis nigris, traxeruntque Monachos in imitationem sui, si quidem vita Monastica olim habita est pro vita vere Philosophica, ut alias dictum, hinc illud scoma vulgi apud sanctum Hieronymum, si tunica non canduerit, Græcus hoc est Philosophus, & Impostor est."

2. Quia lugentes, & pœnitentes in Ecclesia semper pullis indumentis vestiri solebant, idcirco etiam Monachi, ut illis adnumerentur, nigrum habitum præ albo gestare maluerunt, certe sanctus Cyprianus lugentium vestes atras fuisse scribit (Lib. de Mor.) Et sanctus Basilius eundem habitum esse dicit Monachorum, ac pœnitentius. S. Hiero Epist. 34.

„ 3. Quia color niger accommodatior est pro lugentibus, ac pœnitentibus præcæteris, & has ob causas pullus color apud Monachos sic invaluit S. Basil. Epist. 1. ad Gregor.

olim, ut esset indicium Monachismi, & Monachi quoque inde dicerentur pullati (Concil. Constantin. A. D. 692. Canone 42.)

§ III. Nigrum habitum juxta opinionem Baronii A. D. 57. Clerus Sæcularis assumpsit post modum a Monachis, cum enim Monachi passim sacros Ordines reciperent, & allegarentur in Clerum, & Episcopos, ubi Canones sacri eis prohibebant mutationem habitus, qui tunc niger erat, ut habetur in Concilio VIII. A. D. 869. Nul-
lus audeat suum illum habitum, & Stolum Monasticorum indumentorum superbe, & temere deponere, ne professionis suæ prævaricator inveniatur. Quod si quis Episcopus Monasticam vestem abjecerit, vel corrigatur, vel deponatur. Cum tot igitur in Clero Monachi essent, nigris induti vestibus, reliqui facile eos secuti sunt.

§ IV. Sanctus Basilius non solum in cibis, sed in vestimentis præscribit observandum vilitatem, simplicitatem, & quod levissimi precii est." Et in Calceamentis caveatur vanitas, & precium (ibidem). Atque iterum Constitutionum C. 30. Vestimenta, ait, aut Calceamenta preciosa nobis exquirenda non sunt, sed eligenda viliora, & in hac re etiam humilitatem ostendamus &c. Unus enim vestimenti scopus, ut idoneum sit carnis ope-

S. Basil.
Epist. 1. ad
Gregor.
Reg. fusior.
22.

rimentum." Tunica cingulo ad corpus adstricta sit (ibidem) Ideo proinde ait: Fratres non debent contendere, quod dentur vestes viliores, aut non novæ, si tamen præbeantur

S. Basil.
Reg. brev.
168.

minores, aut majores eos posse necessitatem suam decenti mansuetudine manifestare." Quæ ita sonat; si minus, aut

majus (vestimentum) quam pro statura est, indicet necessitatem suam debita cum modestia: si autem dissidium fuerit de vilitate, vel propterea, quod non novum sit, recordetur Domini dicentis: dignus est non simpliciter quis, sed operarius cibo suo. „ Percontetur autem se ^{Math. 10. v. 10.} ipse, an pro dignitate mandatorum Domini, aut promissionem effecerit quidquam, & tunc non requiret aliud, sed futurus est de eo, quod datum fuit, sollicitus velut, qui ultra meritum acceperit. Nam quod dictum est, de alimento, id in omni re ad corporis usum attinente, loco regulæ habendum est.

§ V. Sancti Patres cultum vestium abundantiores semper damnabant, non sit nobilis habitus vester, nec affectis vestibus placere, sed moribus, ait sanctus Augustinus in Reg. Et sanctus Ephraim inter mala hujus vitæ numerat mollem lectum, & vestem (de variis tormentis inferni). Et noli vestium splendido ornatu gloriari, memor quomodo Elias ovinis pellibus fuerit indutus, & sacco Esaias, quali item Joannes Baptista vestimento usus sit (idem sanctus Ephraim de vita Spirit.) Et sanctus Basilius Monacho lapso exprobat: quo pacto olim in Monasterio vixerit, aspero indutus sacco, & dura Zona lumbos succinctus, ventre præabstinentia dorso adhærente, rejecto omni indumento molliore.” Ore omnium antiquorum Monachorum sanctus Barlaam ad Regem Indiæ, ait: Vestes ^{S. Basil. Epist. 2. ad lapsum.} nobis ex asperis ciliciis, & ovium pellibus sunt, vetustæ omnes, atque ex variis pannis consutæ imbecillam nostram carnem atterentes (sanctus Damascen. vit. Barla.

§ VI. Tametsi autem sancti Patres præcipiant non debere molliciem, & elegantiam vestium quærere, & satius esse veteres ferre vestes, ut sanctus Ephraim docet, & curam habere animæ in timore Domini, quam splendide vestiri, & turpiter, atque inhoneste vivere: Verum tamen eas noluerunt esse sordidas, & immundas. Sancti Chrysostomi temporibus Monachi quamvis portaverunt habitum rusticorum, amictum viliores, caverunt tamen sordes, (de Monachis sancti Apolonii Ruffinus refert) quod nullus ipsorum sordidis vestibus usus fuerit, sed potius tam

Ruffin. in mente, quam in veste mundiciem exhibuerint." Certe
 Lib. 2. vit.
 P.P. Cap. 7. sanctus Antonius mundiciæ causa lavit ipse suam expendi-
 vit. S. An-
 ton. Cap. ten." Denique de sanctorum Patrum sententia, Mona-
 23. chorum vestes debent esse humiles, & accommodatæ tem-

S. Basil. sed mundæ. Reg. ita sonat: Unus (amictus) ad proprium
 Reg. 210.
 brev. ita. scopum honeste, ac decenter accomodatus, habita ratione
 temporis, loci, personæ, atque necessitatis. Non enim
 eadem integumenta ratio comprobatur tempore hyemis, ac
 æstatis: Neque idem est habitus operarii, & quiescentis,
 famuli, & ejus, cui famulatur, militis, & privati viri, &
 mulieris.

§ VII. Sancti Basilii, quem Chorus Monachorum in Oriente tamquam solem suum, ac fundatorem adorat, regulæ & instituta Monastica certum habitum non præscribunt, quo tamen ejus affectæ, atque ipse etiam sit usus ejus verba non obscure indicunt. Arbitrabar, inquit, satis

magna esse argumenta humilitatis vestimentum crassum, & Zonam, & e crudo corio calceamenta. „ Simplex & plane S. Basil. Epist. 223. alias 79.
Philosophicus habitus, & valde discretus consulens Monasticae paupertati, quem describit sanctus Dorotheus. „ Habitus, inquit, quem gestamus colobium est, quod caret S. Dorothei. Instit. 1. de abnegat. seculi.
manicis, & Zona pellicea, & analibus, & cuculus. Hæc sunt Symbola, quidque nobis hæc corporis nostri symbola significant, intelligere debemus. Cur gestamus colobium manicis destitutum? Manicæ symbola sunt manuum, manus autem sumuntur pro agendi facultate; quando igitur occurrit nobis cogitatio agendi quidpiam manibus hominis antiqui, ut puta furandi, aut verberandi, vel absolute quodvis aliud peccatum manibus patrandi, ad habitum attendere debemus, ac intelligere nos non habere manicas, id est carere manibus ad operandum quidpiam; quod sit hominis antiqui. Habemus autem & Zonam. Sed cur illam gestamus? Zona, quam gerimus primum quidem signum est, nos ad opus esse paratos. Quilibet enim eum vult operari, primum accingitur, & sic opus aggreditur, juxta illud: sint lumbi vestri præcincti.” Item, ut quem- Luca 12.
admodum Zona est de corpore mortuo, ita & nos concupiscentiam nostram mortificemus, Zona enim lumbis nostris adhibetur, ibi autem sunt renes, in quibusvis animæ concupiscibilis esse sita dicitur. Atque hoc est, quod ait Apostolus: Mortificate membra vestra, quæ sunt super terram, fornicationem, immundiciem, & quæ sequuntur. Habemus autem Analabum (seu scapulare) hic Analabus in modum crucis ponitur, super humeros nostros, id est, signum cru-

Math. 16. *cis* gestamus in humeris nostris juxta illud: Tolle crucem
 v. 24. tuam, & sequere me. „ Quid vero crux est aliud, quam
 perfecta mortificatio, quæ perficitur a nobis per fidem
 Christi? Fidem enim (ut iterum in libro Seniorum
 dicitur) arcet semper impedimenta, & liberam nobis red-
 dit operationem, quæ ad perfectam istius mundi mortifica-
 tionem nos deducit, scilicet, ut se ipsum quis mortificet
 ab omnibus, quæ sunt mundi hujus, ut si parentes expu-
 gnet pariter & affectum eodem modo abdicaverit, quis
 pecunias, vel possessiones, aut aliam rem quampiam velit
 etiam affectui ejus renuntiare. Assumimus autem cucu-
 lum, quod est symbolum humilitatis. Infantes enim par-
 vuli, ac innocentes cucullos gestant. Nos igitur idcirco
 cucillum gerimus, ut malitia parvuli simus, quemadmo-
 dum Apostolus ait: „Nolite pueri effici sensibus, sed mali-
 tia parvuli estote.” Quid autem est parvulum esse mali-
 tia? Parvulus, qui non habet malitiam, si spernatur,
 non irascitur, etsi honoretur, haud effertur in glori-
 am vanam, non superbit, si quis res ejus acceperit, mi-
 nime affligitur, parvulus enim malitia est, non ulciscitur
 injuriam, non affectat gloriam. Est enim cucullus divinæ
 gratiæ symbolum, quoniam quemadmodum cucullus tegit,
 ac fovet parvuli caput: ita & Dei gratia mentem nostram
 tuetur: (sicut dicitur in libro Seniorum) quoniam cucul-
 lus est signum gratiæ Salvatoris nostri Dei, mentem no-
 stram protegentis, & infantiam nostram, quæ in Christo
 est circumfoventis propter Dæmones, qui nos semper per-
 cutere, ac vulnerare conantur.

Aposto-
 lus 1. Cor.
 14. v. 40.

§ VIII. Cæterum scire oportet apud antiquos quoque Monachos erat in habitu diversitas, apud quos major cura virtutum, quam indumentorum fuit, vestitum tribuebat, aut paupertas, aut fidelium charitas, aut natura. Multis pili corporis pro vestimentis erant. Multi variis animalium pellibus nuditatem tegebant, non pauci incedebant nudi, adeoque nonnisi aëre, cœlo, antris, sepulchris, aut ferreis vinculis obtecti. Plurimi per solitudines diversas errabant, vestiti tam vilibus centonibus, quos nec Lasarus ante fores divitis collegisset. Prout quisque poterat, suam carnem velabat. In congregationibus quamvis varietas tanta non fuerat, quæ tamen ab aliis non dependebant, ex arbitrio Abbatis se vestiebant. Hinc alii ferebant lebetam, seu colubum, alii non, alii habebant cruciferum analabum, seu redimiculum, aut scapulare, alii non; hic usus erat melote, alibi non. Sanctus Benedictus suos iussit observare loci qualitatem, & in loco frigido concessit cucullam in hyeme villosam, pedules, & galigas, & S. Bened. Reg. Cap. 55. pro itinerantibus scemoralia, quæ Monachis aliis non erant."

§ IX. Cilicina vestis conficitur ex pilis, cujus usus sua tempora habet, inquit sanctus Basilus. „ Non enim S. Basil. Reg. brev. temporalis necessitatis gratia ejus usus est, sed afflictionis, 90. & humiliationis animæ. Unde sanctus hic Pater cilicium noctibus portare solebat, ne id ab aliis adverteretur." Alii contra longiorem somnum, & noctium fantasmata ciliciis indormiebant. Alii de die portabant, sed subtus S. Gregor. Nasanien. vestes, quem usum non reprobatur Cassianus exemplo Re- Orat. fun.

Cassian. 4. Reg. Cap. 6. v. 30. *gis Joram.*" Sanctique Antonii, plurimorumque Monachorum, in quorum persona sanctus Barlaam ait: Vestes nobis ex asperis ciliciis sunt, & ovium pellibus (sanctus Damasc. vit. S. Barlaam Cap. 18.)

§ X. In veste, cibo, & potu suos subalternos Monachos nullatenus excedere debeant, sed uniformitatem omnimode servare tenentur Rectores, seu Superiores Religiosarum communitatum. Rectorem te posuerunt? Nolle extolli, esto in illis, quasi unus ex ipsis, dicit Scriptura *sacra.*" Primi Monachorum Superiores jurejurando firmaverunt, se neque veste, neque cultu ullo communitatem suam superaturos." Nihil ita conciliat amorem apud subditos (sanctus Augustinus serm. 50. de divers.) de suo vestitu ait: Qualem potest habere Præbyter (vestem) qualem potest habere decenter Diaconus, & Subdiaconus, talem volo accipere, quia in commune accipio. Si quis meliorem dederit, vendo, quod & facere soleo, & quando non potest vestis esse communis, precium vestis sit commune. Vendo, & ergo pauperibus; si hoc eum delectat, ut ego habeam talem, det, unde non erubescam; fateor enim vobis, de pretiosa veste erubesco; quia non decet hanc professionem, hanc admonitionem, hæc membra, hos canos. Audiant Superiores Monachorum. Augustinus Episcopus erubescit de veste pretiosa tamquam contraria suæ professioni, nec alia indui vult, quam quali utebantur Clerici sui. Si etiam dono offerebatur melior, distraxit, & pretium erogavit pauperibus. (De sancto Joanne Eleemosinario Alexandrino Patriarcha ex Monacho refert

Leontius in vita). Hic in infimo strato recumbere solebat, & vilibus operimentis operiebatur, cui quidam e civibus transmissit coopertorium numismatum 36. enixe rogans, ut eo cooperiretur. Ille vero hoc suscipiens una nocte eodem coopertus est; verum tamen toto hoc noctis tempore ad se ipsum dicebat. Quis dicet, quod humilis Joannes pallio 36. numismatum tegatur, & fratres Christi frigore necentur? quanti sunt modo, qui psyllium habentes subtus dimidium, & supra dimidium, & non possunt extendere pedes suos, & dentibus strident præfrigore? quanti in monte dormierunt incœnati, habentes duplicem cruciatum tam ex frigore, quam ex jejunio, quanti sunt in hac civitate, ista hora peregrini, non habentes ubi hospitentur, & in foro jacent, & pluvia madefacti? quanti sunt, qui non habent vestimentum in æstate, & alterum in hyeme, & ita miseris affliguntur? Tu vero expectas etiam æternam jucunditatem assequi, & vinum bibis, & pisces immanes devoras, & in cubilibus demoraris: modo autem cum omnibus malis, & in coopertorio 36. numismatum te calefacis? Veraciter ita vivens, & in tali laxatione conversans, non expectabis illic præparatis gaudiis frui, sed audies utique, quod, & dives ille audivit: Recepisti bona in vita tua, pauperes vero mala: Nunc ergo consolantur, tu vero criciaris, benedictus Deus, humillis Joannes alia nocte non cooperietur illo: justum est enim & bene acceptum Deo, ut tegantur potius 144. fratres, & Domini tui, quam tu infelix, mox ergo transmissit illud, ut venum daretur. Magnum speculum in hoc exemplo est, multi ex

hoc suos mores formaverunt, & vilitatem vestimentorum dilexerunt.

§ XI. Multi magni nominis Abbates in habitu nihil splendidum, nihil a suis fratribus habuerunt singulare, eadem materia, & eadem compositio erat, nec erubescerant de cuculis, & caputiis, etsi irridentur a mundanis, gnari tanto pretiosorem coram Deo vestem esse, quanto contemptibilior est coram mundi hujus hominibus. Atque hinc antiqui suas cuculas præcæteris vestimentis magni fecerunt, quia majorem præferunt humilitatem, eas proinde solebant appellare rem, & indumenti genus pretiosum (vita sancti Stephani junioris.) Cucula sancti Simeonis stylitæ curabat omnia mala, quam Imperatori dono misit (Metaphr. vit. sancti Danielis) Theodosius Cæsar paliollo sancti Senulphi, caput, & baculo manus armans in bello adeo terribilis hostibus est visus, ut illico fugam inierint (Methaphrastes vita sancti Syri, & Joannis Januari 31.)

C A P U T V.

De Tonsura Monachorum:

§ I.

Monastica tonsura non est novum inventum, sed a prima Monachorum institutione semper in more fuit. Id testatur Author lib. de Eccles. hier. Cap. 6. sub nomine Dionysii Areopagitæ. Sic tondebantur ex regula discipuli sancti Pachomii, sic reliqui omnes. De Daniele stylita

Me-

Metaphrastes ait: „ Et cum ei præfectus legisset regulam , & totondisset capillos, eum Monastico habitu induit: sancto Stephano juniore Gregorius quidam dixit: Deo proinde rationem reddes, nisi me hodierna die incunctanter detonsum in Monachorum ordinem adscribas (in vita sancti Stephani junioris) Hinc antiquitus idem fuit dicere Monachum fieri, & in Monachum tonderi. Et sanctus Augustinus ea procedem sumit: Capillos minuere, & habitum Religionis assumere. „ Originem tonsura accepit a Nazaræis, ut docet sanctus Isidorus.” Et apertum Concilii Niceni præceptum est, ut tam Monachi, quam Moniales alia indumenta, & alios mores habeant, quam Laici, & tondeant caput (Canon. 76.) Tondere autem est medium abscindere, ait sanctus Paulinus, (Epistola 3. ad Sever.) juxta Euchologium Græcum forfices Evangelio a superiore impositæ ipse sibi a Monacho vestiendo dari postulat, easque acceptas confestim tradit, a quo usque tertio altari, & Evangelio reponuntur, ut liberum voluntatis propositum manifestet, ut exponit Simeon Thesalonicensis, quo vero sine tondeantur Monachi, exponit Dionysius Areopagita (Cap. 6. de Eccles. Hierarch.) Signum autem crucis declarat univerforum ad corpus pertinentium defectus, capillus autem tonsus puram nullaue figura foedatum vitam indicat, quæ non fictarum figurarum, aut colorum induitione difformitatem mentis ornet, sed quæ ipsa in se ipsa non humana, & addititia pulchritudine, verum singulari, & unica ad Dei exactissimam similitudinem exerceatur. Addunt alii lugubrem poenitentiae statum detonsionem

S. August.
serm. 67.
temp.

S. Isidor.
Lib. 2. de
Eccles. of-
fic. Cap. 4.

hanc

hanc ostendere: Nam & propter crimen in Monasterium detrusus comam abiciebat, & lugentes quique calvitio tristitiam indicabant, Dei se se obsequio Mancipantes servorum more capita rasisse. Simeon vero Thesalonicienſis de Monacho tonſo ſcribens, ait: Per depoſitionem, & tonſuram capillorum corporis primitias Domino offert, quia totus præſentatur, & Chriſto confecratur, & cuncta, quæ in mundo ſunt veluti ſuperflua abdicat.

§ II. Tonſus cruciformiter coram altari a Superiore Monachus ab alio ex integro tondetur, & feſtim ad altare reſſus, inquit Simeon, capillos altari impoſitos reliquit; oſtenditque illos primitiarum locum tenere, & Deo fieri oblationem, ſicut & ipſe totus oblatus eſt, & viva, & placita hoſtia effectus, exinde vero capilli accepti comburi ſolent: quamvis nonnulli ex illis Zonas ſibi plectant. Poſt ſolemne hanc in Eccleſia detonſionem, nullam de cætero ſibi permittunt fieri. Barbam autem, nec unus quidem detondere audeat. Id utrumque uno loco ſcribit Epiphanius, loquens de Meſſalianorum hæreſi, & approbata promiſſa barba longam in Monacho Cæſariam condemnat; & ab Eccleſiæ Catholicæ, inquit, & ab Apoſtolorum doctrina prorſus alienum, cilicium palam præferre, ac comam ſubmittere. Vir enim, inquit Apoſtolus, comam nutrire non debet: cum imago Dei ſit, & gloria, atqui quod ad barbam attinet in Apoſtolorum conſtitutionibus, divino ſermone, ac dogmate præſcribitur, ne ea corrumpatur, hoc eſt, ne tonſione ponatur. (vide Jacob. Goar. pag. 397. edition. Venet. A. 1730.) Qui proinde tonſuram capillorum

non faciunt, sed tamquam mulieres in fronte dividunt, sancto Paulo adversantur dicenti: Vir si comam nutriat, ignominia est illi." Vanissimum hoc capillaturæ studium coegit Patres in sexto Concilio Oecumenico decernere; qui dicuntur Eremitæ & circumeunt Urbes in longis crinibus, versantes cum Laicis, & mulieribus, propriam professionem injuria afficientes, recisis crinibus habitum cæterorum Monachorum suscipiant, & in Monasteria conjiciantur. Quod si nolint, ex Urbibus, in solitudines pellantur (Canon. 42.) Et ipsemet Apostolus Paulus solebat tondere capillos suos (Actor. 18. v. 18.)

§ III. Symbolum virilitatis barba est, ut res ipsa loquitur, dicitque, sanctus Basiliius: „Barba significat fortes, alacres (sanctus Augustinus enarrat Psal. 132. Et sanctus Clemens Lib. 3. Pedag. Cap. 11.) Barba inquit gravitatem vultui, auctoritatemque, & naturalem reverentiam concedit; & multos a peccando retrahit, cum probro esse possit, barbatus audere delinquere. Hac de causa graviter invehitur in eos, qui barbas radunt, quos appellat crinium hostes, homines læves, virilis pulchritudinis osores. Cum enim inquit natura viri sumus, quomodo non contra naturam peccas, si radaris? lævem Deus scæminam condidit, sola coma ornatam, ut equum juba: Virum autem, ut Leonem barba ornavit, pectusque dedit hirsutum, per quod, & robur ejus, & Imperium significavit. Barba ergo viri indicium est, meliorisque naturæ &c. Hinc sanctus Euthimius cum fundasset suam lauram pro centum quinquaginta Monachis, nullum admisit, nisi cu-

S. Paulus
1. Cor. 11.
v. 14.

S. Basil.
in Cap. 7.
Isaiæ pro-
pe finem.

Metaph. in vit. S. Quiriaci. *jus vultus insigni barba dumesceret.* Clerus Orientalis barbam alere solet ad exemplum sancti Pauli Apostoli, quem prolixam habuisse barbam traditur. In partibus Occidentalibus tam inter Clericos, quam inter Monachos consuetudo diversa fuit in barbis. Quidam nutriebant, alii tondebant, alii radebant. Nihil hæc diversitas Ecclesiæ nocet, scimus, inquit V. Beda. Quia neque Apostoli uno eodemque modo attonsi sunt, neque nunc Ecclesia Catholica indissimili per totum orbem tonsuræ forma congruit, dum modo eadem charitas omnium sit. Et in barbis, & capillis non est ponenda sanctitas.

Levit. Cap. 19. v. 27. *§ IV. Dicebatur quidem antiquis: neque in rotundam attondebitis caput, nec radetis barbam. „Et Sacer-*
 Levit. Cap. 21. v. 5. *dotes non radebunt caput, & barbam.”* Quia debebant sub umbra, & velamento bonorum futurorum, debebantque distingui a vicinis Sacerdotibus Iſidis rasis.” Nasaræi quamdiu consecrati erant, comam, quæ significabat castitatem, & parsimoniam nutriebant. Similiter & Prophetæ a longis crinibus agnoscebantur. In lege proinde veteri omnia crinita erant. In lege vero nova communiter dicitur tondemini, ablatum est enim velamen a nobis, & versamur sub luce bonorum priscis absconditorum, ut jam pro ignominia habeatur juxta doctrinam Pauli Apostoli *ce-*
 Epistola S. Paulini 3. ad Sever. *comam nutrire.”* Hinc & ipse tonsus erat, ut alias dictum, similiter & sanctus Petrus, & Antiquissima lex est Aniceti Pappæ: Prohibitæ fratres per universas Regionum vestrarum Ecclesias, ut Clerici juxta Apostolum comam non nutriant, sed de super caput in modum spheræ radant (Cap.

prohibete distin. 23.) Tonsuram esse, ait Isidorus Hispanensis, cum superne detonso capite instar circuli corona relinquitur, non quidem in signum pœnitentiæ, & luctus, ut Monachi, sed Regiæ potestatis, summæque perfectionis, quæ exigit, ut ab anima sublimis officii cuncta superflua penitus refecentur, qua de causa magna ex parte capitis radebantur Episcopi, ut demonstrat sanctus Gregorius Nansenus (Orat. in maximum.)

§ V. Sub tonsura Monastica solent mutari nomina, nec mirum, Christus ipse cum Simonem ad Religiosissimam suam disciplinam susceperet, eum Cepham, hoc est Petrum nominavit, & filios Zebedæi Boanerges. Alexius Comnenus, (ait Nicetas Choniatus. Lib. 3. anal.) Christianum Pallium, nempe habitum Monasticum invitus induit, & precibus, quæ super eo peragebantur, ne summis quidem auribus admisis, tandem radi se, & Athanasium appellare passus est; Idem de Andronico seniori Nicephorus Gregoras: „Invitum, inquit, tondent, & cuculo induunt, atque Antonium nominant.” Mutationis autem nominum diversæ causæ sunt; summi Pontifices nomina post electionem illico commutant, quasi jam diviniore, quam antea sint naturæ, & planissime commutati.” Sanctus Dionysius Alexandrinus generatim tradit, cur hoc, aut illud nomen imponatur, dicens: Plures, credo, fuisse tempore sancti Joannis Evangelistæ, qui hoc sibi nomen desumerunt, vel ob ejus amorem, aut reverentiam, velut ipsum sectarentur, volentes scilicet eodem modo a Do-

Nicephorus Gregoras Lib. 9. Hist.

Leonicius Lib. 6. Hist.

Eusebius mino diligi: sicut modo infantes Petros, & Paulos passim
 Lib. 7. Hist. nominamus.”
 Eccles.
 Cap. 25.

§ VI. Sancti Patres tonsuram, ac professionem Monasticam comparant Baptismo: Nam idem utrobique propositum, eadem abrenuntiatio mundi, carnis, & Satanæ, consequenter etiam nomen, suscipiens Monachismum consequitur novum. Theodorum studitam in extremo agone

Baronius hæc verba pronuntiasse Baronius refert: „ Confiteor Monasticum statum sublimem esse, & Excelsum, & Angelicum, qui & peccata omnia expurget absoluta vitæ perfectione

Joannes narrat & Joannes Subdiaconus.” Fuit magnus inter præ-
 Subdiac.
 Lib. 1. Nro videntes, seu Seniores, hic affirmabat, quia virtutem,
 5. Tom. quam vidi stare super Baptisma, vidi etiam super vesti-
 12. A. D. 1004. ex mentum Monachi, quando accepit habitum spiritua-
 codice lem. Denique sanctus Hieronymus imperterite docet Bapt-
 Casian. tismum a professione Monastica in eo differre, quod is præcedat tempore, nunc inquit ad sanctam Demetriadem Virginem, quia seculum relinquisti, & secundo post Baptismum gradu, iniisti pactum cum adversario tuo, dicens

S. Hieron. ei, renuntio tibi Diabole, & seculo tuo, & pompæ tuæ,
 Epist. 8. & operibus tuis, serva fœdus, quod pepigisti. Item ad

Item S. Paulam de obitu filiæ Monialis Blæfilæ.” Revera in-
 Epist. 25. quit si seculare desiderium (quod Deus a suis avertat) &
 ad S. Pau- delitias hujus vitæ cogitantem mors immatura rapuisset,
 lam de obitu filiæ plangenda erat: Nunc vero cum propitio Christo ante
 Monialis Blæfilæ. quatuor fere menses, secundo quodam modo se proposito Baptismi laverit, & ita deinceps vixerit, ut calcato mundo semper Monasterium cogitaverit, non vereris, ne tibi Sal-

vator dicat: Iraſceris Paula, quia filia tua facta eſt filia mea? Vere enim deletis priſtinis peccatis, ac pœnis æque in profeſſione, ac Baptiſmo in filios Dei adoptamur. De ſancto Antonio memorat ſanctus Athanaſius: Hora circiter nona cum ante cubitum orare cepiſſet, raptum ſe ſenſit in Spiritu, & ab Angelis in ſublime deferri. Prohibentibus tranſitum aëris Dæmonibus, cœperunt Angeli contradicentes requirere, quæ eſſet cauſa retinendi nullis exiſtentibus in Antonio criminibus: Illis vero ab exordio nativitatis replicare peccata nitentibus calumnioſa Angeli ora clauſerunt, dicentes, non debere eos a nativitate ejus delicta narrare, quæ jam Chriſti eſſent bonitate ſopita: Si quæ autem ſcirent ex eo tempore quo factus eſſet Monachus, & Deo ſe conſecraſſet licere proferri.

§ VII. Id clarius exponit ſanctus Bernardus: Audire, inquit, & hoc vultis a me, unde præter cætera pœnitentiæ inſtituta Monafterialis diſciplina meruerit hanc prærogativam, ut ſecundum Baptiſma nuncupetur. Arbitror ob perfectam mundi renuntiationem, ac ſingularem excellentiam vitæ ſpirituæ, qua præeminens univerſis humanæ vitæ generis, hujusmodi converſatio profeſſores, & amatores ſuos Angelis ſimiles, diſſimiles hominibus facit: imo divinam in homine format imaginem, configurans nos Chriſto inſtar baptiſmi, & quaſi denique ſecundo Baptiſamur, dum per id, quod mortificamus membra noſtra, quæ ſunt ſuper terram, ruſum Chriſtum indicimus complantati de-nuo ſimilitudini mortis ejus. Sed & quomodo in Baptiſmo eruimur de poteſtate tenebrarum, & in Regnum tranſfe-

S. Bern.
ard. Lib.
de præcep.
& dispen.

rimur charitatis æternæ, ita, & in sancti hujus secunda quadam regeneratione propositi de tenebris æque non unius originalis, sed multorum actualium delictorum in lumen virtutum evadimus, redaptantes nobis illud Apostoli: nox præcessit, dies autem appropinquavit.

CAPUT VI.

De Patientia.

§ I.

S. Climac.
grad. 4.

Monasteria Scholæ sunt patientiæ, in quibus a mane usque ad vesperam Religiosus nihil expectare debet aliud, quam vexationes, ac molestias: quas bonus Athleta patienter suffert: „Beatus, qui propter Deum quotidie „maledictis, & convitiis laceffitus vim sibi fecerit, ait sanctus Climacus, hic enim cum Martyribus tripudiat, & „Angelis parem confidentiam, & gloriam merebitur.” Beatus Monachus, qui se ipsum omni ignominia, omnique abjectione dignum horis singulis existimat; Beatus, qui voluntatem suam ad finem usque mortificat, sui que ipsius curam omnem, atque diligentiam Magistro spirituali commisit, nam ad crucifixi dexteram constituetur.

§ II. Perfectus patiens sicut lapis est secundum effa-

S. Anton.
Pascas.
Cap. 9.
Nro 3. vit.
P.P.

tum sancti Antonii, initium bonæ tollerantiæ secundum Climacum est, in amaritudine, & dolore animæ ignominias suscipere; medium vero eas tollerare sine merore: finis autem, & consumatio summam illas laudem existimare,

gaudeas prior, valeas secunde; sed tu felix, ac beatus tertius, quippe qui in Domino exultas (grad. 8.) tollerantia Grad. 8.
ergo suos gradus, & spatia habet. Orare pro eo, qui te contristavit; patientia est: illum insuper muneribus afficere, major patientia est. Denique ad mensam eum perducere, adhuc perfectior patientia est; At cum cognita aliqua calamitate, sive corporali, sive spiritali, quasi ipse eam perpeffus fueris, ita te angi dolore, atque illachrymari perspexeris, hæc demum perfectissima patientia est, & plena victoria contra vitium recordationis injuriarum. Patiens non respicit personas inferiores, æquales, ac superiores sint boni, vel mali. Bibe, inquit Climacus summa alachritate objurgationes, atque irisiones a quovis homine tibi propinatas, non aliter quam aquam vitæ: potare enim te quærit salubri potione, & perquam omnis animi lascivia, & luxuria purgetur (grad. 4.) Grad. 4.

§ III. Multi æquo animo adversa tollerabant ex consideratione passionis Christi; memoria namque hujus curat animam impatientem, ait Climacus, „dum in illis clementiam, ac tolerantiam intuens valde confusa erubescit.” Climac. grad. 7.
Alii timore gehenæ sustinuerunt adversa. Senex quidam per multos annos in summo rigore vixerat in Eremo, qui a fratribus interrogatus, quomodo tamdiu tantam vitæ asperitatem tollerare potuerit? quibus respondit: Omne suum exantlatum onus non esse comparandum uni horæ cum doloribus inferni, alii intuentes Dei voluntatem cuncta prospicientis, & ordinantis gravissimis molestiis haud cessarunt. Multi præterea cunctas injurias magnanimitè de-

spiciebant: ex quibus unus est sanctus Dorotheus, qui ab altero fratre multis quotidie convitiis & contumeliis proscissus, nunquam verbum contra ipsum dixit; quin & cum id rescivisset Abbas, nescio quo referente decrevissetque illum objurgare, procidi ego, inquit ipse sanctus Dorotheus, ad pedes Patris obsecrans per Jesum Christum, id ne faceret, quod videlicet meum fuisset peccatum, & non fratris. Alter vero quoque sive ex tentatione, sive ex simplicitate, Deus novit unde, longo tempore omni nocte urinam suam effudit in caput meum, ut etiam stratum meum maderet, similiter, & alii quidam fratrum interdum veniebant (Psiathia) stercora suas ante cellam meam excutiebant, & videbam tantam multitudinem cimicum cellam meam ingredientium, ut illos interficiendo superare non possem, erant enim ob calores infiniti. Cæterum cum cubitum concessissem, omnes illi supra me congregabantur, ac somnus quidem ex nimio labore ingruerat, tandem excitatus a somno reperiēbam totum corpus meum depastum, & nunquam alicui ipforum dicebam: Ne sic feceris, vel cur hoc facis? Neque scio me ipsum, ut dixi aliquando verbum mordax, aut cuiquam molestum fuisse locutum."

Doctrin.
4. de Ti-
more Di-
vino.

§ IV. Aliqui propter cibos impatientes fiunt, sed instruat eos sanctus ille senex, qui, cum ægrotaret (referente sancto Dorotheo institutione 7. prope finem) ac frater quidam lini seminis rancidi oleum, quod valde noxium est, pro mele in pulmentum ejus infundisset, nihil omnino dixit, sed unum, & alterum cibum comedit, & postquam

neces-

necessitati suæ satis fecisset, nequaquam accusavit fratrem in se ipso dicens: Quia me contempsit, & non tantum hoc non dixit: Sed ne verbulo quidem ipsum contristavit. Quando autem frater ille rescivit, quid fecisset, cœpit affligi, dicens: Occidi te Abba, & tu tuo silentio mihi peccatum illud imposuisti. Quanta vero mansuetudine respondit ipsi dicens, ne te affligas fili, si voluisset Deus, ut mel ederem, mel utique posuisses.

§ V. Vexationes Monachorum sanctus Ephraim (attende tibi Cap. 9.) Comparat tormentis Martyrum, decernens utrosque habituros easdem coronas. Imo alibi ait (Serm. de patientia, & de pœnit.) se cum suis Monachis sine tormentis Martyrem esse posse. Cum vita Monastica in semet ipsa Martyrium sit, id sanctus Gregorius Nissenus ex verbis Christi docuit. Nam cum ad primam beatitudinem (quæ concernit voluntarios pauperes adeoque Monachos) Æque, ac ad Octavam, quæ Martyres tangit dicatur: „Quoniam ipsorum est Regnum Cœlorum, subinfert ipse: Quorum premium idem est, horum etiam certamina paria sunt. „Certe de mundo triumphasse, carnem- que afflixisse de sententia sancti Augustini.” Pars Marty- rii est, ut enim multæ persecutiones, ita multa sunt Mar- tyria, ait sanctus Ambrosius (Serm. 20. in Psal. 118.) Quo- tidie testis es Christi. Tentatus es spiritu fornicationis, sed veritus Christi futurum iudicium temerandam mentis, & corporis castimoniam, non putasti Martyr es Christi: Recte ergo sanctus Macarius exclamavit: „Venite, videte Martyrium horum juvenum.” Duo enim Monachi erant

S. Gregor.
Homil. 1.
& 8. de
Beatitud.

S. August.
serm. 46.
de sanctis.

Joannes
Subdiac.
Lib. 5.
Nro 2.

Cassian. brevi ab initio Monachismi sanctissime defuncti. Verus
collat. 18. enim Monachus teste Cassiano vivus Martyr est.
Cap. 7.

§ VI. Quare sancti Patres Monachismum æquipa-
S. Da- raverunt Martyrio? respondet sanctus Damascenus in vita
masc. Cap. sancti Barlaam, & Josaphat." Posteaquam, inquit, cru-
12. deles, ac belluini tyranni misere, ut merebantur, peri-
erunt, persecutioque finem accepit, ac pii Imperatores to-
tius Orbis imperio potiti sunt, succedentes alii a sanctis
Martyribus, ac Zelum illum, Divinamque cupiditatem
sibi immitandam proponentes, eodemque timore sauciam
animam habentes, illud optime secum considerabant, atque
spectabant, ut ab omni spurcitie animam puram, ac cor-
pus Deo exhiberent, sic nimirum se comparantes, ut
omnes vitiosarum affectionum actiones amputarent, se ip-
sosque ab omni carnis, & spiritus inquinamento repur-
garent. Quoniam autem hoc non alia ratione, quam per
mandatorum Christi observationem a se præstari posse in-
telligerent: Mandatorum porro observationem, ac virtu-
tum cultum, in mediis mundi tumultibus ægre consequi
se posse perspiciebant, novum quoddam, atque ab aliis
diversum vitæ genus sibi ipsis instituerunt, ac juxta Divi-
nam vocem relictis omnibus rebus, hoc est Parentibus
liberis, amicis, cognatis, opibus, deliciis, cunctisque mundi
commodis contemptis in solitudines tamquam exules qui-
dam sese contulerunt, egentes, angustiiati, afflicti, quibus
dignus non erat mundus: in solitudinibus errantes, in monti-
bus & speluncis, & in cavernis terræ, ac se ipsos ab omni-
bus

bus terrenis jucunditatibus, & voluptatibus procul removens, atque adeo panis etiam & vestimentorum gravi penuria laborantes. Quod, ut facerent, duplex illos causa impellebat, altera, ut vitiosarum affectionum materias minime cernentes earum cupiditates radicitus ex animis suis evellerent, earumque memoriam obliterarent, ac divinarum, Cœlestiumque rerum amorem, & desiderium, in se ipsis efficerent, animoque, ac voluntate effecti, ea gloria, quam ii, qui Martyrio perfuncti sunt, obtinent, minime carerent: Verum cum ipsi quoque, quantum in se esset, Christi passionem expræssissent, ipsius quoque regni participes essent; atque alii quidem sub dio durantes, solis æstu, atque asperrimis frigoribus, ac pluviis, ac ventorum turbinibus afflictabantur: Alii in constructis tuguriis, aut in speluncis, & antris sese occultantes vitam agebant. Sicque virtutem colentes omnem carnalem consolationem, & quietem ad extremum usque repudiarunt, crudis oleribus, & herbis, aut pomis, aut etiam sicco, ac durissimo pane vitam tolerantes. Itaque juxta Damascenum in defectum Martyrum Monachi subingressi sunt, qui se ipsos voluntariis passionibus, ad extremum usque mortificaverunt; omnibusque terrenis exuti negotiis, adhuc morantes in corpore Angelorum æmulati sunt sanctitatem, ut ait Auctor vitæ sancti Pachomii in Prologo hinc.

§ VII. Sanctus Ephraim (de perfectione) vitam Monachorum ait Angelis esse similem, eorumque institutum plenum Divino Mysterio. Status hic Monasticus a sancto Gregorio nominatur ornamentum Ecclesiæ. „ A sancto

S. Greg.
Homil. 7.
in cant.

S. Hieron. Hieronymo." Flos quidam & pretiosissimus lapis inter
Epist. 17. Ecclesiastica ornamenta Monachorum, & Virginum Chorus dicitur, & a sancto Isaâc gloria Ecclesiæ Jesu Christi.

S. Ephra. Sanctus Ephraim vitam secularium pelago, Monasticam
adhort. 4. vero portui comparat. „Et recte, teste enim sancto Chry-

S. Chry. Sostomo." Ii, qui in Monasterio versantur, quamvis tem-
sostom.
Lib. 3. ad. pestates sevant, soli in portu tranquillitate, & securitate
vers. vitup. multa sedentes, tamquam de cælo aliorum naufragia de-
vit. Mo- spectant, quippe qui conversatione cœlesti electa nihil ab
nast. Cap. 10. Angelis differunt: Nam sicut inter hos nulla est inæqualitas, neque enim aliis bene, aliis male est, sed omnes in eadem pace, gaudio, gloriaque degunt. Sic & inter illos nemo si quidem paupertati exprobrat, nemo de divitiis gloriatur, meum illud & tuum quod cuncta invertit, & perturbat, eliminatum est. Omnia ibi communia, & mensa & habitatio, & vestes. Et hoc quid mirum, cum & illis anima una eademque sit! nulla inter illos diversitas, aut inæqualitas locum habet, Idcirco quidquid faciunt aut patiuntur, id ab illis ideo fit, ut & jucundentur, & gaudeat — ibi — commune esse existimatur, quod cuique tam triste quam jucundum acciderit.

§ VIII. O quam difficulter poterant ab hoc fratrum consortio avelli, qui dulcedinem cœlestis hujus conversationis ex vero gustaverunt! Sanctus Sophronius ex Monacho factus Patriarcha acerbissime deplorat suum Monachismum: Quam cordi, inquit, mihi nunc est amissa quies, & longe amabilior, quam tunc erat, postquam
sci-

scilicet ex tranquillo otio in turbas deductus sum negotiorum terrenis fluctibus committendus! heu viri venerabiles! quam suavis mihi nunc est illa vita mediocris! longe dulcior videtur, quam ante, ex quo deest core, & terra de multa, & ineffabili humilitate ad solium Pontificale evehctus sum. Sed ita est Patres: deperdita sanitas a nullo melius agnoscitur, aut ferventius expetitur, quam ab infirmis. Quid sit tranquillitas, post tempestatem sentitur. Divitias nemo sic amat, quam, qui post opes redactus ad incitas, ad easdem regreditur. Atque ita in omnibus adversitas facit, ut secunda desiderabilia sint, ac gratiora. Merito proin & ego cum miserabili Jóh memoria pristinorum bonorum meorum excitatus proclamo: „ Quis constituet me secundum mensem dierum antiquorum, quibus me Deus servabat inafflictum, quando splendebat lucerna ejus supra caput meum, vivebamque vitam quietam, & influctuosam; quando luminis ejus beneficio gradiebar per tenebras; cum vindemiebam racemos silentii, cum interioris libertatis jucundabar floribus, cum securitatis coronabar calycibus — — cum terrena saturabar paupertate, cum humillis casæ delectabar pulchritudine, cum melifluum manna sponte nascentis escæ alter Israelita manducabam &c.

Hæc sanctissimus Patriarcha deplorans de statu Monastico in laudem protulit. Denique

§ IX. Michael Oxita, sic dictus ab Insula Oxia, in qua degit qua Monachus, qui ad Tronum Patriarchalem sublimatus erat, postquam sedisset annos duos, & menses octo, sponte sese hac dignitate abdicavit, & in Oxiam

Insulam rediit, Monasticumque institutum reassumfit, ibique, ut refert Baronius (ad annum 1145.) In templi vestibulo prostratus, cuique Monacho collum calcandum præbuit, vehementer dolens, quod adamatam a teneris annis quietem repudiasset, nulloque cum fructu Tronum Constantinopolitanum conscendisset. (Vide Graveson Hist. Eccles. Nov. Testam. sæculi 12. Tom. 4. par. 1. edit. August. Vind. pag. 114.) Nec mirum viros magnos Ordinem Religiosum tanti fecisse, Martyrum enim hic in Ecclesia Christi militante locum Monachi tenent, ac dignitatem, ut jam antea dixeramus, Angelis similes, & admirandum spectaculum est in coelis Monachus super terram vitam Angelicam ducens, ait sanctus Ephraim (paræn. 1.)

§ X. Hinc multi relictis gubernaculis Regnorum, Imperiorumque vitam Monasticam sunt amplexi, eligentes potius ab Angelis, & tuguriis Monasticis coli, quam ab hominibus inter Reges, ab Principes in aulis adorari, ex quibus erat sanctus Josaphat, conversus a sancto Barlaâm, teste sancto Damasceno in historia. Sanctus Corolomanus, Caroli Magni Patruus; Pipinus, Caroli Magni filius primogenitus. — — Trebelius Rex Bulgariæ A. D. 862. Joannes Brena, Imperator Constantinopolitanus. Henricus, Rex Cypri; Joannes, Rex Armeniæ; sanctus Ludovicus, Caroli sexundi, Siciliæ Regis filius: plures alios recenset Hieronymus Platus Lib. 2. de bono statu Religiosorum Cap. 26. & sequentibus: Nimirum vita privata, vita Beata.

Constantinus Magnus, ut refert Eusebius, Monachorum atque Monialium singularis amator erat, qui non modo se, suos, atque Imperium per literas sancto Antonio commendaverat; Verum etiam maximis eos honoribus prosequabatur, qui vitam suam cœlesti Philosophiæ (id est: Monastico Instituto) dedicarunt. Sanctissimum ergo perpetuarum Virginum cœtum constanter colebat; quod in earum mentibus Deum ipsum, cui se consecraverant, inhabitare crederet. „Quibus proinde tam Monachis, quam Monialibus pro victu necessaria liberaliter præstari curabat pientissimus Imperator (sanctus Athanasius in apol. & Theodoret. Lib. 1. Hist. C. II.

Vita S.
Antonii
Cap. 50.

Eusebius
Lib 4. vit.
constant
Cap. 28.

§ XI. Semper in magno honore in Ecclesia habiti sunt Monachi, Abbatesque eorum. In Comitiiis Ecclesiasticis post Episcopos primi tam loco, quam subscriptionibus erant Abbates, immo viris etiam illustribus ex Aulis Regum præponebantur, quod Clarum est ex Concilio Toletano VIII. ac XII. A. D. 633. & 681. habito. Gregorius VII. Romanus Pontifex vix ullam illustriorem Legationem instituerat, quin adhiberet Abbates.” Carolus Magnus Imperii etiam negotia committebat Abbatibus, ut testantur Pontificis Hadriani Epistolæ.

S. Greg.
Epist. 7.

Verum tamen sacri Canones non admittunt, ut Monachi negotiis civilibus se implicent. Id enim in Synodis Moguntina, Rhemenensi, Parisiensi, Lateranensi, aliisque sancitum est.

§ XII. Contemptores atque osores; persecutoresque Monachorum reperiebantur semper improbi homines. Sancti

S. Hieronym.
Epist. 19.
& 23.

eti Antonii tempore, quo Monachismus tamquam sol radiabat, ordo hic in ipsa Urbe vilis, ac ignominiosus censebatur, servique Dei pro impostoribus habebantur. „Hinc sanctus Joannes Chrysostomus tres libros scribere compulsus est adversus Vituperatores vitæ Monasticæ. Christiana pietas insurgentibus undique hæreticis in gravi cernebatur periculo, Monachi igitur remedium ei lataturi migrarunt in oppida, & ideo exagitabantur, passim expellebantur, exterminabantur, & quæque mala patiebantur.”

S. Chrysost.
Lib. 1.
Cap. 5. 7.
& 1. 2.

Nec gentiles erant, qui hæc faciebant, sed Christiani triumphabant miseri, & jactabantur passim, quæ in ipsos exercuissent. Atque hæc omnia ad mortem, usque sanctum virum (Chrysostomum) cruciabant: „Orbem, inquit, simul flebam universum, & ad Deum conversus dicebat: Tolle animam meam a me, & de necessitatibus meis erue me, & de hac corruptibili vita libera me, eoque me transfer, ubi nemo similia denuntiabit, & audiet.

Simili commiseratione deplorat despectum Monachorum Salvianus (Lib. 4. de Gubernatione Dei) Jam vero, inquit, illud quale, quam sanctum, quod si quis ex Nobilibus converti ad Deum cœpet, statim honorem Nobilitatis amittit? aut quantus in Christiano populo honor Christi est, ubi Religio ignobilem facit? Si honoratior quispiam Religioni se applicuerit, illico honoratus esse desistit.

Ubi enim quis mutaverit vestem, mutat protinus dignitatem.

Irridebant Afri Monachos, maledicebant, insectabantur, detestabantur, & omnia in illos pene faciebant, quæ in Salvatorem nostrum Judæorum impietas antefecit, quam ad effusionem ipsam Divini Sanguinis perveniret. Sed cur hoc in Servos Dei tantum odium, tantaque Afrorum persecutio? Non nisi quia diversitas studiorum averfionem caufat animorum, Sanctitas Dei fervorum oculos perfringit animorum, & tanto magis, quanto illa illustrior. Illi enim, ait Salvianus, vivebant in nequitia: Isti in innocentia: Illi in libidine, isti in castitate: Illi in lustris; isti in Monasteriis. Verum quod interdum mali Religiosi contemptui habeantur, merito ipsorum fit. Jure despicitur pomum putridum, aurumque adulterium.

Salvianus Lib. 8. de gubernatione Dei.



I M A G O

V I T A E M O N A S T I C A E

P A R S IV.

C A P U T I.

De Authore vitæ Cœnobiticæ sancto Basilio Magno.

§ I.

S. Greg.
Nazianz.
Epist. 6.
quæ inci-
pit: Non
fero Tibe-
rinen &c.

S. Basil.
Homil. in
Gordium.
Nro 2.
Epist. 76.
& 96.

Sanctus hic Cæsareæ in Cappadocia circa annum 329. natus fuit, quem proinde sanctus Gregorius Nazianzenus Cappadocem nominat. Et ipse Basilius Cæsaream & Cappadociam suam esse Patriam asserit. Id ipsum loquitur etiam de Ponto (Epist. 15. & 8. Pontum Patriam suam appellans, videlicet, quia Pontus erat Patria Parentis, & Avorum, ibi Pater domicilium habuerat, ibi nati sunt Basilii fratres, ibi nutrici traditus alendus: ibi prima illius & pietatis, & litterarum tyrocinia, ibi denique dilecta solitudo, in quam se receperat. Tot igitur nominibus huic loco obstrictus non immerito illum instar patriæ habuerat. Mirum autem non est Basilium Cæsareæ na-

tum fuisse, quamvis pater illius præcipue in Ponto domicilium habuerit, amplæ enim possessiones in Cappadocia habitæ, sæpe illum in Cæsaream traxerunt, & diu in hac Urbe detinuerunt, adeo, ut illius, & Emmeliæ præclare facta Gregorius inter Pontum, & Cappadociam divisafuisse testetur.

S. Greg.
Nazianz.
Orat. 20.
pag. 322. a.

§ II. Paternum genus Basilius e Ponto, Maternum vero ex Cappadocia ducebat, utrumque illud genus Militaribus, Palatinis, & Municipalibus dignitatibus insignè, ac divitiis, & opibus, & excelsis Thronis, ac eloquentiæ fama clarum, sed pietate ac religionis studio, & rebus pro Christo fortiter gestis longe clarius: Etenim Maternus Basilii Avus vita, & bonis pro Christo spoliatus ab Imperatore fuerat. Avi autem Paterni tempore persecutionis in Ponti quadam sylva septem annis latitantes sub dio vixerunt, pluviis & frigoribus expositi, ab omnibus vitæ commodis, ab amicis, & omni hominum societate remoti. Quo nomine appellatus fuerit paternus ille Avus Basilii, nescitur. Aviae nomen Macrinæ fuit, quæ cum Basilium infantem informaverit, institueritque, videtur usque ad annum 340. vixisse.

S. Greg.
Naz. Orat.
de Basil.

§ III. Horum filius Basilius hujus Basilii Magni Genitor eximias virtutes cum magnis eruditionis, & eloquentiæ ornamentis conjunxerat: Inclaruit enim in foro, & eloquentiam summa celebritate in Ponto docuit; sed morum sanctitate clarior exstitit. Is in Matrimonium parem generis, & virtutum splendore sceminam Emmeliam, quæ id inter mulieres fuit, quod Basilius filius inter Viros. Amplissi-

S. Greg.
Nissen. vi.
ta Macrin.
pag. 392.

S. Greg.
Naz. Orat.
20. de S.
Basilio

mas in tribus Provinciis possessiones habebant Conjuges illi. Sed præcipua Basilii & Emmeliæ gloria proles exstitit. Decem liberos susceperunt, quorum tres Episcopi summa sanctitatis, & doctrinæ laude floruerunt, uno e filiis in infantia e vivis excedente, proinde post obitum Mariti quatuor filiorum, & quinque filiarum Emmeliana Mater fuit, eorumque bona in novem partes divisa sunt, omnium natu maxima erat sancta Macrina: Primus filiorum sanctus Basilius, secundus Naucratus, tertius sanctus Gregorius Nissenus, omnium postremus fuit sanctus Petrus Sebastenus.

§ IV. Non in Cappadocia nutritus Basilius, sed in Pago quodam, quem Parentes in Ponto possidebant. Regendæ infantiae Basilii curam suscepit ornatissima scœmina Avia Macrina, ac teneræ menti sanæ doctrinæ semina mandavit. Quæ nulla unquam temporum vicissitudine immutata, sed aucta semper, & exulta præstantissimos fructus

S. Basil. extulerunt. His se Basilius ab ea imbutum fuisse testatur. Epist. 204. Nro 6.

„ Educati sumus, inquit, sub Avia Beata muliere — —
 „ Macrinam dico celeberrimam illam, a qua edocti sumus
 „ beatissimi Gregorii Neo-Cæsariensis verba, quæ
 „ cunque usque ad ipsam memoriæ continuatione conser-
 „ vata cum ipsa custodiebat, tum nos adhuc infantes sin-
 „ gebat, & informabat pietatis dogmatibus.” Ut primum
 vero litteris ediscendis idoneus fuit, ex Aviaë manibus
 ad Patris disciplinam transit, qui Rhetoricam magna ce-
 lebritate in Ponto docebat. Postquam vero ad ætatem
 pervenit Basilius, melioris occasionem frugis, & labori-

bus alios labores addere cupiens, & dicendi studio incensus, ut in eo magis proficeret, Cæsaream Cappadociæ Metropolim venit, quæ tunc literarum gloria & studiorum frequentia in Asia tota florebat. In hac brevi tempore adeo contendit, ut in omni fere disciplina æquales omnes superaret: unde magnum apud eos populos est nomen affecutus. Post hæc Constantinopolim petiit studiis item literarum admodum celebrem, ut magis, ac magis in his proficeret. Postremo Athenas contendit doctrinarum omnium, ac disciplinarum procreatrices. Tandem vir sanctus postquam omnes adeptus erat disciplinas, ad rerum meliorum occasiones captandas in patriam reversus est, mundo & veluti theatro cuidam aliquantulum satisfactorius; nam ut in theatro, & scena quadam existens palam familiæ, amicis, propinquis eousque verba fecit, ut eorum desiderio & charitati erga se habitæ satisfaceret, testante id sancto Gregorio Nazianzeno in sua de eodem Oratione; a Cæsariensibus interea honorifice exceptus, ubi & Rhetoricam docendam suscepit, quod munus illum magnifice exercuisse Ruffinus narrat.

Ruffinus
Lib. 2.
Cap. 9.

§ V. Quo tempore & anno baptisatus sit Basilius Magnus, certo non constat, credibile attamen eum circa annum 357. idque post reditum Athenis mysteriis fuisse initiatum; testatur autem ipse Basilius a viro, qui diu in ministerio Dei vixit se baptisatum fuisse, atque ministerio Ecclesiæ admotum, hic autem erat Dianius Cæsariensis Episcopus. Nam cum is ab anno saltem 341. quo interfuit Concilio Antiocheno usque ad annum 362. Ecclesiam

S. Basil.
Lib. de
Spiritu S.
Cap. 29.
Nro 71.

Cæsariensem rexit. Dilationis vero baptismi illius causa erat, ne tam eximium donum adolescentiæ naufragio exponeretur præsertim, cum Constantinopolim, & Athenas missus est, quibus in Urbibus perpetua innocentiae, & Fidei pericula imminebant, sequaciter cum sese a mundi

S. Basil.
Epist. 223.

scena abstraxit, tum demum baptisatus fuit. Ipsemet sanctus Basilus declarat, se intimos pietatis sensus concipere & quidquid sordium ex profanis studiis & hominum improborum consuetudine conceperat, excutere cœpisse, cum sua omnia pauperibus distribuere, ac in solitudinem sese recipere vitamque Monasticam amplecti statuit. Quod ipsum opere etiam eundem complevisse sequentia edocent.

C A P U T II.

§ I.

Sanctum Basilium vere fuisse Monachum, universa recognovit antiquitas, neque de eo ullus dubium obmoverat hactenus: Solus Thomassinus scriptor nova quadam concepta opinione Monastici instituti professionem Basilii invidens negat illum vere fuisse Monachum. Novella hæc opinio, quæ etiam nonnullis arridere videtur, sequentibus refellitur. Et quidem

S. Basil.
Epist. 223.
Nro 2.
alias Epist.
79.

Primo propria ipsius sancti Basilii falsione: Sic enim susceptum a se Monasticæ vitæ propositum exponit: „Ego cum multa temporis impendissem vanitati, totamque „fere juventutem meam perdidissem inani labore, quem
indi-

„ indiscendis infatuatæ a Deo sapientiæ disciplinis occu-
„ patus suscipiebam, ubi tandem aliquando veluti ex alto
„ somno expergefactus, respexi ad lumen admirabile ve-
„ ritatis Evangelii, ac vidi inutilitatem sapientiæ princi-
„ pum hujus seculi, qui destruuntur: Miserabilem vitam
„ meam plurimum deslens, optabam dari mihi discipli-
„ nam, quæ me ad pietatis dogmata introduceret. Ac
„ mihi quidem ante omnia curæ erat, ut emendationem
„ aliquam morum facerem, quos diuturna cum impro-
„ bis consuetudo perverterat. Itaque cum legissem Evan-
„ gelium, ibique perspexissem plurimum ad perfectionem
„ valere, bona sua divendere, & cum egenis fratribus
„ communicare, ac nulla prorsus hujus vitæ solitudine
„ distringi, nec ulla affectione ad res terrenas animo con-
„ verti, cupiebam invenire aliquem ex fratribus, qui
„ hanc vitæ viam elegisset, ut una cum ipso brevem hu-
„ jus vitæ fluctum transfigerem. Ac multos quidem inveni
„ Alexandriæ, multos etiam in reliqua Ægypto: & in
„ Palestina, alios & Cælesyria ac Mesopotamia: quorum
„ mirabar abstinentiam in victu, mirabar tolerantiam in
„ laboribus stupebam ad Constantiam in precibus, quo-
„ modo somnum superarent, naturali nulla necessitate in-
„ fracti — — in fame & siti, in frigore, & nuditate,
„ nusquam ad corpus conversi, nec ullam ei curam inpen-
„ dere volentes, sed tamquam in aliena carne viventes
„ reipsa ostenderent, quid sit in hac vita peregrinari, &
„ quid civitatem in cælo habere. Hæc cum mirarer, ac
„ beatam putarem virorum vitam, quod factis osten-

„derent se mortificationem Jesu in corpore circumferre,
 „optabam & ipse, quantum possem attingere, imitator
 „esse hominum illorum. Quamobrem cum vidissem non
 „nullos in patria imitari illorum instituta conantes, mihi
 „visus sum adjumenti aliquid reperisse ad meam salutem,
 „& indicium ducebam eorum, quæ non videntur ea, quæ
 „videntur.”

En! quam clare Basilius fatetur se statuisse bona sua omnia vendere, & pauperibus distribuere, & eatenus quaerit aliquem ex fratribus, qui Monasticum Institutum profiteatur, & cum eo brevem hujus vitæ fluctum transeat; quem in finem peragrat regiones diversas, Alexandriam, totamque Ægyptum, Palestinam, Cælesyriam ac Mesopotamiam: Ubi reperit quam plurimos Monachos factis remonstrantes se mortificationem Jesu in corpore circumferre, horumque optat esse imitator. Quis igitur dicet eum ab incepto turpiter defecisse? & quæ statuta, ac deliberata habuerat, minime perfecisse? tamque inconsistentem, ac arundini vento agitatæ similem existitisse? Perfecit omnino complevitque opere, quæ prius statuerat, exuens se omnibus facultatibus: Id enim de se fatetur ipsemet sanctus Basil.

S. Basil.
 Epist. 36.

„Ego, inquit, nihil proprium habeo, sed amicorum, & propinquorum rebus sustentor.” Id ipsum loquitur (Epist. 37.) interponens se pro quodam Presbytero, suo collactaneo, ne ejus domus novo quodam censu gravaretur, unde sustentari solebat: „Precor, inquit, ut domus, in qua fui enutritus, in eodem statu permaneat —
 „— quia etiamnum ex eadem domo alor, nihil habens

„meo-

„ meorum, sed charorum sustentatus facultatibus, precor,
 „ ut huic domui, ita parcas, ut mihi alimenti copiam
 „ conservaturus.” Cuidam Magistratui ita scribens: Cun-
 ctis itaque facultatibus Monasticæ Professionis vigore se
 ita spoliaverat Basilius, ut proprii nihil omnino amplius
 in vita sua possederit. Hinc modesto cuidam Valentis Im-
 peratoris præfecto exilium sibi minanti audacter respondit: S. Greg.
 „ Nihil, inquit, possidens, ab exilii metu liber sum.” Nis- Naz. Orat.
 senus quoque testatur Basilium ab initio statuisse nihil pos- de S. Basi-
 sidere, & petram immobilem fuisse hoc consilium. Deni- lio.
 que idem discimus ex Nazianzeno: „ eundem omnibus S. Greg.
 „ facultatibus, quas unquam habuerat, æquo animo proje- Niss. in S.
 „ ctis, leviter facileque vitæ pelagus transmisisse.” Basil. pag.
 488.

§ II. „ Sanctus Gregorius Nissenus testatur quidem S. Greg.
 „ sanctum Basilium patrimonium pauperibus & ante Sacer- Niss. in Eu-
 „ dotium distribuisse, & maxime famis tempore, cum ad- nomum
 „ huc esset in Presbyterorum ordine, nec postea eorum, pag. 307.
 „ quæ residua fuerant, minus liberalem fuisse.” Attamen
 inde inferri nequit, eundem non omnia, quorum tunc actua-
 lis Possessor exstitit illico distribuisse, sed sibi quidpiam
 reservasse: Et enim extra omne dubium est, Basilium id
 sedulo observasse, quod præscripsit aliis in Regulis suis
 tum fustioribus, tum etiam brevioribus, neque eum hac in
 re inferiorem fuisse Macrina sorore sua, quæ se ex bonis Vita S.
 æqua parte inter ipsam, ac fratres divisit nihil sibi reli- Macrinæ
 quum fecisse testatur, sed omnia per manus Sacerdotis se- pag. 192.
 cundum divinum Præceptum distribuisse. Quam vero alie-
 nus ab hac dissolutione, quæ illi affingitur, fuerit Basilius,

ex hoc Cæsiani testimonio perspicitur: „ Fertur sententia,
 „ inquit, sancti Basilii Cæsariensis Episcopi ad quemdam
 „ prolata syncretium tali quo diximus tepore torpentem,
 „ qui cum se renuntiasse diceret huic mundo, quædam sibi
 „ de propriis facultatibus reservavit, nolens exercitio ma-
 „ nuum suarum sustentari, & humilitatem veram nuditate,
 „ & operis contritione, Monasteriique subjectione conqui-

Cæsian. „ rere. Et Senatorem, inquit, syncreti perdidisti, & Mo-
 Instit. Lib.
 7. Cap. 19. „ nachum non fecisti.

§ III. Illud autem, quod asserit Nissenus, Basilium
 postea eorum, quæ reliqua erant, non minus liberalem
 fuisse, facile explicatur. Etenim Basilus amplam hære-
 ditatem non statim totam percepit, sed nonnulla serius, ut
 in ejusmodi rebus fieri solet, in ejus manns pervenerunt,
 & signanter materna hæreditas, quam post obitum S. Em-
 meliæ matris suæ recte tempore famis perceperat; hinc
 facile perspicitur, quomodo, qui se jam antea omnibus re-
 bus nudaverat, idem tunc charitatis specimen renovaverit
 Basilus. Verum quid opus est exquisitis argumentis in re
 tam manifesta? Monasticæ professionis Basilii habemus cer-
 tissimum monumentum, ipsas Regulas ab eo Institutas, quæ
 severissime præcipiunt, res omnes simpliciter relinquendas
 esse, atque ei, qui semel inter fratres Monasterii adscriptus
 est, nullum prorsus exeundi locum relinquunt, sed Sacri-
 legium esse declarant, qui ad aliud vitæ genus transit, ut
 qui denarium Deo consecratum abstulerit, quibus votis Ba-
 silium non minus fuisse obstrictum, quam eos, quos re-
 gendos susceperat. Id ipsum innuit S. Basilus in Proœmio

in regulas longiores, quod sic incipit: „ Quoniam Deo ju-
vante in nomine Domini nostri Jesu Christi simul conve-
nimus nos, qui unum & idem pii instituti propositum
tenemus.” Certe Monachis Cæsariensibus professio S. Ba-
filii non erat dubia, cui cum magnæ molestiæ accidissent
ab Eusebio Episcopo, factam ei, ut suo Capiti, seu Supe-
riori injuriam graviter tulerunt, ut exponit Nazianzenus: S. Nazian.
Magno, inquit, Basilio verbis factisque palam adversa- Orat. in S.
Basilium.
batur (Eusebius) eumque omnino ab Ecclesia repellere
conabatur, adversos tamen habuit Ascetas, quorum Ca-
put erat Basilius.”

Denique S. Basilium cum Gregorio Nazianzeno vitam
solitariam seu Monasticam fuisse amplexum referunt: Ruf-
finus Lib. 2. Cap. 9. Socrates Libro 4. Cap. 21. Sozome-
nus Lib. 6. Cap. 17.

§ IV. Dices Thomassinus? Basilium voluntaria pie-
tate perfecisse, quæ Monachi imposita votorum necessitate
faciunt. Id quidem tu, sed sine fundamento dicere potes,
quemadmodum ex præmissis luce meridiana clarius patet.
Cæterum si attentius decimum nonum S. Basilii Canonem
legisses, neutiquam in hunc incidisses errorem: „ Virorum, S. Basil.
inquit, professiones non novimus præterquam, si qui se Epist. 199.
Can. 19.
ipsi Monachorum Ordini adscripserint, qui quidem tacite
vitam coelibem videntur suscipere. Verum tamen in il-
lis quoque illud præmitti oportere, ut ipsi interogentur,
accipiaturque eorum professio clara, ac perspicua; ut
cum se ad libidinosam, & voluptariam vitam converte-
rint eorum, qui fornicantur, punitioni subjiciantur.” Hinc

in Regula fusiori interrogatione X. & Epistola 23. quæ ante Canones scriptæ sunt, non alia præscribitur professio his, qui Monasticam vitam amplectuntur, nisi ut Fratrum Ordini post legitimam approbationem adscribantur. Hujus autem tacitæ professionis non minus erant stricta vincula, quam illius claræ & perspicuæ. Nam Basilus ut præmissum est, eum, qui se dicavit Deo, & deinde ad aliud vitæ genus transiit, factum esse Sacrilegium, & consecratum Deo denarium abstulisse pronuntiat. Cum igitur sanctus

+Ruffinus
Libro 2.
Cap. 9.

Basilus Monachorum Ordini adscriptus fuerit, ac eidem etiam præfuerit, Monastica illius professio est omnino innegabilis. Absurdumque est clare & nominatim conceptæ professionis necessitatem ei imponere, quæ illis temporibus omiſſa, saltem in Cappadocia, nihil de votorum vi detrahebat.

§ V. Finitis peregrinationibus, quas Vir sanctus terra marique susceperat, ac Ægypti, Orientisque Monasteriis eum in finem visitatis, ut perfecta virtutum exempla ad immitandum haberet, repertisque sanctissimis Monachis Alexandriae, & in reliqua Ægypto, ac in Palestina & Cælesyria & Mesopotamia: quorum miratus est in laboribus perferendis animi fortitudinem, & in orando constantiam: Stupebat cum eos videret somnum superare, nec ulla naturali necessitate inflecti, sed in fame, & siti, in frigore & nuditate indomitum animi robur servare, & tamquam aliena in carne vivere; reversus est in patriam, ac paulo post

S. Greg.
Nissen. vit.
Macrin.

secessit in montem quemdam ad ripas Iridis fluvii, qui ex Armenia ortus Pontum irrigat, & in Euxinum Pontum de-

labitur. Ad alteram fluvii ripam sita erat Villa Annesos vocata, in qua Basilius apud Aviam Macrinam educatus fuerat; hæc Villa paterna hæreditas Familiæ S. Basili fuit, in qua a Virgine Macrina constructum Virginum seu Monialium Monasterium erat.

§ VI. Itaque exemplum supra factorum Monachorum secutus rebus omnibus ita se nudaverat Basilius, ut nihil prorsus haberet præter corpus, & necessaria corporis integumenta. Nemo tanta inedia exstitit: Erat illi, inquit, S. Greg. sanctus Nazianzenus, tunica & pallium unum, & stratus Naz. Orat. 20. de S. humilectulus, & vigiliæ (illa ejus decora, & ornamenta,) Basilio pagina 357. & suavissima cœna; & obsonium panis, & sal, novum in-358. quam illud condimentum, & potio sobria, & uberrima, quam nobis nihil laborantibus fontes profundunt. „ Sanctus quoque Gregorius Nissenus testatur eum parcissimi S. Greg. Nissen. in S. Basili-um pag. 490. 496. „ cibi fuisse, & cum carne sua non aliter, quam cum servo fugitivo inexorabilem dominum egisse. Victum ei ex ipsa domo, in qua nutritus erat, mater benigne providit, saltem postquam ad Presbyterii gradum evectus est. Nam maximam partem servitiorum illius domus Presbytero cui-dam Dorotheo nomine, qui Basili collactaneus erat, ejus- S. Basl. que nutricis unicus filius, ea conditione tradidit, ut Basl. Epist. 37. 38. lio alimenta suppeditaret, sic autem tradidit, ut nequam donum esset, sed usus pervitam.

CAPUT III.

*Sanctus Basilius Vitæ Coenobiticæ, Author
in Ponto et Cappadocia.*

§ I.

S. Nazian.
Orat. seu
Melodia
de S. Basi-
lio.

U^t autem non solum sibi, sed & aliis quoque proficeret
„ Basilius, primus, testante Nazianzeno, Cœnobia ex-
„ cogitavit, Ritumque illum Monachorum antiquum, at-
„ que agrestem ad ordinem quemdam, formulamque re-
„ ligioni propiorem reduxit; cum enim animadvertisset
„ eos, qui in communi vita, hoc est, inter alios mixtim
„ agunt, Monasticam licet abstinentiam servant, aliis quidem
„ utiles, sibi vero nequaquam existere, cum in multis eos
„ necesse sit versari malis, eos vero qui in solitudine procul
„ ab aliis agunt, firmiores sane proposito, magisque Deo con-
„ junctos, quam supradictos vidit, attamen sibi tantum uti-
„ les, cum rerum, experientiam nequaquam teneant, nec
„ cum, aliis commercium ullum habeant, utrumque vitæ
„ genus conjungere conatus est, pietatis nimirum Gymna-
„ sia, & Monasteria exstruens, non tamen longe discrepan-
„ tia ab aliis, qui societatem colunt, & permiscentur, nec
„ velut muro quopiam interjecto hæc instituta distinguens,
„ atque a se invicem superans, verum prope conjungens,
„ ac dirimens, ut nec contemplatio communicationis ex-
„ pers esset, nec actio contemplatione careret.

§ II. Id ipsum confirmari potest ex Basilii Epistola
207. Nro 2. Oderant eum Neo-Cæsarienses, odii causæ

ina-

inanes, & absurdæ fingeantur, psalendi ritus Monastici in Ecclesia Cæsariensi, & Basilii Cœnobio. Certe nunquam Basilium eo nomine inculassent, si ante eum hoc institutum in Ponto existisset, erat quidem Eustatius quidam Monachus discipulos suos habens; verum hi non fuerunt Cœnobitæ, sed soli hinc inde vixerunt, de quibus ipse sanctus Basilius ait se vidisse in patria sua nonnullos, qui Monasticum institutum profitebantur. Quin etiam Basilius, ut invidiam a se propulset, novi hujus instituti, quod maximam laudem merebatur, nequaquam exempla ad suam defensionem repetit ex Ponti, Cappadociæ, aut finitimarum gentium Ecclesiis, sed ait se audivisse talem esse in Egypto Virorum virtutem, fortasse etiam nonnullos in Palæstina Evangelicam vitam excolere, & rursus aliquos in Mesopotamia beatos esse, & perfectos Viros, non ergo Cœnobio in Ponto ante Basilium existerunt.

S. Basil.
Epist. 223.

§ III. Ubi primum secessus delicias degustavit Basilius, Gregorium Nazianzenum loci descriptione conatus est allicere, præterea exposuit vivendi rationem, diuturnas, ac nocturnas preces, lectionem scripturarum, laboremque manuum describens, sed tunc forte, cum uno, alterove, ex Eustathii discipulis ibidem degebat, ut alii harum Regionum Ascetæ, ac proinde Basilii Monasterium non statim Cœnobii formam habuit. Verum cito ad eum multi confluxerunt, seque illi in disciplinam tradiderunt, ejusmodi enim discipulos habebat Anno 360. a quibus nec ad brevissimum quidem tempus sine magna illorum molestia discedere poterat, ut perspicimus ex Epistola 8. Jam illius

S. Basil.
Epist. 2.

Monasterium suis numeris absolutum erat, cum Gregorius S. Greg. Nazianz. Epist. 9. ad eum se contulerat. Nam inter ea, quæ se in hoc Monasterio vidisse memorat, laudat imprimis fratrum, quos Basilus ad pietatem instituebat, eximiam concordiam, meminit Psalmorum, & Hymnorum, ex quibus miram suavitatem perceperat. Non sine lepore meminit in alia Epistola 8. pauperis vitæ, quam ibi traduxerat, cum panis adeo durus apponeretur, ut dentes frangeret, ac tanta esset omnium rerum inopia, ut nisi Mater Basilii oportune succurrisset, fame moriendum fuisset. Commemorat etiam laborem manuum, Augiæ simum e domo exportatum, ut horti steriles implerentur, ac immane plausitum sua, & Basilii cervice, manibusque tractum, ut locus præruptus æquaretur. His addit lignorum transportationes, & lapidicinas, arborum consitiones, & irrigationes, imprimis vero platanum sua manu plantatam. Quod super erat otii ab Asceticæ vitæ muniis, impendebant in meditandis sacris literis, & cum in hoc studio plus antiquis Scriptoribus, quam ingenio suo tribuerent, collegerunt ex origine plurima observatione digna, quæ in unum corpus redacta Philocaliam appellaverunt. Hunc librum dono misit Georgius S. Greg. Nazianz. Epist. 87. Theodoro Thyanensi, ut opus sibi cum S. Basilio commune.

CAPUT IV.

Sanctus Basilius in promovendis Ecclesiæ utilitatibus sedulus fuit.

§ I.

Assumpto instituto ejusmodi, in quo & meditari posset, ut Anachoretæ & prodesse, ut Migades, segnis non fuit Basilius in promovendis Ecclesiæ utilitatibus, laboresque ejus Monasterii finibus non continebantur. „Basilii Ponti Urbes inquit Ruffinus, & rura circumiens, Ruffin. „desides gentis illius animos, & parum de spe futura Libro 2. „solicitos, stimulare verbis, & prædicatione succendere Cap. 9. „callumque ab his longe negligentia cœpit abolere: subegitque abjectis inanum rerum, & secularium curis, suimet notitiam recipere, in unum coire, Monasteria construere Psalmis, & Hymnis & Orationibus docuit vacare, pauperum curam gerere eisque habitacula honesta, & quæ ad victum necessaria sunt, præbere, Virgines instituere, pudicam, castamque vitam omnibus pene desiderabilem facere. Ita brevi permutata est totius provinciae facies, ut in arido, & squalenti Campo videretur seges fecunda, ac læta vinea surrexisse.” Testatur etiam Zozomenus Basilium Ponti Urbes circumcuntem multa illic ædificasse Monasteria, & populis prædicantem, ut eandem cum ipso doctrinam fidei sequerentur, persuasisse. Hæc confirmari possunt utriusque Georgii te-

Zozom.
Libro 2.
Cap. 17.

S. Greg. Nissen. in
Basilium
pag. 488. *Simonis.* Testatur Nissenus solitudinem sub Basilio ad imitationem Joannis Baptistæ in Urbem conversam esse ob multitudinem eorum, qui ad Basilium consuebant. Gre-

S. Greg. Nazianz.
pag. 335. *gorius* Nazianzenus jam multa illum ad utilitatem Ecclesiæ novasse dicit, cum ad presbyteri gradum evectus est. Hunc multiplex Dei benignitas, inquit, cum multis antea rebus, gestis clarum effecisset, in sacrum Presbyterorum ordinem adscribit. Priusquam ad Sacerdotium fuisset promotus Basilius, multos exegit in Ponti solitudine annos, & patet ex Epistola ejus 210. „ Cum, inquit, civiles tumultus fugiens in hoc loco, quem ad Philosophandum ob solitudinis quietem idoneum esse cognoveram, annos plu-

Sozomen. „ res continuos consumpsi (annos 13. juxta Sozomenum)
Libro 6. „ & quia fratres nunc ibi habitant, brevem a negotiis, qui-
Cap. 17. „ bus detineor, respirationem nactus, lubens ad hanc solitudinem accessi, non ut inde alii negotia exhiberem, „ sed ut meo ipse morem gererem desiderio.”

§ II. Quo anno in Presbyterum sit ordinatus Basilius, non est una eruditorum sententia. Baronius & Hermantius existimant illum ordinatum fuisse eodem fere tempore ac. Gregorium, idque Anno 362. Alii statuunt serius Basilium fuisse ordinatum, quam Gregorium, & non

Nissenus a Dianio, ut quidam voluerunt, sed ab Eusebio Cæsareæ
Tom. 3. Anno 364. Evectus ad Sacerdotium Basilius locum, non
pag. 488. vero institutum mutavit. Quemadmodum enim ex solitudine Urbem effecerat studio juvandi proximi, ita in Urbe tamquam in solitudine versari sciebat, teste Nisseno, nec hominum frequentia, nec negotiorum multitudine, a pio,

& sancto vivendi genere avocatus. Magnum sane præsidium exstitit Ecclesiæ Cæsariensi in ejusmodi Presbytero, qui præter eloquentiam, qua Sophistas omnes illius ætatis longe superabat, per multos annos sese exercuerat in sacris Scripturis legendis, in meditanda, ac propugnanda Ecclesiæ doctrina, ac in omnibus Monastici instituti virtutibus excolendis.

§ III. Eo charior Eusebio Episcopo debuisset esse Basilius, quo magis eum in ferendo Episcopatus onere juvabat, sed quamvis Gregorius disensionis causam consulto taceat, videtur Basilii fama, & summus ingenii, & doctrinæ splendor oculos Eusebii læsisse. Erat enim Eusebius cætera quidem fortis, & pietate conspicuus Episcopus, ut persecutio declaravit; sed tamen recens in Cathedra collocatus, nondum omnes sæculi affectus deposuerat, ac humani aliquid passus est, & Basilium Presbyterum ab Ecclesiæ administratione non sine ignominia removit. Ducem suum sic injuria affectum, & rejectum Monachi Cæsarienses ferre non potuerunt, sed statim ab Episcopi communione recedere statuunt cum magna honoratorum plebisque parte. Interea Basilius hoc Schismate Ecclesiam dilacerari haud passus, consiliario utens, & hortatore Gregorio fugit cum illo in Pontum, & Monasteria, quæ illic erant, gubernat.

Nazianz.
pag. 340.

Idem
pag. 336.

§ IV. Secessio hæc Basilii digna fuit admiratione, sed multo dignior reductus exstitit. Valenti enim Imperatore Ariano anno 365. imminente cum Episcopis Arianis Cæsariensis Ecclesia in maximum periculum venerat propu-

Nazian.
Orat. 20.
pag. 338.

gnatore suo, ac defensore sermonis, & Spiritus præfidiis instructo destituta. Verum facta reconciliatione auctore eodem Gregoriô, statim accurrit Cæsaream Basilius, ac nullis prorsus stimulis reliquiis in animo residentibus totum se ad defensionem Ecclesiæ impendit: Omnia quippe simul præstat, inquit Gregorius, inimicitias deponit, consultat, aciem instruit, scandala, & offendicula, quæ in medio erant, submovet, cunctaque ea, quorum fiducia illi nos bello lacerandos putaverant. Alios assumit, alios retinet, alios propulsat. Aliis murus firmus, & vallum efficitur, aliis securis petram scindens, aut ignis in spinis, ut divina Scriptura loquitur, Sarmentitios homines, & in divinitatem contumeliosos facile absumens. Rediere ergo re infecta hæretici, tunc primum pudore suffusi, & victi, nec aliud quidquam ex tantis conatibus perceperunt, nisi ut invictum in defendenda Trinitatis fide Cappadocum animum perspicerent.

C A P U T V.

*Basiliî arctissima conjunctio cum Eusebio
Episcopo Cæsariensi.*

§ I.

Reportata ex hæresi victoria Basilium cum Eusebio tam arcte conjunxit, ut nec Episcopo molestum esset ab eo, quem dignitate superabat, scientia & eloquentia, & consilio, & virtute superari, nec Basilius ideo Episcopum

minus coleret, & observaret, quod eo tot esset partibus superior & præstantior. Præclarum hunc concentum describit Gregorius Nazianzenus. Quomodo autem Presbyteri munere perfunctus fuerit Basilius, sic narrat Nazianzenus. „ Jam vero ipsius erga Ecclesiam curæ ac præ-

„ fidii, quamquam multa alia quoque indicia sunt, liber-

„ tas ad Præsides, cum alios, tum potentissimos, quosque

„ civitatis, controversiarum diremptiones, nequaquam su-

„ spectæ, sed ab ejus voce formatæ, ac constitutæ, mo-

„ doque tamquam lege utentes, egentium patrocina, plura

„ quidem spiritualia, sed tamen corporea non pauca (nam

„ id quoque sæpe numero ad animam tendit per benevo-

„ lentiam subigens, ac velut in servitutem trahens) pau-

„ perum alendorum, hospitem excipiendorum, Virginum

„ curandarum studium, Monasticarum legum institutiones,

„ partim scripto, partim voce traditæ, præcum descriptio-

„ nes, Sacrarum concinnitates, ea denique omnia, quibus

„ quispiam vere Dei homo, ac Deo adjunctus, plebi pro-

„ desse queat.” Duo indicantur hoc loco insignia Basilii opera, Regulæ Monasticæ, ac Liturgia. Regulæ fusiores ante ordinationem scriptæ censentur. Nihil enim habent, ex quo Basilium tunc Presbyterum fuisse concludi posset: ait tantum sibi necesse esse justificationes Dei annuntiare, quod quidem Ascetæ discipulos instituenti convenit. Non ergo aliud opus indicat Gregorius (quam Regulas breviores) cum scriptas a Basilio Monastici Instituti leges commemorat. In præmio enim Regularum breviorum manifeste indicatur Sacerdotium, cum ait: „ Necesse est nos

S. Greg.
Naz. Or.
20. pag.

339.

S. Greg.
Nazianz.
Epist. 9.

„ quidem , quibus creditum est munus docendi , paratos
 „ esse omni tempore , & promptos ad instruendas perfi-
 „ ciendasque animas , & modo publice coram tota Eccle-
 „ sia contestari , modo privatim permittere unicuique eo-
 „ rum , qui ad nos accesserint , & suo arbitratu nos inte-
 „ rogare possint.”

S. Basilii
 Regulæ fu-
 flores 55.
 Breiores
 Nro 313.

Epist. 22.
 alias 411.

§ II. Regulæ fufius tractatæ sunt 55. Breiores vero
 313. Consule benevole Lector codicem S. Basilii. Non-
 dum Regulas scripferat Basiliius, sed scribendi jam consi-
 lium cœperat, cum Epistolam 22. exaravit, quæ est de
 perfectione vitæ Monasticæ. In ipso enim exordio testatur,
 cum multa sint, quæ a Scriptura Sacra præcipiuntur, sed
 de his interim, de quibus commota quæstio fuerat, bre-
 vem admonitionem subjecturum, non apposis scripturæ
 testimoniis, sed lectori ad agnoscendum relictis. Nemo est
 sane, qui si ejusmodi exordium legat attentius, non facile
 perspiciat Basilium, cum magnum aliquod de Institutis Mo-
 nasticis opus meditaretur, in quo apponenda erant scripturæ
 testimonia, hæc interim breviter præcepta tradidisse. Epi-
 stolæ hujus tenor sequens :

§ III. „ Multa cum sint, quæ divinitus inspirata scri-
 „ ptura iis, qui Deo student placere, observanda declarat ;
 „ de his solis interim, de quibus nunc apud vos commota
 „ quæstio est, ut didici ex ipsa sacra Scriptura, brevem ad-
 „ monitionem subicere necessarium esse duxi : ita, ut de
 „ quaque re testimonium, haud sane ad percipiendum diffi-
 „ cile, agnoscendum iis relinquam, qui in legendo exer-
 „ centur, & alios submonere poterunt. Oportet Christia-

„ num ea, quæ vocatione cœlesti digna sunt, sentire, ac
„ dignam Evangelio Christi vitam degere. Non oportet
„ Christianum animo evagari, neque ulla re a recordatione
„ Dei, ejusque placitorum, & judiciorum abduci. Oportet
„ Christianum justificationes legis in omnibus transcenden-
„ tem, neque jurare, neque mentiri. Non oportet blasphe-
„ mare: non contumelia afficere: non pugnare: non semet
„ ipsum ulcisci: non malum pro malo reddere; non irasci.
„ Oportet quacumque læsum injuria patientem esse, atque
„ tempestive eum, qui læsit redarguere, non propriæ vindi-
„ ctæ studio, sed correctionis fraternæ secundum manda-
„ tum Domini. Non oportet in absentem fratrem quid-
„ quam dicere, illius traducendi consilio, quodquidem ob-
„ trectatio est, etiamsi vera sint, quæ dicuntur. Aversari
„ de fratre detrahentem oportet. Scurrilia non profe-
„ renda. Non ridendum, nec perferendi dicaces. Non
„ loquendum otiose, aliquid proferendo, quod nec ad uti-
„ litatem audientium pertineat, nec ad necessarium & con-
„ cessum nobis a Deo usum: adeo, ut & laborantes stu-
„ deant, quantum fieri potest, silentio laborare; bonos
„ autem ipsos sermones iis proponant, quibus commissum
„ est prudenter dispensare sermonem ad ædificationem fi-
„ dei; ne sanctus Dei spiritus afficiatur tristitia. Non opor-
„ tet, ut quisquam ex supervenientibus libere accedat ad
„ fratrum aliquem aut colloquatur, antequam, ii quibus
„ cura disciplinæ in omnibus servandæ commissa est, ex-
„ penderint an ita placeat Deo, ut aliis prodesse possit.
„ Non oportet vino inservire, neque carnis teneri deside-
rio,

„rio, nec ullo prorsus in cibo, aut potu voluptatem quæ-
„rere; nam qui certat, servat temperantiam in omnibus.
„Nihil eorum, quæ utenda unicuique traduntur, oportet
„habere, ut proprium, aut reservare; sed tamen quod
„spectat ad curam, & sollicitudinem, omnibus, ut ad
„Dominum pertinentibus, attendentem, nihil eorum, quæ
„projecta aut neglecta sunt, si ita acciderit, præterire.
„Non oportet quemquam vel sui ipsius dominum esse, sed
„velut a Deo traditum in servitutem fratribus unanimis,
„ita & sentire omnia, & facere; unumquemque tamen in
„suo ordine. Non oportet murmurare, nec in rerum ne-
„cessariarum angustiis, nec in operum labore, quando-
„quidem unumquodque iudicii est eorum, quibus com-
„missa rerum illarum potestas. Nec clamor fieri debet,
„nec quævis alia species, aut motus ex quo significetur
„iracundia, aut animi aberratio ab hac persuasione;
„Deum esse præsentem. Oportet vocem usu metiri. Non
„oportet petulanter, aut contemtim cuiquam respondere,
„aut quiquam facere, sed in omnibus modestiam, atque
„reverentiam, erga omnes ostendere. Non oculis in-
„nuendum est eum dolo; nec alia quælibet species ad-
„hibenda, aut membri motus, qui fratri afferat tristitiam
„aut contemptum indicet. Ornatus in vestibus aut cal-
„ceis quæri non debet; quod quidem vana ostentatio est,
„Viliora quæque adhibenda ad usum corporis. Nihil
„ultra id quod necessarium est, aut ad magnificentiam
„insumendum; quod quidem abusus est. Honor exqui-
„rendus non est, aut ambiendus primatus. Debet unus-

quis-

„ quisque cæteros sibi anteferre. Non oportet inobsequen-
„ tem esse. Non oportet otiosum comedere eum, qui la-
„ borare potest: sed & qui occupatur in eorum aliquo,
„ quæ ad Christi gloriam præclare sunt, vim sibiipfi fa-
„ cere debet ad studium operis pro viribus conficiendi.
„ Oportet unumquemque, præpositis approbantibus, cum
„ ratione, & animi persuasione ita omnia facere, usque
„ ad ipsum etiam esum, & potum, ut ad Dei glo-
„ riam referenda. Non oportet ab uno ad alium labo-
„ rem transire, citra approbationem eorum, qui sunt re-
„ bus ejusmodi moderandis præpositi; nisi quempiam in-
„ eluctabilis necessitas ad auxilium debilioris subito vo-
„ caverit: debet unusquisque manere in eo, quod ipsi præ-
„ scriptum est; nec propriam mensuram transgrediens,
„ aggredi non præscripta: nisi ii, quibus hæc commissa
„ sunt, aliquem auxilio indigere judicaverint. Non oportet
„ reperiri quempiam ab alia officina in aliam abeun-
„ tem. Nihil ex contentionis studio, aut ex similitate
„ cum aliquo suscepta faciendum: Invidendum non est al-
„ terius laudi, neque cujusquam vitii lætandum. Opor-
„ tet in charitate Christi dolere, & affligari de fratris vi-
„ tiis, gaudere vero ob illius recte facta. Non oportet
„ indifferentem esse erga peccantes, aut silentio eos to-
„ lerare. Oportet, ut qui redarguit, cum omni commi-
„ seratione redarguat ex Dei timore, & eo consilio, ut
„ convertat peccantem. Oportet, ut qui redarguitur aut
„ increpatur libenter id accipiat, suam ipsius in increpa-
„ tione utilitatem agnoscens. Non oportet, ut cum aliquis

„ accusatur alius coram illo aut coram aliis nonnullis con-
„ tradicat accusanti. Quodsi quando accusatio videatur ali-
„ cui a ratione aliena, privatim coarguentem interrogare
„ debet, atque aut persuadere aut persuaderi. Oportet
„ unumquemque quantum in se est, ei qui adversum se ali-
„ quid habuerit, mederi. Non succensendum ei quem pec-
„ casse pœnitet, sed ex corde condonandum. Oportet eum,
„ qui peccati pœnitere se dicit, non compungi solum ob
„ peccatum admissum, sed fructus etiam pœnitentiæ di-
„ gnos facere. Qui pro prioribus peccatis correptus est,
„ ac veniam consequutus, is si rursus peccaverit, dete-
„ rius priore comparat sibi metipsi iudicium iræ. Qui post
„ primam & alteram admonitionem permanet in delicto suo
„ indicandus præposito, si forte eum a pluribus corre-
„ ptum pudeat. Quod si ne sic quidem emendatus fuerit,
„ deinceps exscindendus est, ut scandalum, atque haben-
„ dus pro ethnico, & publicano ad securitatem eorum,
„ qui obedientiam sibi studio habent, secundum id, quod
„ dictum est; Impiis cadentibus iusti timore corripuntur.
„ Sed & deslendus est, ut membrum a corpore abscissum.
„ Non oportet in iracundia fratris solem occidere, ne nox
„ utrumque separet, ac in die iudicii crimen ineluctabile
„ relinquat. Tempus non protrahendum ad sui emenda-
„ tionem, eo quod non constet de crastina; quippe cum
„ multi post multa consilia, crastinum non adepti sunt.
„ Non oportet ventris satietate decipi, ex qua imagines
„ nocturnæ nascuntur. Non oportet distrahi opere immo-
„ derato, nec debet quisquam frugalitatis terminos exce-
dere

„dēre secundum Apostolum dicentem: „*Habentes autem* 1. Tim.
 „*alimenta & quibus tegamur, his contenti erimus;* pro. 6. 8.
 „pterea quod copia ultra necessitatem perducta imaginem
 „avaritiæ exhibet; avaritia vero idololatriæ nomine da-
 „mmetur. Non oportet argenti cupidem esse, neque the-
 „sauros colligere in res inutiles, quæ non convenient
 „Oportet, ut, qui ad Deum accedit, paupertatem am-
 „plectatur in omnibus, & confixus sit timore Dei, secun-
 „dum eum, qui dicit: *Confige timore tuo carnes meas;* Psalm.
 „*a iudicis enim tuis timui.* Det autem Dominus, ut 118. 120.
 „quæ diximus cum omni animi persuasione suscipientes, ad
 „Dei gloriam dignos fructus Spiritus, Dei beneplacito,
 „atque Domini nostri Jesu Christi auxilio ostendatis,
 „Amen.”

§ IV. Vixit autem Cæsareæ Basilius non in domo Epi-
 scopi, sed in Monasterio Presbyter, id perspicitur ex Re-
 gulis Monasticis, quarum Author cum Sacerdotio Monasti-
 cum Institutum conjungebat; huicque Monasterio idem præ-
 fuisse videtur: Etenim in Epistola 81 insignis ex urbis Pres-
 byterio Sacerdos in Ascetica, & continenti vita hactenus
 vixisse, & ex labore manuum sibi cum fratribus simul de-
 gentibus victum dicitur comparare. Denique Basilius stu-
 dium excipiendorum hospitem laudat Gregorius quo quidem
 officio in privatis ædibus & in summa rerum inopia, ad-
 quam se lubens redegerat, vix perfungi potuisset.

§ V. Eusebio Episcopo Cæsariensi Anno 370. in mani-
 bus Basilius mortuo, nemo sane tanta Sede dignior erat Ba-
 filio. Neminem latebant eximia doctrinæ & sanctitatis or-

namenta: Spectata omnibus erant summa de Ecclesia Cæsariensi merita, cujus administrandæ jam plurimas partes ab Episcopo commissas sustinuerat. Sed tamen quo minus hoc lumen excelso loco collocaretur, plurima obstiterunt, ea tamen Gregorius Nazianzi Episcopus omni studio removere satagebat. Scribit Clero, & Monachis, & honoratis, & Curiæ, & universæ plebi, neminem Basilio præferri debere, eumque coram Deo teste asseverat & vitæ, & doctrinæ sanctitate vel solum, vel omnium maxime aptum esse, qui Ecclesiam his molestissimis temporibus gubernet, neque illius corporis debilitatem ob stare debere, cum Episcopus quæretur, non Athleta, ac præterea Dei virtus in ejusmodi infirmitate eluceat. Has seniculi Patris sui literas indicat Gregorius, cum ait: Literas scribebat, monebat, populum conciliabat Sacerdotes, cum alios, tum eos, qui altaris sunt, obtestabatur &c. Videbatur hanc ab eo sollicitudinem pascere hujus Ecclesiæ status: Erat enim magna animorum dissensio. Basilium omnibus præferebant, selectissima & purissima pars populi, universus Clerus, & Monachi, sed invidebant & appugnabant Magistratus, ac infimæ plebis perditissimi, quique cum Magistratibus conjuncti, & quod inimicis religionis jocandi materiam dabat, ipsi etiam Episcopi. Erat omnino metuendum, ne Arianî, semper insidias Ecclesiæ Cæsariensi struentes eandem dissensionibus laborantem occuparent, & everterent. Accurrit etiam sanctus Eusebius Samosatenus. Et vicit abunde Spiritus Sanctus per Eusebium, & Gregorium, qui cum vehiculo, tamquam mortuus feretro, impositus fuisset, ex

labore vires traxit, & cum rem egregie administrasset, ac dimicasset, Basiliumque in Throno collocasset, firmus ac valens domum rediit.

§ VI. Quo anno sanctus Basilius consecratus fuerit in Episcopum, dissentiunt Critici; Baronius, & Bollandus Anno 369. ordinatum fuisse contendunt, Anno 370. Petavius & Tillemontius. Constat tamen sanctum Basilium Ecclesiæ Cæsariensi octo annos præfuisse, & nonum incæpisse. Evectus ad tantam Sedem Basilius, antequam se in pacificationem Ecclesiarum interponeret, domesticis se finibus con-

traxit, ac primas Episcopatus sui curas in componendis suæ Ecclesiæ moribus, ac colligenda Episcoporum Cappadociæ gratia insumpsit. Testatur Gregorius Nazianzenus, Episcopatum in Basilio non habuisse incrementum virtutum, sed operationem latius patentem, quippe cum uberiorem materiam potestas suppeditaret; quare ex iis, quæ ab eo Presbytero gesta narrantur, spectari potest quid Episcopus gesserit. Non modici, ut illis temporibus erant Cæsariensis Ecclesiæ redditus, sed Basilius inter has opes pauperrimus (vi Monastici instituti) sua omnia pauperum esse ducebat. Sic illius paupertatem, & austerum vivendi genus prædicat Gregorius: Nempe tunicam unam, pallium unum, vigiliis, obsonium, panem, & salem, ut hæc in Episcopatu etiam non intermissa, & in nullo mitigata fuisse videantur. Sicque institutum Monasticum juxta Regulas a se conditas ad mortem usque ad amussim constanter observasse. Certe ipse Basilius coram modesto Valentis præfecto dicebat, nihil prorsus sibi esse præter laceros, &

Nazianz.
Carm. 65.
pag. 153.

Nissen.
vit. S. Mart.
pag. 177.

S. Greg.
Nazianz.
Orat. 20.
pag. 343.

S. Greg.
Nazianz.
Orat. 20.
pag. 356.

detritos pannos, & paucos libros, sicque viventi facile erat in pauperes prolixum esse, ac liberalem. Quanto vero Sanctitatis in anima, & corpore servandæ studio teneretur, perspicui potest ex his Cassiani verbis: „ Fertur sancti „ Basili, inquit, Cæsariensis Episcopi districta sententia.

Cassian. „ Et mulierem, inquit, ignoro, & Virgo non sum. In
Instit. Lib. „ tantum intellexit incorruptionem Carnis non tam in mu-
6. Cap. 19. „ lieris esse abstinentia, quam in integritate cordis, quæ
„ vere incorruptam perpetuo sanctimoniam incorporis, vel
S. Greg. „ timore Dei, vel amore castitatis custodiat. Integer cor-
Nazianz. „ pore, & omnis expers libidinis perpetuo permansit Ba-
Monodia „ filius, testante Gregorio cum nulla magis virtus Angelis
in vitam „ cœlestibus æquiparari possit; quam etsi quidam matri-
S. Basi- „ monio inferiorem putarunt, quod humanum genus ex ea
lii M. „ deficere videtur, magnopere tamen errarunt. Nec Deus
„ ipse, nisi discipulis suis, & se planè sequentibus tradere:
„ voluisset exemplum, Virgo ex Virgine natus permansisset.
„ Basilius igitur hanc adeo dilexit, ut de vera virginitate
„ sermonem etiam conscripserit, per quem corporis pulchri-
„ tudinem in animæ decorem transfert. Omnis enim glo-
„ ria filiae regis ab intus. Hucusque Gregorius.”

CAPUT VI.

*Res fortiter gestæ Monachorum pro Ecclesia
Dei, ac salute animarum.*

§ 1.

Sublimitatem Monastici Status ex hoc quadripartito opusculo meo poteris jam luculenter perspicere, benevole Lector! Addo adhuc strenuos labores, certamina, pericula, ipsas etiam mortes, quæ pro defensione Fidei Catholice, ac animarum salute zelose, ac fortiter sustinuerunt Venerabiles Monachi: Sub Valentis imperio, quanta hi passi sint ab hæreticis Arianis, sanctus Basilius Magnus, si nosse cupis, te docebit. Plenæ erant solitudines, quo eos in exilium Arianus Imperator abjecerat.

Juxta ordinem novum.

S. Basil.

Epist. 256.

& 257. item

243. seu

juxta ord.

antiquum

Epist. 200.

303. & 70.

§ II. In immensum dilatabatur secta Arii, qui Filium Dei negabat esse Patri consubstantialem, ipsis præfulgibus quoque magno numero deficientibus, quam proinde eo tum fœda erat facies Ecclesiæ! testantibus id diversorum Orientis simul & Occidentis Conciliorum actis. Interim omnes Monachi non solum per Ægyptum, sed per omnes etiam Romanas provincias decretis Concilii Niceni mordicitus adhærescentes teste Sozomeno, infide stabant inconvulsi, ac sinceri S. Athanasii imitatores, constantissimi illi pene soli voces ejus pro Oraculis habentes, quodvis etiam gravissimum propter ipsum discrimen subituri. Horum Duces erant sanctus Antonius, Pambo, Heraclides, uter-

Ruffin.

Lib. 1.

Cap. 21.

Testant.

Concilia

Sirmien.

Tyren.

Seuician.

Ariminenf.

Sozom.

Lib. 3.

Cap. 12.

S. Greg.

Naz. de S.

Athanasio.

uterque Macarius, Chronius, Paphnutius, Pontabasies, Arsius, Magnus Serapion. Pithyrion, & Pachomius, qui

S. Athan. in Ecclesia representabant duodenarium numerum pretio-
apolog. ad
Constant. forum lapidum, super quos structura muri Monasticæ Per-
& apol. 2. fectionis foret inædificanda. Et quid lucri hi similesque
Epist. ad
solitar. Ep. Monachi reportaverunt exinde? Persecutiones gravissimas
2. ad Lu-
cifer. passi sunt; ejecti ad metalla damnati, flagellati, conculcati

S. Greg. ad mortem usque victi, una cum Monasteriis exusti, cru-
Naz. Orat-
21. & 25. ciati, discerpti, feris objecti, feedumque in modum tru-

Cassian. cidati sunt. Lucius sedis Alexandrinæ invalor ad Mona-
coll. 18. steria, teste Sozomeno, arma furoris sui convertit, vastat
Cap. 7. eremum, & Bella quiescentibus Monachis indicit. Tria
Sozom. Lib. 6. circiter millia Monachorum per eremum dispersa oppu-
Cap. 20. gnare aggreditur. Mittit armatam equitum ac peditum

manum, tribunos, præpositos & Bellorum Duces tamquam
adversum Barbaros pugnatores eligit; quos attamen ita re-
pererunt omnes comparatos, ut mortem oppetere, & Cer-
vices sua sponte gladiis subicere malent, quam decreta
Concilii Nicæni negligere. Præter hos multi sunt passi

S. Athan. Episcopi, quos sanctus Athanasius magno numero elegerat
Epist. ad
Dracon. ex Monachis. Ex quibus præter Heraclidem fuit Dracon-
tius, Serapion, Ammonius, Apollo, Agathus, Ariston,
Muius, Paulus, Paphnutius, atque undecim illi, quos no-

S. Epiph. minat sanctus Epiphanius, quosque Theodorus testatur mul-
Hæres 72.
Nro 10. tis malis vexatos in exilium Diocæsaream Urbem Ethnico-

Theodor. rum missos fuisse. „ Undecim Ægyptiacos Episcopos Vi-
Lib. 4.
Cap. 22. „ ros, qui ab incunte usque ætate religionis gratia in de-
prope fin. „ fertis locis consenuissent, quippe pietatem fidei inculpabi-

„ lis prædicarent, & educati lacte piorum dogmatum, vi-
 „ ctoria sæpe potiti in congressu Dæmonum, virtute sua ve-
 „ nerabiles adversario, in Arianam sectam sapientissima ora-
 „ tione fuissent invecti: Eos igitur instructi ab istius magni
 „ (Lucii) crudelitate exules ejecerunt in Urbem nomine
 „ Diocæsaream. — — — Clericos quoque Catholicæ Ec-
 „ clesiæ manentes Antiochiæ cum quibusdam in solitaria
 „ vita, seu Monastica spectatis in Pontum abigi curarunt
 „ ibidem fortasse vita etiam-spoliatis.” Sicque adversum
 „ pios famulos Dei exitiale bellum susceperunt. Nec so-
 „ lum per Ægyptum, & Libyam ab Arianis in Monachos
 „ hæc gesta sunt, verum etiam Fracia, Cælesyria, Phœni-
 „ cia, Palæstina, aliæque Provinciæ viderunt Athletas, &
 „ Monachos pro sincera fide similia pati.

S. Athan.
 Apolog. 2.

§ III. Magnas admodum, gravesque in Ecclesia tur-
 bas excitaverat Euthiches condamnatus Archimandrita Constan-
 tinopolitanus, qui esto in Concilio Ephesino cum Mona-
 chis adversus Nestorium fortissime steterat, verum indi-
 scretus Zelus ipsum egit in transversum, dum, ne duas
 in Christo videretur cum Nestorio admittere personas, Epistola
 duas in ipso negavit naturas, multos quidem traxerat post
 se in errorem Monachos, sed mox cognito errore hi re-
 cipuerunt, Eutichisque sectatores passim invaserunt. Sed
 quid inde commodi reportarunt? Ex historia Ecclesiastica
 discimus eos Alexandriæ, & per Ægyptum a Pseudo Epi-
 scopo Thimotheo Æluro gravissime afflictos, vexatos,
 ejectos, occisos. Idem eis evenit in secunda Syria a se-
 vero sedis Antiochenæ invasore, Petroque Fullone, &

Epistola
 Theodosii
 pag. 2. Con-
 cil. Chal-
 ced. Baron.
 A.D. 457.

Epist. 22.
 Hormidæ.

aliquando dum magno numero ad mandram irent Simeonis Abbatis, una vice 350. ex insidiis occisi sunt, reliquis vulneratis, & dispersis; non pauci, etiam ad sacra altaria confugientes in ipso sacrario Sacrilege trucidati sunt, incensis Monasteriis, ducenti & octo Archimandritæ isthæc ad Hormisdam retulerunt. Exstat etiam Libellus a 94. Monachis & Archimandritis ad Agapetum Papam datus, sicut & alius ad Concilium Constantinopolitanum V. sub Menna, ubi queruntur, quod, cum resisterent præattactis Pseudo Episcopis, ipsis prius digitos esse fractos, deinde cum vim hanc declinaturi ad Ecclesias confugerent inde fuisse extractos, & occisos.

§ IV. Legantur acta Concilii VI. Constantinopolitani contra Monothelitas habiti, Petrus Presbyter & Monachus inter primos sedebat ac sententiam dicebat Vicarius sedis Alexandrinæ, Georgius vero Monachus Theodori Hierosolimitani Patriarchæ locum impleverat. Aderant & Roma Monachi ab Agathone Papa missi. Cæterique in jugulanda hæresi plurimum laborantes, præcipue autem maximus Abbas Chrisopolitanus sanctitate & sapientia in Ecclesia sicut sol rutilans discurrebat ab ortu per Occasum, & Africam ad Ovile Christi sectæ hujus viros reducturus, hinc vicit ac convertit Pyrrhum Patriarcham Constantinopolitanum, ejusque instinctu Romæ, aliisque in locis Concilia celebrata sunt, fidesque recta stabilita. Sed qua tandem mercede? Primum captus a Constante Imperatore, ac nudus per Urbem regiam ad tribunal tractus, post multas calumnias in exilium ejectus,

iterum post septennium reductus, cum Anastasio discipulo dissentis nervis adeo crudeliter cæsus est, ut nullum membrum a plagis integrum relictum fuerit: post hæc lingua uterque mutilatus, tandem restibus crudelissime laceratus, aliisque tormentis confectus manus carnifici amputandas porrigere coactus, & iterum in exilium ejectus est, ubi post triennium sic sanctus Maximus Octogenarius pene senex migravit ad Dominum, quietus in cella sua moriturus, si permisisset Zelus animarum.

§ V. Lustremus Concilium VII. Oecumenicum A.D. 787. Nicææ contra iconoclastas celebratum. Illico occurreret Legatus Apostolicus Petrus Presbyter, & Monasterii sancti Sabbæ Romæ Hegumenus. Orientalium Patriarcharum, Alexandrini Antiocheni, & Hierosolymitani fuere Legati Joannes & Thomas, Monachi, & Iharasius Patriarcha Constantinopolitanus cuncta egit per officiales Monachos, ita ut in hac celeberrima Synodo Monachi inter Episcopos disputarent, decernerent, & post ipsos subscriberent. Nec mirum quia per universum Orbem constabat sincerissimam fidem ab initio hujus hæresis apud Monachos duravisse; nemo se eidem fortius opposuit, nemo Tyrannis sic in faciem restitit, nemo voce ac calamo liberius locutus est. Ante hanc Synodum, præter sanctum Germanum P. C. erat sanctus Joannes Damascenus, Gregorius Cyprius, sanctus Stephanus Abbas Auxentianus, & post Synodum sanctus Theodorus studita cum infinitis aliis Monachis, quorum virtus per infaustum illud seculum inclaruit, & qui pro fide Christi infinita suppliciorum genera sustinuerunt; con-

Actio-
ne 2.

sule, Benevole Lector! vitas SS. Monachorum Damasceni, Stephani Abbatis, Theodori studitæ, ac reliquorum prodigmatibus Orthodoxæ Ecclesiæ ad mortem usque decertantium. Sanctus Stephanus supra nominatus Chrysopolim captivus ductus, quid non perpeffus est? Alii, (inquit Scriptor vitæ ejus) ipsum magno impetu trahabant: Alii suffibus a tergo feriebant — — Alii tibias ejus calcibus laniabant, faciem conspuebant, alii denique petulantiores cæcis palmarum ramis ante ipsum incedebant cachinantes, & illudentes, & sexcenta in eum dicteria jacentes, qui conjectus in carcerem paulo post interficiendus conclusos eximie virtutis Monachos 342. ex variis locis collectos, atque in eodem carcere condemnatos invenit, qui partim aures exsecatas habebant, partim evulsos oculos, partim amputatas manus, ob id videlicet, quod pro venerandarum imaginum pictura, & erectione lucubratione sedidissent. Inexhaustus labor foret enumerare omnia genera tormentorum, quæ beatissimi Monachi ab iconoclastis per diversas provincias exantlarunt. Gregorio Limniotæ prope centenario seni cutis capitis abstracta, ac super pictam tabellam exusta est, deinde barba

Ignat. in liquente pice conspersa, atque incensa, postremo per Ur-
vit. S. Tha- bem distractus, jugulatusque est, sacris reliquis canibus
rasii. projectis. Joannes Monagriensis Archimandrita sacco in-

Vit. S. clusus, gravique saxo ipsi appenso in mare dejectus est.
Steph.

Theodoro studitæ, ac Theophani facies Jambicis versibus
Zonaras inscriptis deformata fuit. Lazaro pictori Monacho post
in Theo- crudelem excruciationem manus, quibus sacras imagines
phil. pingebat, ardentibus laminis inutiles redditæ sunt. Innu-

meri loris, nervis, flagris concisi sunt. Ut inter minima computanda sint exilia, carceres ac Monasteriorum directiones, & concremationes per omnes Provincias; sic ut iis infelicibus temporibus nihil difficilius fuisset, quam intactum reperire Cœnobium, aut extra carceres viventem Monachum. Hæc merces dabatur laboribus Monachorum, qui si voluissent, extra teli actum esse potuissent, sed in tanta Ecclesiæ necessitate, Zelus Dei non sinebat ipsos esse ociosos, atque quiet.



S A N C T I
B A S I L I I M A G N I
CÆSAREÆ CAPPADOCIÆ
D E J E J U N I O

H O M I L I A I.

Psal. 80. 4. **C**LANGITE, inquit, *in initio mensis, buccina in insigni die solemnitatis vestrae.* Hoc mandatum est propheticum. Porro festum, quod hos dies antecedit, quavis tuba vocalius, & quovis instrumento musico significantius indicant nobis scripturae recitatae. Nam ex Esaia didicimus jejuniorum gratiam, qui ut Judaicum jejunandi modum averfatus est, ita verum jejunium nobis commonstravit. *Ne jejunetis ad lites ac contentiones, sed dissolve omne vinculum iniquitatis.* Et Dominus: *Nolite fieri tristes, sed lava*

Esa. 58. 4.
& 6. *faciem tuam, & unge caput tuum.* Sic igitur animis affecti sumus, quemadmodum sumus, edocti, ac dies instantes haudquaquam tristi, sed hilari animo excipiamus, sicuti decet sanctos. Nemo dejectae mentis coronatur, nemo mœrens trophæum statuit. Noli tristis esse, dum curaris. Absurdum fuerit non lætari de sanitate animæ, imo de commutatis cibis dolere, ac videri tales, qui plus tribuamus

voluptati ventris, quam curæ mentis. Nam in ventre sistitur satietatis delectatio, sed jejunium in animam subvehit lucrum. Sis hilari animo, quod tibi a medico datum est pharmacum efficax abolendo peccato. Quemadmodum enim vermes, qui in puerorum intestinis germinant, pharmacis quibusdam vehementer acribus & amaris excutuntur, ita peccatum in intimis secessibus inhabitans, delet enecatque simul atque in animam supervenerit jejunium, quod scilicet vere sit hoc nomine dignum.

2. *Unge caput tuum, & lava faciem.* Ad mysteria te vocat scriptura. Qui unctus est, inunxit: qui ablutus fuit, abluit. Transfer præceptum ad interna membra. Abluæ animam a peccatis. Unge caput unguento sancto, ut consortium habeas cum Christo, sicque accedito ad jejunium. Noli obscurare faciem tuam more hypocritarum. Obscuratur facies, cum internus affectus externo quodam habitu simulato obumbratur, mendacio veluti velo obtento contactus. Hypocrita est, qui in theatro personam sustinet alienam, sæpe heri, cum sit servus: aut regis cum sit privatus. Itidem in hac vita velut in orchestra quadam agunt plerique vitam theatricam, aliud in corde gerentes, aliud in specie hominibus ostendentes. Itaque ne obscures faciem. Qualis es, talis appare, ne te ipsum transfigures in habitum tristem ac tetricum, hinc laudem ac gloriam aucupans, quod videare continens, ac temperans. Neque enim boni operis, cui tuba præcinit, utilitas est ulla, neque fructus ullus jejunii, quod ad publicam sit ostentationem. Quæ enim ostentationis causa fiunt, ea nequaquam

porrigunt fructum in sæculum venturum, verum in hominum laudem commendationemque desinunt. Proin hilariter accurre ad jejunii donum. Vetus donum est jejunium, quod non veterascit, nec senescit, sed usque renovatur, sed perpetuo vigore pubescit.

3. Putasne me jejunii antiquitatem a legis initio supputare? Etiam ipsa lege antiquius est jejunium. Paulisper si manseris, comperies verum esse quod dixi. Cave existimes diem propitiationis, qui designatus Israelitis erat mense septimo, decimo-die mensis, fuisse jejunii principium. Ades huc, ac per historiam decurrens, vestiga jejunii antiquitatem. Neque enim recens inventum est, sed pretiosus thesaurus a majoribus repositus ac traditus. Quidquid vetustate præcellit, idem venerabile est. Reverere jejunii caniciem. Tam vetus est, ut simul cum homine condito cœperit: in Paradiso præscriptum est. Primum illud præ-

Gen.2. 17. ceptum accepit Adamus: *De ligno scientiae boni & mali non comedetis*. Illud autem, *non comedetis*, jejunii & abstinentiæ lex est. Si a ligno jejunasset Eva, nequaquam

Matth. 9. hoc nunc jejunio opus haberemus. *Neque enim opus est valentibus medico, sed male habentibus*. Fuimus per peccatum læsi, sanemur per pœnitentiam: pœnitentia autem sine

Gen.3. 17. jejunio iners est & infrugifera. *Maledicta terra, spinas & tribulos germinabit tibi*. In tristitia vivere jussus es, non indulgere deliciis. Per jejunium satisfacito Deo. Quin & ipsa in Paradiso vita, jejunii simulacrum est, non ob id modo, quod homo communi cum Angelis vivendi ratione utens, ipsis efficiebatur similis, utpote paucis contentus:

verum etiam, quod quæcumque post hominum cogitatio commenta est, ea nondum degentibus in Paradiso excogitata erant, nondum vini potatio nondum pecudum mactatio, non alia quæcumque perturbant mentem humanam.

4. Quoniam non jejunavimus, exulamus e Paradiso: jejunemus igitur, ut ad illum revertamur. An non vides, quomodo Lazarus per jejunium ingressus est Paradisum? Noli imitari Evæ inobedientiam, noli rursus Serpentem in consilium adhibere, edulium ad carnem mollius curandam proponentem. Ne causeris corporis infirmam valetudinem, ac debilitatem. Neque enim mihi istas excusationes profers: sed scienti dicis. Age, dic mihi, jejunare non potes, & potes continuo expleri cibis, potes conficere corpus pondere escarum? Atqui infirmis, non ciborum varietatem, sed inediam & abstinentiam a medicis solere præscribi scio. Qui fit igitur, ut cum ista possis, illa te non posse cause-
ris? Utrum ventri facilius est tenui victu transmittere noctem, an copia ciborum gravatum jacere? Imo ne jacere quidem, sed crebro huc & huc verti, dehiscentem ac stridentem? Nisi forte dicturus es illud, quod naucleri facilius servant navim sarcinis onustam quam eam, quæ expeditior est ac levior. Nam oneris magnitudine gravatam, quamvis exiguus fluctus adoriens demergit: contra, cujus sarcina moderata est ac modica, hæc facile fluctus superat; eo quod eam his fieri altioremp impediatur nihil. Eundem ad modum & hominum corpora, assidua expletione degravata facile a morbus demerguntur: quæ vero facili levique utuntur alimonia, non modo, quod ex morbo immi-

net malum, velut procellæ assultum effugiunt; verum etiam præsentem jam ægritudinem velut turbinem quemdam exorientem discutunt. Videlicet juxta tuam sententiam laboriosius erit quiescere quam currere, & otiosum esse quam luctari: siquidem judicas congruentius esse infirmos deliciis expleri, quam parco tenuique uti victu. Nam vis illa qua animalia providetur, temperatum ac parcum victum nullo negotio concoquit, & in corporis quod alitur substantiam vertit. At eadem ubi opiparos variosque cibos complexa est, nec deinde par est his omnino coquendis, tum diversa gignit morborum genera.

5. Sed jam ad historiam se nostra recipiat oratio, jejunii antiquitatem percurrentes, & quantopere omnes Sancti, perinde quasi hæreditatem à majoribus traditam, jejunium observaverint, patresque suis quique liberis tradiderint: unde & ad nos perpetua quadam successionis serie pervenit hæc possessio. Non erat in Paradiso vinum, non erat pecudum mactatio, non carniū esus. Post diluvium Gen. 9. 3. cœpit vinum: post diluvium: *Comedite omnia sicut olera pabuli.* Posteaquam desperata est perfectio, tum denique his utendi concessa est potestas. Porro nullam tum fuisse vini experientiam, argumento est Noe, qui nesciebat vini usum. Nondum enim obrepserat in humanam vitam, nondum mortalium usu tritum erat. Itaque cum ille nec alium quemquam bibentem vidisset, nec ipse esset expertus, in Gen. 9. 20. noxam a vino afferri solitam incidit incautus. *Plantavit enim Noe vineam, bibitque de fructu, & inebriatus est; non quidem eo, quod vinolentus esset, sed quod sumendi vini*

modum nesciret. Itaque inventum bibendi vinum, recentius est Paradiso, adeo vetusta est jejunii dignitas. Quin & Mosen novimus per jejunium accessisse ad montem. Neque enim ausus esset verticem fumantem attingere, neque ingredi in nubem, nisi fuisset jejunio obarmatus. Per jejunium legem accepit digito Dei scriptam in tabulis, atque in montis quidem cacumine jejunium legem impetravit, in radice vero montis ingluvies ad idololatriam dementavit.

Sedit enim populus, ut ederet ac biberet, & surrexerunt ad ludendum. Quod famulus quadraginta dies jejunus assidue versans cum Deo, deprecansque confecerat, id unica temulentia reddidit irritum, infrugiferumque. Nam tabulas, quas jejunium impetrarat conscriptas digito Dei, ebrietas comminuit; judicavit quippe Propheta ebrium populum dignum non esse, qui legem acciperet a Deo. In unico temporis momento populus ille, qui maximis prodigiis Dei cognitionem acceperat, per gulam ad insanam Ægyptiorum idololatriam devolutus est. Hæc utraque inter se composito, hinc quomodo jejunium adjungat Deo, illinc, quomodo luxus auferat salutem. Descende, ac via qua cœpisti ad inferiora perge.

6. Ecquid inquinavit Esau, & servum fecit fratris? Gen. 25. Nonne edulium unum, cujus gratia vendidit jus primogeni-^{33.} niti? Jam Samuelem nonne deprecatio cum jejunio conjuncta donavit matri? Quid fortissimum virum Sampsonem^{15.} invictum reddidit? an non jejunium, quocum in utero matris conceptus est? Hunc peperit jejunium, hunc enutrivit jejunium instar nutricis, jejunio in virum adolevit, quod

Jud. 13. jejunium Angelus præscripserat matri. *Quicquid profici-*
 14. *scitur e vinea, ne edat; vinumque & siceram ne bibat.* Je-
 junium Prophetas generat, roborat fortes: jejunium legum
 latoribus subministrat sapientiam: bona animæ custodia, cor-
 pori tutus contubernalis, armatura fortiter belligerantibus,
 athletis exercitium. Hoc tentationes depellit, hoc ungit
 ad pietatem, sobrietatis domesticus comes, opifex castita-
 tis. In bellis fortiter agit, in pace docet quietem. Na-
 zaræum sanctificat, perficit Sacerdotem. Neque enim fieri
 potest, ut absque jejunio audeat ad sanctum ministerium
 accedere, non tantum in mystico horum temporum vero-
 que cultu, verum etiam in eo, qui juxta legem in figuris
 3 Reg. peragebatur. Jejunium Eliam magni illius spectaculi spe-
 19. 8. ctatorem fecit, qui cum quadraginta dierum jejunio re-
 purgasset animam, ita demum in spelunca, quæ est in Cho-
 reb, promeruit videre Dominum, quantum quidem licet
 homini videre. Jejunans reddidit viduæ filium, fortis fa-
 ctus adversus ipsam mortem per jejunium. Vox abs je-
 junantis ore profecta, scelerato populo clausit cælum an-
 nos tres, ac menses sex. Ut enim hominum duram cer-
 vicem habentium cor indomitum emolliret, voluit & se-
 ipsum ea calamitate cum cæteris condemnare. Propterea,
 3 Reg. *Vivit Dominus, inquit, si erit aqua super terram, nisi per*
 17. 1. *os meum.* Et jejunium intulit per famem populo omni,
 videlicet ut ortam ex deliciis vitæque dissoluta nequitiam
 corrigeret. Rursus quinam victus Elisæi? quomodo apud
 Sunamitidem hospitio usus est? quomodo ipse Prophetas
 excepit? Nonne agrestia olera ac farinæ pauxillum hospi-

talitatis munus explebant? Quo tempore etiam colocynthide sumpta, erant periclitaturi qui gustarant, ni fuisset jejunatoris prece dissipatum venenum. Atque, ut semel omnia dicam, reperies quotquot fuere sancti, omnes per jejunium ad vitam Deo dignam institutos fuisse. Ea est natura corporis ejusdem, quod *amianton* vocant, ut igni consumi non possit. Id si in flamma ponatur, videtur quidem ignescere, & in prunam verti: sed si eximatur igni, perinde quasi fuisset aqua illustratum, evadit purius. Hujusmodi erant trium illorum puerorum corpora in Babylone, naturam *amianti* per jejunium habentia. Siquidem in vehementi fornacis flamma, quasi natura fuissent aurei, ita apparuerunt noxa ignis ac injuria superiores. Quin & auro ostensi sunt fortiores. Neque enim ipsos conflagrat ignis, sed integros illibatosque tuebatur. Atqui nihil est, quod illam tum flammam sustinere potuisset, quam naphthe, pix, & sarmenta sic alebant, ut ad quadraginta novem cubitos diffusa esset, atque circumjacentia depascens, plurimos Chaldaeos absumpserit. Hoc igitur tantum incendium pueri cum jejunio ingressi conculcarunt, liquidum ac roscidum aërem in igne tam vehementi respirantes. Neque enim ignis vel pilos illorum ausus est attingere, eo quod a jejunio essent aliti.

7. Porro Daniel vir desideriorum, cum tres hebdo-Dan. 10. 2.
 madas panem non edisset, nec bibisset aquam, demissus in lacum etiam leones jejunare docuit. Neque enim leones dentes in illum impingere valuerunt, perinde quasi e lapide, aut aëre, aut alia quapiam rigidiore materia con-

cretus fuisset. Adeo jejunium velut quædam ferri tinctura firmarat viri illius corpus, ac leonibus insuperabile reddiderat. Neque enim os aperuerunt adversus sanctum. Jejunium restinxit vim ignis, obturavit ora leonum. Jejunium precationem trasmittit in cælum, dum ipsi est alarum loco ad supernum iter conficiendum. Jejunium domorum incrementum est, sanitatis mater, juventutis pædagogus, ornamentum senibus, bonus comes viatoribus, tutus contubernalis conjugatis. Nullas maritus suspicatur jugio strui infidias, conspiciens uxori familiare jejunium. Non contabescit uxor zelotypia, cernens maritum amplecti jejunium. Quis rem familiarem diminuit in jejunio? Recense hodie domus supellectilem, ac postea denuo numera, nihil deerit ob jejunium in rebus domesticis. Nullum animal deplorat uortem, nusquam sanguis, nusquam sententia ab inexorabili ventre adversus animantia prolata. Cessat machæra coquorum, mensa contenta est sponte nascentibus.

Exod. 20. Sabbatum Judæis erat traditum, *ut requiescat*, inquit, *10. jumentum tuum & servus tuus*. Sit jejunium famulis requies a perpetuis laboribus, qui tibi per totum annum inserviunt. Dato respirationem & moram coquo tuo, sine vacare fructorem mensarum; siste pocillatoris manum, sit aliquando respiratio variorum bellariorum ac cupediarum architecto. Conquiescat tandem ipsa domus ab infinitis tumultibus, a fumo, a nidore, ab his qui sursum deorsum cursitant, ac ventri velut imperiosæ dominæ ministrant. Prorsus etiam tributorum exactores, sibi obnoxiiis posillum concedunt libertatis. Det aliquantum vacationis & ven-

ter ori, paciscatur nobiscum quinque dierum inducias, qui semper alioqui flagitat, nec unquam desinit, dum quod accepit hodie, cras obliviscitur. Cum fuerit expletus, tum de abstinentia philosophatur: ubi detumuit, dogmatum illorum obliviscitur.

8. Jejunium non vivit fœnoris naturam, non olet usufras jejunantis mensa, non præfocat orphanum jejunatoris filium æs alienum a patre conflatum, quod serpentium ritu circumvolvatur. Quamquam & alias jejunium occasio est hilaritatis. Nam quemadmodum sitis efficit, ut jucundus sit potus, & sicut quæ præivit fames, epulas suaves reddit: ita quoque quæ sumuntur edulia, condit jejunium, atque edulcat. Dum enim medium se interponit, ac deliciarum continuum usum interrumpit, sumtionem, utpote intermissam, tibi jucundam exhibebit. Proinde si vis tibi mensam apparare suavem, admitte ex jejunio vicissitudinem. Tu vero, quod deliciis nimium addictus es, insipidas reddis tibi delicias imprudens, ac præ voluptatis amore voluptatem fugas. Nihil enim tam cupitum est, quod non abeat in fastidium, si perpetuo fruarè. At quæ raro habentur, his avide fruimur. Sic & qui condidit nos Deus, providit ut dona ipsius gratiam apud nos obtineant ipsa vivendi varietate, ac vicissitudine. An non vides solem esse lætiorem post noctem? ac vigiliam esse jucundiorè post somnum? & sanitatem esse desiderabiliorè contraria expertis. Itidem & mensa est gratior post jejunium, idque ut divitibus, & iis, quibus mensa est opipara,

para, ita tenuibus, & iis, qui parabili facillique victu utuntur.

9. Terreat te divitis exemplum, quem vita in deliciis acta tradidit incendio. Non enim ob crimen iniustitiæ, sed ob vitæ mollietatem in camini flamma torrebatur. Proin ut hoc incendium extinguamus, opus est aqua. Neque vero ad futura solum utile est jejunium, sed hic etiam ipsi carni conducibilis est. Siquidem habitudo corporis extreme bona sensim alteratur, mutaturque: nimirum succumbente natura, nec valente corpulentiae pondus sustinere. Vide ne qui nunc aquam respuit, in posterum quoque exemplo divitis illius, stillam aquæ concupiscas. Nemo per aquæ potum lapsus est in crapulam, nulli caput unquam doluit aqua gravatum. Nullus eguit alienis pedibus, cui fuerit familiaris aquæ potus. Nullius pedes præpediti sunt, nullius manus usum suum amiserunt, aqua irrigatæ. Nam concoctionis vitium, quod viventes in deliciis necessario comitatur, acres morbos gignit in corporibus. Jejunantis color venerabilis est, non inverecundo rubore floridus, sed modesto pallore cohonestatus: oculi placidi, incessus compositus, vultus cogitatione defixus, nec intemperato risu dedecoratus, concinnus sermo, purum cor. Revoca in memoriam quotquot ab orbe condito fuere sancti, quibus dignus non erat mundus, qui circumibant in pellibus ovium & caprarum, egentes, pressi, afflicti; illorum imitare vitam, si modo illorum cupis assequi fortem. Quæ res Lazaro quietem paravit in sinu Abrahæ? Nonne jejunium? Porro Joannis vita, unum erat ac con-

tinuum jejunium. Non habebat lectum, non mensam, non arva, non aratorem bovem, non triticum, non pistorem, denique non aliud quidquam eorum, quæ ad victum pertinent. Ideoque *inter natos mulierum non surrexit major* Matth. 11. 11. *Joanne Baptista.* Paulum cum alia, tum jejunium quod 2 Cor. 11. 27. & 12. 2. super afflictionibus suis glorians recenset, in tertium cœlum subvexit. Porro quod præcipuum est ex iis quæ diximus, Dominus noster non prius in carne, quam pro nobis assumpserat, diaboli insultus excepit, quam eam jejunio communisset, tum nos erudiens ut nosmet jejuniis ac tentationum certamina ungamus & exerceamus, tum adversario per esuritionem præbens accedendi quasi ansam. Alioqui propter divinæ naturæ sublimitatem non patebat ad illum aditus diabolo; nisi se per esuritionem ad humanam imbecillitatem submisisset. Attamen priusquam reverteretur in cœlos, cibum gustavit, corporis quod resurrexerat naturam ac veritatem comprobaturus. Tu vero nullum ne finem facturus es teipsum supra modum saginandi ac carne onerandi? nullam ne animo ex fame & inedia extabescente, habiturus es rationem salutarium ac vivificorum dogmatum? An ignoras quod perinde atque in acie hinc atque hinc instructa, qui alteri parti fert suppetias, facit, ut altera vincatur: ita qui carni sese adjungit, expugnat spiritum, & qui ad spiritum transit, carnem in servitutem redigit? Hæc enim sibi invicem adversantur. Proinde si cupis mentem reddere validam, fac carnem domes jejunio. Hoc enim est quod ait Apostolus, quod quantum externus homo corrumpitur, tantum internus renova-

^{2 Cor. 4.} tur. Item illud: *Cum infirmor, tum potens sum.* Itane
^{16. & 12.} non contemnes istas escas, quæ corrumpuntur? itane non
 te capiet illius mensæ desiderium, quæ est in regno cœ-
 lorum, quam prorsus hic jejunando tibi præparabis? An
 ignoras quod immoderata expletione tibi ipsi pinguem tor-
 torem vermem paras? Quis enim in splendidis epulis, per-
 petuisque deliciis particeps factus est ullius doni spiritualis?
 Moses ut alteram acciperet legem, altero jejunio opus ha-
 buit. Nisi una cum Ninivitis jejunassent & ipsa bruta ani-
 malia, haud quaquam effugissent subversionis comminatio-
^{Heb. 3.} nem. *Quorum cadavera prostrata sunt in deserto?* Nonne
^{17.} eorum, qui esum carniū flagitabant? Illi donec erant con-
^{Num. 14.} tenti Manna, & aqua de petra fluente superabant Eryp-
^{37.} tios, per mare faciebant iter, *non erat infirmus in tribu-*
^{Psal. 104.} *bus eorum:* posteaquam vero recordati sunt carniū ollas;
^{37.} & desiderio reversi sunt in Ægyptum, non viderunt ter-
^{Exod. 16.} ram repromissam. Non metuis exemplum? non horres
^{3.} edacitatem? ne forte a bonis quæ speramus, te excludat.
 Ac ne Daniel quidem ille sapiens visiones vidisset, nisi je-
 junio reddidisset animam limpidiorem. Siquidem pinguiore
 passu ceu fumosi quidam vapores exhalantur, qui lucem
 sancti Spiritus in hominis mentem irradiantem, quasi densa
 nubes interveniens, intercipiunt. Quod si Angelorum quo-
 que cibus est ullus, panis est, quemadmodum ait Propheta:
^{Psal. 77.} *Panem Angelorum manducavit homo.* Non carnes, non vi-
^{25.} num, non denique quæcumque alia, quæ qui serviunt ventri,
 ingenti studio exquirunt. Jejunium armatura est ad consili-
^{Marc. 9.} gendum cum dæmonibus. Nam *hoc genus non exit nisi*
^{28.} in

in oratione & jejunio. Tam multa bona proveniunt e jejunio: contra, satietas lasciviæ initium est. Statim enim una cum deliciis, ebrietate, & omni genere conditis bel-lariis, prodit libidinis pecuniæ genus omne. Hinc equi infanientes in fœminas fiunt homines, ob æstrum ac fu-rorem quem in animo gignunt deliciæ. A temulentis orta est naturæ inversio, dum in masculino sexu fœmininum, in fœminino masculinum quærunt. Jejunium vero etiam in usu conjugii modum temperantiamque docet, ac volupta-tum lege concessarum immodicum usum castigans, parit 1 Cor. 7. 5. concors otium, ut perseverent in precatione.

10. Cave tamen ne jejunii utilitatem sola escharum ab-
stinencia metiaris. Verum enim jejunium est a vitiis esse
alienum. *Solve omne vinculum iniquitatis: condona pro-* Isai 58. 6.
ximo molestiam illatam tibi, remitte illi debita. Nolite ad Ibid. v. 4.
lites ac contentiones jejunare. Carnes non edis, sed come-
dis fratrem. A vino abstines, sed ab injuriis tibi non tem-
peras. Expectas vesperam, ut cibum capias, sed diem to-
tum absumis apud tribunalia. Væ iis, qui ebrii sunt, non a
vino. Ira, mentis est temulentia, eamque desipientem red-
dit, haud aliter quam vinum. Tristitia est quoque temulen-
tia mentem obruens, ac demergens. Alia temulentia metus
est, cum habetur ubi non oportet. *A timore enim, inquit,* Psalm.
inimici eripe animam meam. In summa, quivis affectus dimo- 63. 2.
vens animam a statu suo, dici merito potest ebrietas. Cōgita
mihi hominem ira percitum, quam temulentus sit eo vitio.
Non est sui compos, non novit semetipsum, non novit,
qui adsunt: sed velut in pugna nocturna, omnes attingit,

in quoslibet obvios incidit, inconsiderata loquitur, non potest cohiberi, convitiatur, percutit, minatur, dejerat, vociferatur, disrumpitur. Fugito istam temulentiam, sed ne illam quidem, quæ ex vino nascitur, admitte. Noli aqueæ potum largiore vini potu prævertere. Ne te ad jejunii mysteria introducat ebrietas. Non est per temulentiam aditus ad jejunium, quemadmodum nec ad justitiam accessus est per fraudationem, nec ad castimoniam per lasciviam, nec, ut summatim dicam, per nequitiam ad virtutem. Aliud ostium est ad jejunium. Ebrietas ad lasciviam inducit, ad jejunium frugalitas. Athleta ante certamen exercetur: qui jejunaturus est, præparat se per abstinentiam. Ne velut ulciscens hos dies, neu veluti fucum facturus legislatori, ante hos quinque dies colloca crapulam. Nam laboras frustra, si corpus quidem conficis, nec tamen solatium esuritioni admoves. Insidia est cella, in pertusum dolium infundis. Etenim vinum diffluit ad suam recurrens viam, contra remanet peccatum. Famulus profugit ab hero verberante: tu vero non recedis a vino, quod tuum quotidie caput percutit? Modus utendi vino optimus est, corporis necessitas. Quod si fines prætergredieris, postridie venies capitis gravedine affectus oscitans, vertigine laborans, putrefactum obolens vinum: omnia tibi circumferri, omnia circumvolvi videbuntur. Ebrietas ut somnum affert mortis germanum, ita vigiliam habet somniis assimilem.

11. An ignoras quem es hospitio excepturus? nimirum illum, qui nobis ita pollicitus est: *Ego & Pater veniemus, & mansionem apud eum faciemus.* Cur igitur prius

recipis temulentiam, ac Domino ingressum præcludis? Cur hostem inducis, ut tua prior munimenta occupet? Ebrietas non recipit Dominum, ebrietas Spiritum sanctum propellit. Fumus quidem abigit apes, dona vero spiritualia fugat crapula. Jejunium civitatis est ornamentum, fori columen, domorum pax, incolumitas facultatum. Vis jejunii videre dignitatem? Confer mihi hodierni diei vesperam cum vespera crastini, conspicias civitatem e tumultu ac tempestate mutatam in profundam tranquillitatem. Utinam autem & hodiernus dies crastino similis sit sanctitate & gravitate, & crastinus dies hodierno non cedat hilaritate. Cæterum, qui nos produxit ad hunc temporis recursum Dominus, præstet nobis tamquam certatoribus, ut in hoc certaminum exordio firmam ac constantem temperantiam ostendamus, perveniamusque ad arbitram coronarum diem, ut recordemur nunc quidem salutiferæ Passionis, in futuro vero sæculo fruamur præmio, pro his, quæ in hac vita gessimus, reponendo in justo judicio Christi ipsius, quoniam illi gloria in sæcula, Amen.

FINIS PARTIS QUARTÆ.



E R R A T A.

<i>Pagina</i>		<i>Linea</i>	<i>Errata</i>		<i>Corrige</i>
4	—	26	sobrius	—	sobrias
6	—	16	multos	—	multo
8	—	25	in aretum	—	in arctum
11	—	4	regulam	—	Regulum
14	—	17	contra duo unum	—	contra unum duo
32	—	5	e syri	—	etiam Syri
33	—	24	coquendis panis	—	coquendis panibus
33	—	ult.	ater	—	alter
39	—	21	quo passus	—	quot passus
40	—	2	de vida	—	de vita
40	—	5	vel habenas	—	vel habeas
49	—	8	moribus	—	majoribus
54	—	2	ultra horum	—	ultra horam
—	—	25	intraffe	—	intra se
51	—	8	& proposito	—	de proposito
57	—	1	ad futurum	—	ad futuram
—	—	3	expectatum	—	expectatur
58	—	3	displibent	—	displacent
60	—	6	incrudulum	—	incredulum
—	—	27	ullum rem	—	ullam rem
67	—	2	cœnac'um	—	cœnaculum
77	—	3	ne h'ic labor	—	hic labor
78	—	11	synaribus	—	synaxibus
88	—	2	sub ratione	—	sub oratione
89	—	20	descendi	—	descendit
—	—	25	lintulo	—	linoleo
91	—	20	pertriemum	—	per triennium
92	—	20	ut credi pars	—	ut credi par est
94	—	1	non medium	—	non medicum
97	—	3	adorare	—	ardore
—	—	26	imprudeti	—	imprudenti
88	—	8	eum	—	cum
101	—	26	ac pœnitentius	—	ac pœnitentis
104	—	ult.	indicunt	—	indicant
105	—	6	anilabus	—	analabus
—	—	18	eum	—	cum
111	—	23	œdatum	—	œdatam
114	—	26	prohibetæ	—	prohibete
124	—	20	gaudeat	—	gaudeant
129	—	13	adulterium	—	adulterinum
134	—	23	multa temporis	—	multum temporis
137	—	6	modesto	—	Modesto
148	—	4	stimulatis	—	simultatis

